



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

8

9-61

478-62



ԳԻՐԻՔ

ՊԵՏԱՐՈՒԹԵԱՆ

ՈՐ ԿՈՉԻ

ՊՂՆՁԻ ՔԱՂԱՔ

ԵՒ

ԲԱՆՔ ԻՐԱՏԱԿԱՆՔ ԵՒ ՕԳՏԱԿԱՐՔ

ԻՒԿԱՐԱՅ ԻՄԱՍՏՆՈՅ

ԵՒ ԱՅԼ ԲԱՆՔ ՊԻՏԱՆԻՔ

Ի ՊԵՏՐՈՒԹԵԱՆ Կ. ՊՕԼՍՈՅ

Տ. Տ. ՍԱՐԳՍԻ

ՍՐԲԱԶԱՆ ԱՐԻԵՊԻՍԿՈՊՈՍԻ

Տպագրութիւն

ՌՈՒԻԲԵՆԻ Յ. ՔԻՒՐՔՃԵԱՆ

Կ. ՊՕԼԻՍ, ՖԻՆՃԱՆՃԸԼԱՐ

—1861—

8
6t
uy

4057

1005

38250 wch



2033.60

(841
40)

2001

Յ Ա Պ Ա Ջ Ա Ե Բ Ա Ն

Մատենա անուանեալ ՊՂՆԶԻ
 ՔՍՂԱՔ՝ բովանդակէ երկուս Ա Էպս
 իւրիք իրօք նման վիպասանութեանց ինչ
 որ յարդեաց շահն կոչին . զՊատմութի
 Ալէքսիանոսի և կամաւոր աղքատի
 որ և ՚ի Ա արս շարանց գտանի , և այլ
 վէպս և բանս խրատականս : Յօրին
 ուած Ա իպացն չէ արդարև ճարտար
 և գեղեցիկ , բայց և այնպէս անդէպ
 և հակառակ ինչ կրօնից և բարոյակա
 նութեան ոչ գտանի ՚ի նոսա : շայն
 ցեալ ՚ի հանգամանս և յանուսումնու
 թիւն ժամանակին յորում գրեալ են ,
 զարուեստ և զճարտարութիւն կամ
 զճաշակ արդի մատենագրութեան , և
 կամ զյստակութիւն և զփափկութիւն
 լեզուի ընտիր մատենագրաց մերոց
 ինդրել ՚ի նմա չէ պարտ . Յայտնի իմն

է թէ 'ի բազմաց բամբասի մատեանս .
 այլ՝ որպէս ասացաք՝ թէպէտ և չեցէ
 արժանի մեծի գովութեան , սակայն և
 չեք տեղի ծաղու և անարգանաց այնո-
 ցիկ՝ որ կարի սաստկութեամբ բամբա-
 սեն զնա : Մերազգեայք գաւառաբը-
 նակք յօժարութեամբ ընթեռնուն զսա-
 և վասն այսորիկ երբեմն փափաքանօք
 խնդրի : Աստի կամեցեալ մեր նորոգ
 'ի լոյս ընծայել զսա , և տեսեալ ևս
 զանհարթութիւն լեզուին , խորհեցաք
 ուղղել զլեզուն լոկ , առանց մուծա-
 նելոյ փոփոխութիւն յիմաստսն . և քան-
 զի յօրինուած լեզուին առաւել մերձ
 էր 'ի հին գրաւոր լեզու , քան յարդի
 աշխարհիկ բարբառ մեր , վասն այնո-
 լիկ բարւոք թուեցաւ մեզ ուղղել զնա
 ըստ կանոնաց պարզ և յստակ հայկա-
 բանութեան : Այտ նպատակի մերոյ 'ի
 սրբագրութեան մատենիս կրկին է .
 նախ՝ զի յօրինելով զսա ըստ ոճոյ յըս-
 տակ հայեցի լեզուի , ոչ միայն ընթեր-
 ցողացն լեցի գիւրութիւն և միջոց վար-

Ժեւոյ 'ի գրաբարն , այլ և կարիցէ ծա-
 ուայել 'ի պէտս աշակերտաց քերական-
 նութեան 'ի գաւառս , ուր՝ որպէս լը-
 սեմք՝ բազում անգամառ 'ի չգոյէ մա-
 տենի , զպոյն զայս մատեան տան 'ի ձե-
 ուրս այն ինչ զարգացելոց յուսման քե-
 րականութեան : Արկրորդ՝ զի մի ա-
 մենեին անհետ լեալ ջնջեսցի յիշատա-
 կարանս այս յետին դարուց մատենագ-
 րութեան , որ եթէ ոչ զայլ ինչ՝ գէթ
 զողի ժամանակին ցուցանէ : Ա ստահ
 եմք թէ յետ ամաց ինչ 'ի ծաղկել ուս-
 մանց և գիտութեանց 'ի գաւառս , ոչ
 ևս եղիցի պիտոյ տարածումն այսպի-
 սեաց . բայց ամենայնի գոյ ժամ և ժա-
 մանակ . և իմաստութեան է զամենայն
 ոք այնպիսի խայծիւք որսալ որ ախոր-
 ժական թուի քմաց նորա :

Առ այժմ այսչափ յառաջագիմու-
 թիւն բաւական լիցի՝ զի այս վերջին
 նուագ մատեանս փոխանակ անհարթ
 լեզուին՝ որչափ ինչ մարթ էր յստակ
 հայեցի բարբառով 'ի լոյս ընծայի :



ՊԱՏՄՈՒԹԵՐՆԵՆ

ՊՂՆՁԻ ՔԱՂԱՔԻՆ

ՈՐ Ե

ՕՐԻՆԱԿ ԱՇԽԱՐՀԻ



Էր 'ի Բաբելոն քաղաքի Խալիֆայ մի,
որում անուն էր Աբդուլէլիք: Յա-
ւուր միում էջ 'ի հրապարակ, ժողովեաց
զիւր մեծամեծան, եւ եհարց վասն Սողո-
մոնի թէ Ո՞րպէս հրաման առնէր 'ի վերայ
դիւացն:

Յառաջ եկն Ամիրայն եւ ասաց:

Հզօր եւ մեծ Խալիֆայ. էր մարդ մի
որդի վաճառականի եւ ասէր թէ՛ ես գնա-
ցի 'ի Սելեւկիա կղզին, եւ մոլորեցաք 'ի
ծովուն քառասուն օր: Եւ ապա ելաք 'ի
լեանն մի բարձր՝ եւ ամենեւին ոչ ճանա-
չէաք զտեղին. եւ տեսաք մարդիկ սեաւօ
եւ այլադէմս, որք ողջոյն ետուն եւ տա-

բան զմեզ 'ի տունս իւրեանց: Եւ կացաք
 առ նոսա առուքս երիս: Եւ ելեալ զնացին
 'ի ծովն յորս, եւ տարան զմեզ ընդ իւր-
 եանս: Արկին զգործին' եւ կալան ձկունս
 բազումս. եւ զոյգ ընդ ձկանցն բերին կռժ
 մի' արճճով կնքեալ' կնքով Սողոմոնի: Եւ
 բացեալ զկռժն' ել մուխ սեաւ եւ բարձ-
 րացաւ յօղս, եւ եղեւ զիշատեսիլ մարդոյ:
 Աղաղակեաց եւ ասէ. Սողոմոն, Սողոմոն, որ-
 դի Դաւթի մարդարէի. մեղա՛յ, ոչ եւս այլ գոր-
 ծեմ զոր ինչ գործեցին. այլ կամ 'ի հրա-
 մանս քո: Ձի գիտաց գեւն թէ՛ զեռ եւս
 Սողոմոն կենդանի է:

Յայնժամ ասէ Խալիֆայն. Ոչ հանդչի
 սիրտ իմ' մինչեւ տեսանեմ զայն կռժ, եւ
 ապա հաւատամ բանիդ այդմիկ: Եւ հրա-
 մայեաց Խալիֆայն Տալիպի որդւոյ Սէհա-
 լայ թէ՛ Գնա առ Ամիրսուսէն առ տէրն ա-
 բեւմտից. երկոքին երթայք շրջեցարուք
 մինչեւ գտանիցէք զկռժն. եւ ինձ հա-
 տատուն զրոյց բերձիք թէ զի՞նչ կայցէ 'ի
 ծովու կամ 'ի ցամաքի: Եւ ետ Խալիֆայն
 գանձ բազում Տալիպին եւ ականս պատ-
 ռականս, Տաճիկ ձիան, եւ ազնիւ ծառայս:
 Գնաց Տալիպն առ Ամիրսուսէն:
 Եւ ել Ամիրսուսէն շատ հեծելովք յաշ-
 խարնն Ականացոյ թագաւորին:

Ընթերցաւ թագաւորն Ականացոյ զհը-
 բաման Տալիպին. եւ կոչեաց որչափ ինչ

յնքում աշխարհին հին մարդ կայր, եւ ըզ-
 հանապազանայ վաճառականն : Գտաւ
 մարդ մի ծեր, որ գիտէր զծով եւ զցամաք.
 եւ զանքնակ աշխարհն տեսեալ էր : Եհարց
 թագաւորն զծերն եւ ասէ. Սիրելի՛ գիտե՞ս
 զայն տեղի՛ ուր Սողոմոն բարկացաւ զիւաց,
 եւ ՚ի պղնձի կուժ արկ եւ արճճով կընք-
 եաց եւ ՚ի ծով ընկէց : Ասաց ծերն՛ Այո՛
 գիտեմ : Ասաց թագաւորն թէ՛ Պարտ է զի
 տարցիս զԽայիֆայն եւ զԱմիրայան յայն
 տեղի : Ասաց ծերն՛ Յոյս ունիմ յԱստուած,
 եթէ ՚ի բարին առաջնորդեցէ : Բայց ճա-
 նապարհն վաճառուր է եւ հեռի. քառա-
 սուն օր անջուր պարտին երթալ եւ գալ :
 Եւ բազում զարմանք կան ՚ի ճանապարհին.
 Յայնժամ ասաց թագաւորն ՅԱմիրմուսէն.
 Զայդ գիտուն ծերդ՛ որոյ նման յաշխարհի
 այլ չիք, քեզ եմ տուեալ : Ծունր եդ Ա-
 միրմուսէն՛ եւ զզեցոյց պատմուճան ծերոյն.
 Եւ եհարց զծերն՛ թէ Զի՞նչ պէտք են ՚ի
 ճանապարհին : Ասաց ծերն՛ Զազար ուզտ
 աւելի պիտին քան զմեր գրատտա՛ զի ջուր
 բառնամք ու մտանեմք ՚ի Պոլի աշխարհն :
 Այլ զջուրն պարտ է ապակեղէն կժով բառ-
 նալ՛ զի մի ցամաքեցի . զի հողմն սառ-
 տիկ գոյ, որ ցամաքեցուցանէ զջուրն ՚ի
 տկին :

Յայնժամ զուզեցին եւ ուղեւորեցան՛
 ՚ի ճանապարհ : Եւ գնացին երկու հազար ձի-

աւորօքն ՚ի շէն եւ յանշէն ՚ի ներքս. եւ հասին
 յանմարդաբնակ աշխարհն, եւ կատարեցաւ
 տարի մի: Եւ ի գիշերի միում զաստղն նշան
 եղեալ ծերոյն՝ երթային. եւ ծածկեաց ամպն
 զաստղն, եւ մոյորեցան ՚ի ճանապարհէն: Եւ
 հարց Ամիրմուսէն զծերն եւ ասէ. Յորո՞ւմ
 աշխարհի եմք: Ասաց ծերն՝ Ո՛չ գիտեմ:
 Ասաց Ամիրմուսէն. Կարե՞ս դառնալ յայն
 տեղի՝ ուր զճանապարհն կորուսաք: Ասաց
 ծերն՝ Ոչ: Յայնժամ շատ լացին, եւ գնացին
 յանուն Աստուծոյ մինչեւ ՚ի հասարակ օր:
 Եւ մտին յաշխարհ մի տափարակ. եւ կայր
 ՚ի մէջ յաշխարհին սեւագոյն բլուր մի բարձր.
 եւ ՚ի հեռուստ որպէս զծուխ երեւէր.
 եւ դիմեցին ՚ի նա: Եւ իբրեւ մերձեցան՝
 տեսին, զի գմբէթ էր բարձր եւ գեղեցիկ.
 եւ բովանդակ շինուածն էր յականց պատ-
 ուականաց. յակինթ եւ զմրուխտ, եւ շուրջ
 զանազան ակամբք զարդարեալ: Ասաց Ա-
 միրմուսէն՝ Փառք Աստուծոյ. ո՛րպէս գե-
 ղեցիկ են շինուածքս: Եւ դուռնն գեղեցիկ
 մարմարիոնեայ էր: Եւ գմբէթին նիստ՝ հա-
 զար ուղտու քայլ էր. եւ գմբէթն բարձր՝
 արճճով կապեալ: Ետես Ամիրմուսէն՝ եւ
 զարմացաւ ընդ բարձրութիւն գմբէթին: Եւ
 էր անվայր եւ անմարդաբնակ. եւ բու ճը-
 չէր ՚ի վերայ պարսպացն: Իբրեւ զայն տե-
 սին՝ լացին յոյժ: Եւ ասաց Ամիրմուսէն թէ
 Բաց յԱստուծոյ ոչ ոք կարէ շինել. զի

փառք եւ վայելչութիւն աշխարհիս սուտ է :
 Եւ գրեալ էր ողբս այս :

Գնաց ժամանակ նոցա իբրեւ զերազ
 'ի մութ գիշերի. չիք դառնալոյ հնար յայն
 տեղի՝ զոր զկնի թողին: Երանի՜ թէ կարէ-
 աք գիտել, թէ արդեօք բարի գործովք
 գնացին. կամ թէ հարուածովք անցին,
 վասն մեղաց որ չերեւին այլ եւս :

Յայնժամ ասաց Ամիրմուսէն. Ո՛ւր են
 սոցա տեսարքն կամ շինողքն. եւ ո՛ւր են,
 որ բազումս աշխատ եղեն, եւ որպէս ըզ
 ծաղիկ թառամեցան եւ պակասեցան : Ասաց
 ծերունին. Պա՛րտ է քեզ գոհանալ զԱստու-
 ծոյ, որ փրկեաց զմեզ 'ի վտանգէ անտի,
 եւ հասոյց յայն տեղի վայելուչ : Գիտե՞ս, քաջ
 արանց, զի քո աստուածսիրութիւնդ փրկե-
 աց զմեզ : Իմ հայրն ասէր թէ՛ որ յայնմ
 տեղով մուրեակ է՝ ուր մեք մուրեցաք,
 այլ ոչ է երեւեալ : Բայց աստի մինչեւ 'ի
 Պղնձի քաղաքն երեք ամսոց ճանապարհ է.
 զայս քաղաք Աղեքսանդր շինեաց՝ եւ ընդ
 այս գնայր 'ի Պղնձի քաղաքն : Յայնժամ ասաց
 Ամիրմուսէն՝ Նախ 'ի քաղաքս յայս մտցուք
 եւ տեսցուք զվայելչութիւն քաղաքին, եւ
 ապա երթիցուք : Եւ մտեալ 'ի քաղաքն՝
 տեսաք գեղեցիկ դարպաս մի շինեալ մեծ
 եւ լայնանիստ. եւ 'ի դրան գրեալ էր գիր
 նօտրագրովք : Ասաց Ամիրայն, ո՛վ կա-

րէ կարգալ զայս գիրս: Ասաց ծերն՝ Ես եօթըն ազգի գիր գիտեմ: Ասաց ամիրայն՝ կարգա՛, զի տեսից:

Եւ գրեալ էին այս բանք:

Մարդ որ գայ յայս տեղի, թող լացցէ զմեզ՝ ինքն խրատեսցի. զի մեք ՚ի մեր բազում իրացն բաժանեալ ողորմելի ու լալոյ արժանի եմք: Եւ սակաւ մի յառաջ երթայք, եւ տեսանիցէք իրս զարմանալիս. եւ փառս Աստուծոյ տացջիք, քանզի նա է միշտ կենդանի: Տեսէ՛ք գուք բազում զարմանս, թէ յորմէ հետէ մարդ ՚ի հող դարձեալ է, եւ մահ բաժանեաց զմեզ, կորուսաք զոր ինչ ունէաքն: Համարս տալոյ եմք մեք արարչին՝ զոր ինչ եմք գործեալ, այլ վա՛յ անաչառ ատենին, ուր ահեղ բարբառն է հնչելոյ: Ժողովեցաք գանձս բազումս, եւ այլոյ թողեալ գնացաք. զսակաւն տուաք, եւ զանդէնին բազումն մոռացաք: Եւ ընդ մեզ երկն, զոր ինչ յայս կեանս գործեցաք, եւ եթէ չար արարեալ եմք զամենայն գործոյ զհաշիւն տալոյ եմք:

Յայնժամ մտին ՚ի դարպասն եւ տեսին զարմանալի շինուածս՝ եւ գետինն էր յատակեալ արծաթազօծ եւ ոսկեզօծ. եւ զնացին յայլ գուռն մի:

Եւ գրեալ էր ողբս այս :

Քանի Ազամայ որդիք ծնեալ են յայս կեանս եւ մեռեալ . եւ քան զանասուն անբան՝ կենդանեօքս աստէն մոլորեալ են : Այլ որ գիտունքն լեալ են , զայս կեանքս սուտ են համարեալ . զանդէնն իւրեանց տուն շինեալ , եւ վստահ 'ի ներքս գնացեալ են : Լուաւ Ամիրմուսէն՝ եւ աղի ողորմ ելաց եւ ասաց . Որ ունի միտս եւ իմաստութիւն՝ նա կարէ ճանաչել զայս կեանս , զի ամենայն մեծութիւն ոչ ինչ է : Եւ էր 'ի քաղաքին յայնմիկ զմբեթ մի , եւ շուրջ զզմբեթաւն էին գերեզմանք չորեք հարիւր մարմարիոնեայ քարամբք ազգի ազգի գունովք : Եւ գրեալ էր 'ի վերայ շիրմին փորեալ եւ ոսկւով լցեալ՝ Յունարէն գրով ողբ բազում . եւ գերեզման մի այլ կայր զարդարեալ՝ զոր ընթերցաւ ծերն :

Եւ գրեալ էր ողբս այս :

Եղուկ եմ ես , ցորչափ կենդանի էի եւ վայելեցի , զամենայն գործոց զհամարն պահանջիմ . ահա եհաս ժամ :

Մինչդեռ կենդանի էի , բազմաց պարգեւս բաշխէի . եւ անմահ կարծէի զանձն իմ , այլ ահա եղէ սակաւ մի փոշի :

Եւ գրեալ էր թէ՛ Հեճոռային գերեզմանն
է, որ ՚ի մահուն ժամանակի ասաց ՚ի
վերայ իւրոյ անձինն:

Մինչդեռ յայս կեանս էիր, հանապազ
երերեալ եւ տատանեալ կացեր, բերդս եւ
քաղաքս բազումս, զամենայն խլեցեր դու
զայլոց: Այժմ՝ խաւարին լեալ ես, եւ ես
դու կեր որդանց. եւ վասն ամենայնի զոր
զրկեցեր դու ՚ի կեանս յայս՝ պատասխա-
նի տալոց ես:

Յայնժամ մտին յայլ դուռն մի. եւ զըր-
եալ էր. Երբ մահ եկն՝ իմ զօրքն չկարա-
ցին թափել զիս. իմ յայնչափ մեծութե-
նէն ոչ էր այլ մարդ. իմ բաժին պատանք
են, եւ որ տանինն եւ փորեն զգերեզմանս.
ասենայն մեծութիւնս կորեալ՝ եւ այլոց մը-
նաց: Յետոյ ուրեմն ՚ի միտ առի թէ մարմ-
նոյ սէրն կորոյս զիս. յորժամ իմ անչափ
մեծութիւն ինձ շահ ինչ ոչ եղեւ. եւ իցէ՞
մարդ որ այսց սուտ կենաց հաւատայցէ:

Եւ մտին յայլ գմբեթ մի. եւ տեսին՝
զի զարմանալի շինուածովք զարդարեալ
էր: Ո՛վ եղբարք՝ Աստուած միայն է ան-
մահ եւ անորատ. մի՛ լինիք վստահ ՚ի
սէր աշխարհի. զի խաբէութիւն եւ սուտ
է, եւ երազոյ նման:

Եւ գրեալ էր ողբս այս:

Ա՛յ իմ սիրելի եղբարք, նայեցարուք յիս 'ի վշտահարս. բազում 'ի միասին կեցաք, եւ ուրախ լինէաք հաւասար: Յայսմ տեղուջ իմ համար խիստ է, զի գժոխք են մի՞թին եւ խաւարին. տեսէք զիս եւ զձեր հնարս խորհեցարուք. եղո՛ւկ ինձ, եւ բի՛ւր եղուկ:

Եւ գրեալ էր թէ՛ Որ զիսն տեսանէ, թող վայ տացէ ինձ. զի ես թագաւոր էի հըզօր եւ յաղթող 'ի պատերազմի. այժմ լաւ է մուրացիկ մի քան զիս:

Եւ գրեալ էր ողբս այս:

Մինչ ես կենդանի էի, տէր էի հազար քաղաքաց, բերդք եւ գաւառ բազում, անհամար եւ անթիւ էին իմ: Ունէի ձիաքսան հազար անհետեթեթս եւ զարմանալիս. եւ իբրեւ ելանէի 'ի տանէ, քսան հազար արանց տայի հեծանել:

Անչափ ոսկի եւ արծաթ, ականս պատուականս եւ մարգարիտ ունէի. դոր պարկովք լցեալ էի, եւ կեցի ամս հարիւր տասն: Յանկարծակի մահ պատահեաց յիմ ապարանս, եւ ոչ մնացաք ո՛չ ծեր եւ ո՛չ տըղայ, այնպէս զի թաղել ոչ կարացաք: Իբրեւ զմեծսն թաղէաք, եւ զայլսն 'ի բաց ընկեհուաք, այլ այժմ մեք յաղթեցաք չա-

րաչար, եւ զայս բանս առ ձեզ գրեմք :
 Որ զմեր հէք մահն լսէք, դուք ձեզէն մեօք
 խրատեցարուք . լսելով զհասեալ բարկու-
 թիւնն, 'ի մանկութեանն ձերում ապրեսջիք :
 Ես մեծ թագաւոր էի, հզօր զօրաւոր եւ
 քաջ . բազում գանձ եւ կերպաս ունէի՝
 զոր այլ ոք ոչ ունէր 'ի վերայ երկրի : Զհո-
 գի իմ անտես արարի, եւ զընչից շահս
 թուէի . այլ զամենայն այժմ այլոց թողի,
 միայն զպատանս առեալ գնացի : Մեռայ
 ես որ տէր էի բարութեանց զոր դուք տե-
 սանէք . ումեք յերկրի մերում այնպիսի
 գեղեցիկ վայելչութիւն ոչ եհաս : Նա տա-
 կաւին զրկէի զայլ ոք, մինչեւ մահն ա-
 սաց թէ բաւական է . մոխրոյ եմ հաւասար
 եղեալ, այլ եղբարք իմ դուք մի՛ խաբիք :
 Եւ յորժամ ցաւն զիս նեղեաց՝ կոչեցի
 զիման զամենայն եւ ասացի թէ Օգնեցէք
 ինձ . թափեցէք զիս 'ի մահուանէ, որ բա-
 ժանէ զիս 'ի ձէնջ : Նոքա ասացին, Եթէ
 թշնամի չարակամ ունիս, ասա զի կռուես-
 ցուք . ապա թէ ոչ ընդ Աստուծոյ ո՛վ
 կարէ կռուել, մահ առաջի ամենեցուն կայ .
 Իբրեւ զայն լսեցի, կացի 'ի հրամանսն Աս-
 տուծոյ . ետու բերել զինչս իմ զամենայն,
 եւ կուտեցի որպէս զբլուր մի : Եւ ասա-
 ցի իմոյ գանձին թէ՛ Գնեա՛ զիս, զի տա-
 րի մի եւս այլ կեցից . նա ասաց, թէ Այդմ
 բանի չիք հնար . եւ կացի յԱստուծոյ հը-

բամանան, եւ արձակեցի զհոգի:

Եղո՛ւկ իմոյ անուան մեռելոյ, զի այլ ոչ բնաւ յիշատակի. Թագաւոր որդի Գաղատայ, որդւոյ Շատայ Թագաւորի:

4057 21033.60

Որչափ գանձ եւ կարասի եւ կերպաս էր իմ, զոր մեղօք էի ժողովեալ. ոչ կարաց ինձ մին օգնել, կամ սակաւ մի ըզցաւ փարատել: Տուք զայս կեանս եւ զայն առէք. քանզի մահու հնար հատեալ է, եւ չիք հողածին ծնունդ կենդանի որ գանձըն 'ի մահուանէ պահել կարիցէ:

Եւ բուրգն մի էր 'ի մէջ ապարանիցն, եւ ոսկի Արծիւ մի՝ գրեալ 'ի վերայ նորա. ջուրն 'ի բերանն 'ի վայր Թափէր. 'ի ներքոյ նորա էր գետինն յատակեալ արծաթեզօծ եւ ոսկեզօծ: Եւ գրեալ էր Թէ՛ Որ տեսանէ զայս վայելչութիւն, նա թող փառաւորէ զԱստուած:

(84) 40

Եւ գրեալ էր ողբս այս:

Է մարդ՝ իմացիր զայս կեանս, եւ գիտասջիր զի չէ նա մնացական. զմահ մոռացայք դուք, նա ամենեցուն է ասպրնջական: Որչափ ոք յԱդամայ անտի ծնեալ են, ամենեքին գնան. դու ջանա զի գրարիս գործեսցես, զի մի անդ զղջացիս:



Եւ զնացից 'ի ջորրորդ դուռն. Եւ գրբեայ եր թե' մինջ ես 'ի սեղան նստի' նազար մարդ 'ի ծառայութիւն կանգներ առաջի իմ. Եւ երկու հարիւր մարդ յիմ սեղան նստեր. Եւ ողբս այս:

Այժմ' 'ի հող դարձայ, կերակուր լեալ եմ որդանոց. եւ յանհուն բարեաց անտի խնոց դատարկ եւ 'ի բաց եմ մնացեալ: Բազում այր անարժան ոտիւք յիմ տուն եկեալ զզնայր եւ կոխէր. այժմ ոչ ոք երկնչի յինէն, աղքատաց նման լեալ է իմ: Է' մարդ, յորժամ դաս առ մեզ. լաց եւ որոնեա զմեր կորուսան. մահ դիւրաւ հասանէ մարդոյ, եւ զկեանս մարդոյն գիւրաւ փոփոխէ: Մինչդեռ կենդանիքս էաք, նստէաք ընդ ում արժանն էր. այժմ յամենեցունց դատեալ եմ, եւ անանց հարն զիս այրէ:

Եւ զնացից 'ի հինգերորդ դուռն. Եւ գրբեայ եր 'ի վերայ դրանն ոսկեդէն գրով խրատ բազում, Եւ ողբս այս:

Աստի կենաց բարիք չեն բնաւ մնալուն. մահ հզօր գայ եւ տանի 'ի հող եւ 'ի բանտ: Արչախ անհոգ լինիս, եւ ինչս բազում ունիս 'ի գանձի, մահ գայ քակէ եւ տանի, այնպէս զի եւ հեաք անդամ չերեւին:

Ի վեցերորդ դուռն գրեալ էր ողբս այս:

Յիմար որդիք Ադամայ, որ զաշխարհաւ
կաթողի էք . տեսէք թէ քանի մարդիկ,
յԱդամայ հետէ անցեալ են: Դուք իսկ բը-
նաւ ոչ յիշէք, այլ իբրեւ զանբանս էք դուք.
եւ անմխիթար քայլիւք զօր մահուն մե-
ռացեալ էք:

Յեօթներորդում դրանն գրեալ էր
ողբս այս:

Աստի կենաց բարութիւնք երազոյ իմն
նման են. հազար վայ նմա ասեմ, որ զայս
կեանս սիրէ յոյժ: Երանի տամ մարդոյ որ
զանտի զտունն շինէ, զի յորժամ 'ի կե-
նաց աստի ելանիցէ, մի յամօթ կրեսցէ
յԱստուծոյ:

Յութերորդ դրանն գրեալ էր ողբս այս:

Այլ ոչ խրատին մարդիկ, թէ մահուն
օրն գալոց է. մոռանան զահագին տան-
ջանան, որ զբազումս անգր ժողովէ:

Չոր ինչ աստ գործեալ են, անդ ընդ
միում հազար տուժին. այլ դու ջանա զքեզ
ազատ պահել 'ի մեղաց եւ 'ի գործոց չարաց:

Եւ գրեալ էր թէ՛ Տեսէք զի այս ամե-
նայն շինուածոյս եւ զանձուս ես տէր էի,
նստէի յայսմ գմբեթի եւ վայելէի . եւ 'ի յայ-
քում անուշահոտութենէ անմահանայի՛ Արդ՝

տեսէք զայս ամենայն թագաւորութիւնս , որ տուն լեալ են այժմ զազանաց եւ թըռչնոց . ցորչափ զայս տեսանէք այլ մի՛ հրպարտանայք , եւ մի՛ գործէք չար , եւ մի՛ նախանձիք ընդ սուտ փառս : Յիշեցէք զայն զի համարս տալոց էք առաջի Քրիստոսի . զի ոչ կարէք պատճառել , թէ ոչ գիտացաք :

Եւ գրեալ էր ողբս այս :

Արիք դուք յայս տեղի եկայք , եւ տեսէք զիս ընդ հողով . թողեալ եմ զամենայն 'ի բաց , այլ եւ զգործոց իմոց զհամար պահանջիմ : Լացէք զայնր ամենայնի իշխանս . զի տէր էի հազար երկրի , այսօր յամենայնէ զրկեալ , անձն իմ ակն ունի գեհենի :

Եւ այլ բազում բանք ողբոց գրեալ էին . եւ թեթեւացոյց Ամիրմուսէն զաշխարհս յաչս իւր : Եւ գնացին յայն գմբեթ՝ որ քան զծուխ նուրբ եւ անօսր երեւէր . այնչափ բարձր էր եւ արճճով կապեալ . զայն տեսին եւ զայլոց վայելչութիւնն մոռացան : Քանզի որմքն համակ ոսկւով շինեալ , եւ դրունքն համօրէն ծխանելիք էին , մեք ոչ կարացաք գրել . 'ի գմբեթին յայնմիկ էր սեղան մի , որ դեղին ակամբք պատռականօք ոսկւով եւ մարգարտով էր կազմեալ . եւ էին շուրջ զնովաւ երկոտասան

ականք, եւ ողջոյն սեղանն հարիւր թիղ էր : Եւ գրեալ էր թէ՛ Ո՞ւր են նոքա , որ զուարթանային շուրջ զսեղանուլս . եւ սեղանն ըովանդակ լի էր լուսատու ականքք :

Եւ գրեալ էր ողբս այս :

Բազում թագաւորք 'ի ճաշ բազմեալ են զսովաւ . այսօր մին 'ի նոցանէ ոչ երեւի . եւ այն որ գալոց է այսր , գնալոց է անհնարին : Փոխին ազգէ յազգ աւուրքս , եւ եկն օր զի ամենեքին մեռան անտէր թողին զայս սեղան , եւ լալով գնացին :

Եւ 'ի միւս կողմն գրեալ էր ողբս այս գեղեցիկ :

Ձինչ գեղեցիկ շինուած կայցէ , մահ գայ զամենայն խափանէ . ճարտար դու , միտ դիր . սոցա շինողքն այժմ ո՞ւր են : Ապա արժեցո զաշխարհս , եւ մտօք զանձն քրննեա , դու երկնաւորին փառս տուր , զի ամենայն հոգւոց նա տիրէ :

Եւ գրեալ էր, թէ Այս սեղան զմրուխտ թագաւորին է : Հազար թագաւոր է կերակրեալ 'ի վերայ սեղանոյս , եւ ամենայն թագաւորաց անուանք գրեալ են . եւ ամենեքեան մտեալ են 'ի հող :

Եւ իբրեւ ետես Ամիրմուսէն՝ հրամայեաց հեծելոցն թէ՛ Գրեցէք զայս ամենայն . եւ մնացին յայնմ գրեթի աւուրս երիս :

Եւ ապա գնացին այլ եւս երից աւուրց
 ճանապարհ, եւ տեսին բլուր մի բարձր,
 եւ 'ի վերայ բլրին կայր ձիաւոր մի 'ի
 պղնձէ. եւ գրեալ էր 'ի վերայ ումբի թէ՛
 կալ զիս եւ տասն անգամ շուրջ ած.
 եւ ուր դադարեացիս՝ այն է Պղնձի քա-
 ղաքն. Արարին որպէս եւ գրեալ էր, եւ
 ուղղեցաւ ծայր ումբին ընդ արեւմուտս. եւ
 գնացին ընդ այն, եւ անցին ընդ դժուա-
 րին կապան մի, եւ տեսին բարձր բլուր
 մի 'ի քարէ: Եւ անդ 'ի սեան միոյ ծայր
 կայր կենդանի մի 'ի ձեւ մարդոյ. թաղ-
 եալ 'ի մէջ սեանն մինչեւ 'ի մէջնն. Եւ
 ունէր երկուս թեւս մեծամեծս. ձեռք որ-
 պէս առիւծու էին. հերք որպէս ձիոյ.
 աչք մեծամեծք եւ կարմիր իբրեւ զբոց
 վառեալ. եւ կերպարանք նորա որպէս
 զթուխ սագի: Գոչէր ահագին ձայնիւ եւ
 ասէր. Փա՛ռք Աստուծոյ անարատի եւ ան-
 մահի բարձրելոյ եւ միշտ կենդանւոյ, որ
 զայս անտանելի չարչարանս ած յիմ վե-
 րայ: Եւ իբրեւ տեսին, զարմացան յոյժ:
 Եւ ասաց Ամիրմուսէն գողբս զայս 'ի վե-
 րայ նորա:

Զարմանալիս տեսաք, մեք այսօր, զոր
 չէր տեսեալ այլ մարդ հողածին. կենդա-
 նի մի թեւաւոր, յորոյ աչացն հուր փայ-
 լէր: Կերպարանքն որպէս թուխ սագի,

փառք ասէր անմահ Արարչին, որ զայս
չարչարանս ինձ ետ . զոր չէ կրեալ այլոյ
քաջի անմարմնոյ :

Եւ գնացին : Էհարց առ նա ծերն եւ
ասաց . Ո՞վ ես դու . կամ ո՞յր եղեալ է
զքեզ յայդ սիւնդ : Ասաց թէ՛ Ես այնդ եւ
եմ, որ ընդ Սողոմոնի պատերազմեցայ . իմ
անունս համչէր է . ես աստ կամ 'ի չար-
չարանս հրամանաւ Սողոմոնի, մինչեւ
Աստուծոյ հրամանն հասանէ առ իս :

Ասէ Ամիրմուսէն . վասն է՞ր եղ զքեզ
Սողոմոն յայդ չարչարանս : Ասաց քաջն .
Թագաւոր մի Ապտիլազիզ անուն, որ ինձ
քեռորդի էր : Եւ ունէր երկուս կուռս .
կանաչ զմրուխտ, եւ յակինթ . եւ ես սպա-
սաւոր էի կուոցն : Եւ մերոյ թագաւորին
բազում հեծեալ զօրք էին . եւ ոչ ոք կա-
րէր զդէմ ունել նորա . եւ բազում քաջք
'ի նորա հրամանս էին : Եւ թագաւորին
էր մերոյ դուստր մի չքնաղապեղ զարմա-
նալի որոյ նման ոչ գոյր : Առաքեաց Սո-
ղոմոն դեսպան առ թագաւորն մեր եւ ա-
սաց . Տուր զքո դուստրն ինձ 'ի կնութիւն .
եւ կոտորեա զկուռս քո . եւ հաւատա
յԱստուածն իմ, որ արար զերկինս եւ զեր-
կիր : Թէ զայս առնես՝ եղբայր լինիս ինձ .
սպա թէ ոչ՝ պատրաստեա զքեզ 'ի պա-
տերազմ, զի գամ տամ զմահ քեզ բա-
ծին :

Լուաւ մեր թագաւորն եւ բարկացաւ .
 կոչեաց զիւր հեծեալսն ամենայն , եւ ե-
 հարց թէ՛ Զի՞նչ տամք պատասխանի Սո-
 ղոմոնի : Ասացին մեծամեծքն թէ՛ Ի մարտ-
 նաւորաց քան զքեզ ոչ գոյ մեծ . գու մեծ
 ես քան զՍողոմոնն : Բայց մուտ գու առա-
 ջի չատուածոցն , եւ աղաչեա զնոսա , թէ
 Օգնեցէք ինձ . զի Սողոմոնն կամի զալ 'ի վե-
 րայ մեր առ 'ի կոտորել զմեզ : Յայնժամ
 ես անբան տգէտ եւ ամբարտաւան եւ
 յուսացեալ յիմ մեծութիւն . որ ոչ ճանաչէի
 զՍողոմոնն հզօր Գաւթի որդի՝ ես հարցի
 զկուռսն վասն այսր բանի : Պատասխանի
 ետուն թէ՛ Մի՛ երկնչիք 'ի Սողոմոնէ ար-
 քայէ ես կարող եմ առնուլ զզործ Սողո-
 մոնի . եւ տամ ձեզ զյաղթութիւն : Լուաւ
 Ապտիլազիզ թագաւորն մեր եւ ուրախ
 եղեւ յոյժ , եւ զՍողոմոնի դեսպանսն գան
 եհար , եւ բազում բանս չարս թշնամա-
 նաց ասաց զՍողոմոնէ . եւ ասաց , թող
 պատրաստեսցի 'ի պատերազմ . զի ես ե-
 կեալ տամ նմա բաժին զմահ :

Գնաց դեսպանն եւ պատմեաց Սողոմո-
 նի զամենայն : Եւ սողոմոնն պատրաստե-
 ցաւ 'ի պատերազմ . ժողովեաց զօրս եւ քա-
 ջրս բազումս մամնաւորս եւ անմարմինս .
 հազարս հազարաց եւ բիւրս բիւրոց , օձս
 եւ վիշապս , գազանս եւ անասունս եւ թռչ-
 չունս . եւ ուսոյց նոցա մարտնչել : Եւ ե-

կեալ Սողոմոն յաշխարհ մեր՝ յղեաց պատ-
գամ առ թագաւորն մեր թէ, Ահա եկի
'ի քո աշխարհն. լուր հրամանաց ինոց եւ
եկ առիս. եւ կոտորեա զկուռսդ. եւ հա-
ւատա յԱստուածն իմ. զի ոչ կարեն դո-
քա պահել զքեզ 'ի ձեռաց ինոց: Լուա
թագաւորն մեր՝ եւ կալաւ զպատգամա-
ւորնն Սողոմոնի. զերեսս նոցա սեւացոյց՝ եւ
յուզարկեաց առ Սողոմոն թէ՛ Պատրաստ
լեր, զի կռուիմք. տեսցուք՝ ո՞ր Աստուած
կարող է եւ յաղթող: Գնաց պատգամա-
ւորն՝ եւ ասաց Սողոմոնի զամենայն:

Յայնժամ գնաց Սողոմոն 'ի դաշտ մի
տափարակ. եւ իմ թագաւորն 'ի լեառն մի
տափարակ: Ժողովեցան զօրք բազումք
անթիւ եւ անհամար՝ եւ քաջք բազումք,
եւ յաջողեաց կռիւն: Եւ հրամայեաց Սողո-
մոն զազանացն՝ որոց կէսն ընդաջմէ կա-
յին, եւ կէսն 'ի ձախմէ: Եւ թռչնոցն հը-
րամայեաց որ բարձրանային 'ի վերայ ձայ-
թելով, եւ կտցով ծակէին զերեսս եւ զա-
չքս մեր, եւ չտային բանալ: Գազանացն
հրամայեաց թէ՛ Զգրաստս լախեցէք եւ
փախստական արարէք: Օճիցն եւ վիշա-
պացն հրամայեաց թէ՛ Ի մէջ ոտից նոցա
մտէք եւ պաշարեցէք: Եւ ինքն Սողոմոն
նստեալ էր յաթոռ ոսկիապատ օձակերպ,
զարդարեալ ազգի ազգի զարդուք: Եւ
հրամայեաց Սողոմոն՝ եւ բարձրացուցին

զաթոռն, որ հայէր 'ի վերայ պատերազմին :
 Եւ հրամայեաց Սողոմոն մեծի պաշտօնէին
 իւրում . որ կայր յաջակողմն իւր՝ եւ այլ
 հեծեալք ընդ անամարմնոցն 'ի ձախմէ կա-
 յին : Եւ ետուն պատերազմ զերիս աւուրս
 եւ զերիս գիշերս . եւ ով կարէ պատմել
 զահագին պատերազմն , զդղրդումն՝ եւ
 զգոռումն : Եւ նախ քան զամենեսին ես
 յաղթեցի հեծելոցն Սողոմոնի . եւ պարծե-
 ցայ , թէ զառաջին պաշտօնեայ Սողոմոնի
 զԱմիրաթ՝ բերեմ առաջի իմոյ թագաւո-
 րի : Գոչեցի եւ խառնեցայ 'ի հեծեալն ա-
 սելով թէ՛ Զայլ ոք ոչ խնդրեմ , բայց ըզ-
 քեզ Ամիրաթ . եկ զի տեսցուք զիրեար :
 Եւ նա եւս գոչեաց ահեղագոչ ձայնիւ .
 Եւ ինձ այնպէս թուեցաւ թէ՛ երկինք պա-
 տառեցան եւ փլան 'ի վերայ իմ . բեկան
 մէջք հեծելոցն մերոց 'ի սաստիկ ձայնէ
 նորա : Եւ յորժամ խառնեցաք ամենեքին
 յիրեար , թռչունքն չտային 'ի մեզ բա-
 նալ զաչս . գազանքն եւ սողունքն ափշե-
 ցուցին զմեզ : Եւ այնպէս սաստկացաւ կը-
 ուին զի ոչ հայր որդւոյ ողորմէր , եւ ոչ
 եղբայր եղբօր կարէր օգնել . եւ բազումք
 'ի մերոց զօրաց մեռան : Ապա եկաք ես եւ
 Ամիրաթն յիրեար . եւ վեց ժամ կռուե-
 ցաք , մինչեւ ձանձրանալ երկոցունց . եւ
 ես կամէի՝ մեկնիլ յԱմիրաթէն : Ետես Սո-
 ղոմոն զիմ դառնալն յետս . հրամայեաց

Թէ՛ կալարուք զայդ անհաւատդ : Փախեաց
 ես, եւ Ամիրաթն անկաւ 'ի վերայ իմ-
 ասացի ցԱմիրաթն՝ Երգմնեցուցանեմ ըզ-
 քեզ յԱստուած կենդանի. զի յորժամ տար-
 ցիս զիս առաջի Սողոմոնի արքայի, մի՛
 տացես սպանանել զիս : Եւ տարաւ զիս
 առաջի արքային : Եւ Սողոմոն ետ բերել
 զայս սիւն քարեղէն, եւ բանտարկեաց
 զիս աստ երկաթով, եւ արծճով, եւ պը-
 ղնձով : Եւ հրամայեաց Ամիրաթին՝ Որ բարձ-
 զիս յուս այսու քարամբ եւ յայս լեառն զոր
 անսանէք :

Ասաց ծերն. Այն պատերազմ զի՞նչ ե-
 ղեւ : Ասաց քաջն. Յորժամ Ամիրաթն զիս
 փախոյց եւ կալաւ, իմ թագաւորն փա-
 խեաւ. եւ Սողոմոն եմուտ զհետ նորա, ու
 զիմ թագաւորն սպան եւ զզօրսն կոտոր-
 եաց : Ասին զկղզին, եւ զկուռսն Չարդեցին.
 եւ զթագաւորին գուսոր առ Սողոմոն իւր
 կնութեան. եւ զերկիրն Ամիրաթին 'ի ձե-
 ուրն ետ. եւ ինքն դարձաւ ուրախութեամբ
 'ի տուն իւր :

Ասաց Ամիրամուէն. Օրհնեալ է Աստ-
 ուած զի յամենայն տեղիս փառաւորի ա-
 նուն նորա : Եհարց ցքաջն թէ՛ Զայն տե-
 ղի գիտե՞ս, ուր Սողոմոն զղեւան 'ի պը-
 ղրնձի կուժ ելից՝ եւ 'ի ծով ընկէց : Ասաց
 քաջն թէ՛ Մօտ է 'ի կուռկուռեայ լեառն
 'ի ծովն. եւ բնակեալ են 'ի լերինն յայն.

միկ մարմնաւոր սեաւ մարդիկ : Եւ ետ
քաջն զնշան լերինն եւ զքաղաքին Պղնձոյ :
Գնացին աւուրս բազումս . եւ իջին 'ի
գաշտ մի , ուր կայր ծառ եւ տունկ . եւ
պտուղն անուշահամ : Գնաւ եւ աղբերա-
կունք եւ ջուր քաղցր : Եւ անտի անդր
գնացին քառասուն օր , եւ ապա հասին
'ի Պղնձի քաղաքն . եւ էր որպէս զհուր
վառեալ :

Ասաց ծերն . Ահա այն է քաղաքն Պը-
ղնձի : Եւ իջին 'ի դուռն քաղաքին , եւ
ոչ գտին զմուտն . եւ հեծուցին երիս արս
յուղտ , եւ շրջեցան ընդ պարսպաւն զի-
րիս աւուրս եւ զերիս գիշերս . ոչ գտին
այլ տեղի , որ խոնարհագոյն էր քան զայն
տեղի՝ ուր իջեալ էին : Եւ պարիսպն ա-
մենայն որպէս մի սեաւ քար էր . եւ այնպէս
թուէր որպէս միաբերդ : Վախժսուն կան-
գուն բարձրութիւն , քառասուն թիղ լայ-
նութիւն էր պարսպին . եւ ունէր քսան եւ
եօթն դուռն . 'ի միոջէ դրանէն ցմիւս դու-
ռնն ոչ երեւէր մարդն : Յայնժամ էառ Ա-
միրմուսէն ընդ իւր զՏալիպն եւ զաւելո-
րն , եւ գնացին 'ի բարձր լեառն սի որ մօտ
էր քաղաքին . Հայեցան 'ի վերայ քաղա-
քին եւ ասացին թէ՛ Ոչ եմք տեսեալ այս-
պիսի շինուածս 'ի վերայ երկրի . եւ բու-
ճէէր 'ի վերայ պարսպացն : Յետոյ դարձան
եւ գտին տապանս մարմարիոնեայս գոյն

զգոյն. եւ գրեալ էր 'ի վերայ սեաւ վորե-
 եալ եւ ոսկւով լցեալ :

Եւ գրեալ էր ողբս այս :

Է՛ մարդիկ որդիք Ադամայ, դուք ըզ-
 գաստացարուք եւ իմացարուք մտօք զսուս
 կեանս, եւ զմահու գալն 'ի վերայ : Զի
 քակէ զամենայն շինուած, զոր շինէ տէր
 եւ ոչ իմանայ. կայ մնայ մեզ պատասխանի
 տալ ամենայնի, եւ ոչ մի բան ոչ մնայ :

Եւ յայլում շիրմի գրեալ կայր ողբս այս :

Է՛ դուք, որդիք Ադամայ, մի լիցի
 թէ մոռանայցէք զՎստուած. նա առաա
 է իւրով բարերարութեամբ, հա՛րբերէ՛
 եւ դուք ոչ իմանաք : Դարձարուք 'ի
 պիղծ գործոց ձերոց, զի մի յանանց հու-
 րըն մատնես շիք. մեք 'ի բիւրապատիկ
 բարեաց անտի մերոց՝ քան զպարանս այլ
 ինչ ընդ մեզ ոչ տարաք :

Եւ յայլոյ գերեզմանի վերայ գրեալ էր
 ողբս այս :

Է՛ դուք, որդիք Ադամայ, թափեցէք
 զգինիդ որ 'ի ձեզ է, զմարմինսդ պարա-
 րէ՛ք, հոգւոց ձերոց բաժին ինչ ո՞չ պատ-
 րաստէք : Զի մի յորժամ 'ի ճանապարհ
 ելանիցէք՝ դողումն զձեօք պատիցէ. կազմ
 եւ պատրաստ կացէք, զի մի երկանց դեւն
 զձեզ արգելուցու :

Սև յայլոյ գերեզմանի վերայ գրեալ էր
ողբս այս:

Գիտասջիք զի առ սակաւ սակաւ ա-
ւուրք մեր անցանեն. որչափ եւ զարմանք
թուիցին մեզ, 'ի հող գնալոց եմք: Ար-
թունք եւ պատրաստք լերուք. պատաս-
խանի տալոց էք այնմ որ դատի. վա՛յ մար-
դոյ որչունիցի բնաւ զահ եւ զերկիւղ մա-
հուն:

Սև յայլոսմ շիրմի այս ողբ գրեալ էր:

Ով Աստուած իմ բարերար, ազաչեմ
դքեզ խրատեա զիս. ունկն դիր ծառայի
քում. ազատեա զիս յիւրոց մեղաց: Խրատ
բարեաց տուր ինձ, եւ զիմ զբազում մե-
ղքս մի յիշեր. դու ողորմած Աստուած ես,
եւ զմարդ ընդ մեղաց ոչ դատիս:

Սև 'ի վերայ այլոյ իրիք գերեզմանի ող-
բս այս գրեալ էր:

Ով դուք, որդիք Ադամայ, զայն տա-
նելոց էք զոր աստ գործէք. ազգ ընդ
ազգի դատիք. այլ զոր շահէքն աստ թո-
ղուք, անդր ինչ ոչ տանիք: Գիտեմ զի
Աողոմոնն ասաց. Էր զոր ուտէի, եւ էր զոր
խաբէի, այլ զոր ետուս աղքատաց, զա-
մենայն անդ դաի:

Զայս ամենայն բանս որ 'ի վերայ շիր-

ժայ դերեզմանացն զրեալք էին, հարին 'ի գիր, եւ եկին 'ի հեծելագունդն: Եւ կապեցին սանդուղիս եւ եզին 'ի պարիսպն: Ասաց մարդ մի թէ՛ Ես ելանեմ 'ի պարիսպն: Իբրեւ ել 'ի պարիսպն՝ ծիծաղեցաւ. ծափ զծափի եհարեւ ասաց. Ա՛հ, ո՛հ, զի՛ գեղեցիկ է քաղաքս, եւ անկաւանդէն եւ մեռաւ: Այլ ոք եկն յառաջ եւ ասաց՝ Ես ելանեմ 'ի պարիսպն, զի այրն այն ցնորեցաւ եւ զխելն ունել ոչ կարաց: Ասայ Ամիրմուսէն. Ոչ է գործ առնն իմատանոյ զիւր ընկերն մեռեալ տեսանել եւ չերկնչել: Յետ այնորիկ եօթնայլ արք ելին 'ի պարիսպն, եւ ամենեքեան ծիծաղեցան. ծափ զծափի հարին եւ անկան 'ի քաղաքն եւ մեռան: Ուշաթափեցաւ Ամիրմուսէն՝ եւ ելաց դառնապէս:

Եւ ասաց զողբս գայս 'ի վերայ պարսպին:

Պարիսպ դու աննման, զամենեւին 'ի վայր ընկեցեր. մարդիկդ որ 'ի վերայ քեկին՝ իբրեւ զծաղիկ թօթափեցան: Չեմ ես տէր ամենայնի, թերեւս չորի դիպեցան. ահա դողան հեծեալքս ամենայն յիրաց այտի, ով քաղաքդ աննման:

Իարձաւ եւ ասաց Տալիպն. Կամիմ ես գնալ վասն հեծելոյդ: Ասայ Ամիրմուսէն. Գնա վասն հեծելոյդ, եւ վասն խալիֆա-

յին սիրոյ . վասն խմոյ բանիս մի՛ գնար :
 Յայնժամ Տալիպն զիւրոյ ընչից զկէսն Աս-
 տուծոյ խոստացաւ . եւ իբրեւ ել 'ի պա-
 րիսպն յիշեաց զԱստուած . ծիծաղեցաւ եւ
 ծափ զծափ հար . անկաւ 'ի քաղաքն եւ
 ուշաթափեցաւ :

Յայնժամ Ամիրմուսէն ելաց յոյժ , զի
 համարեցաւ թէ մեռաւ : Այլ Տալիպն ըզ-
 գատացաւ , ուշաբերեաց , ձայն ետ եւ
 ասէ . Մի՛ լար, կենդանի եմ ես : Յետ այ-
 նորիկ ետես Տալիպն զի 'ի մէջ դրանն ձի-
 աւոր մի կանգնեալ էր , եւ գրեալ էր 'ի
 վերայ ձեռին նորա գիր թէ կալ գրեւեռն
 օր 'ի վերայ բարաւորի դրանն է , ած զնա
 շուրջ երկոտասան անգամ , եւ բանաս ըզ
 գուռնդ : Ընթերցաւ Տալիպն եւ արար զոր
 գրեալն էր , եւ եբաց զգուռն քաղաքին :

Յայնժամ առ Ամիրմուսէն զկէս հեծե-
 լոյն , եւ եմուտ 'ի քաղաքն . եւ շուրջ ե-
 կին զքաղաքաւն : Տեսին , զի մեռեալ էին
 ամենեքեան , եւ վաճառանոցք փակեալ
 էին : Եւ էր գետինն յատակեալ , եւ ջուր
 էր 'ի վերայ : Եւ 'ի գլուխս ամենայն փո-
 ղոցաց էր մէն մի բուրգն . եւ վերայ բլր-
 գանցն միմի արծիւ , եւ ջուր երանէր ընդ
 բերան նոցա : Ծաղկունք՝ անուշահոտք եւ
 գեղեցիկք էին . եւ մարդիկն բազմեալ 'ի
 'ի գմբեթին : Ոսկի եւ արծաթ , ականք
 պատուականք եւ մարգարիտ բազում կու-

տեալ էր, եւ տեարք նոցա անդր մօտ
մեռեալք եւ փտեալք էին, եւ իբրեւ մեր-
ձենայր ոք 'ի նոսա՝ անդէն 'ի հող դառ-
նային: Յայնժամ մտին 'ի խանութս քան-
դակողացն եւ ոսկերչաց, եւ 'ի կրօնակօ
մատվածառաց եւ 'ի տունս գանձուց: Ա-
մենայն ինչ ոսկւով եւ մարգարտով զար-
դարեալ էր: Որ միանգամ տեսանէրն՝ լայր
եւ հառաչէր, եւ ելանէր արտաքս առանց
չար ինչ ունելոյ 'ի սրտի: Յայնժամ ելին
անտի եւ գնացին յապարանս թագաւո-
րին, որոյ էին դրունք երեք իբրեւ զբեր-
դի, առաջինն՝ պղնձի, երկրորդն՝ արծա-
թի, եւ երրորդն՝ ոսկի: Տեսին զարմա-
նալի շինուածս՝ զոր չէր տեսեալ ակն մար-
դոյ. եւ զնորա նմանութիւնն ոչ կարացին
գրել: Եւ առաջի դրանց ասպարանիցն կայր
ձիաւոր մի, եւ անդր մօտ բուրգն մի, եւ
'ի հինգ կողմանց ջուր ելանէր, եւ առաջի
նորա դրախտ էր ծաղկանց, եւ 'ի նմա մըր-
գաբերաց ծառք եւ տունկ բազում: Եւ ե-
թէ մտանէր ոք 'ի նա, արբենայր իմն յա-
նուչահոտութենէ անտի. վարդք էին իբ-
բեւ զգունդս, եւ ընդ հովանեաւ նոցա էին
արք մեռեալք: Յայնժամ մտին 'ի գմբե-
թըն, որոյ դէմ յանդիման կայր քաղաքն:

Եւ ասաց Ամիրմուսէն զողբս զայս
'ի վերայ քաղաքին:

Եղուկ քեզ, քաղաք գեղեցիկ, զի չիք
'ի քեզ կենդանի. ամենեքին 'ի հող դար-
ձեալ են, չիք մարդ, եւ դու լի ես ամե-
նայն բարեօք: Ո՛հ, երանի թէ չէր մեր
բնաւ տեսեալ զտառապանս նոցա. երկնս
չիմ թէ եւ մեք թերեւս իբրեւ զնոսա
լինիցիմք, հէգք եւ թշուառք եւ արժա-
նիք ողբոց եւ լալեաց:

Ապա մտանեն 'ի դահլիճն, եւ տեսա-
նեն զէնա եւ զարդս աղգի աղգիս. գուն-
դրս եւ աղեղունս լարեալս, եւ սուսերս,
եւ բեկորս ասպարաց եւ կասպարձս: Իբ-
րեւ մտին 'ի սրահան 'ի ներքս, տեսին զի
մարդիկ նստէին մեռեալք, որոց չէր վը-
տեալ, այլ մորթն սեւացեալ 'ի վերայ:

Ետես Ամիրմուսէն եւ զարմացաւ, եւ
ասաց զողբս այս:

Եկայք տեսէք նոր զարմանս, զի եղաք
մեք անմխիթար. լաւ էր թէ չէր տեսեալ
մեր. տեսիլս այս ետ մեզ յարտասուս ցըն-
դել: Ես փառս տամ Արարչին որ ինքն է
Աստուած բարերար եւ 'ի յարութեանս ա-
ռարն, ոչ արկցէ՝ 'ի հուր եւ 'ի խաւար:
Գնացին յայլ դուռն մի՝ եւ տեսին զկա-
մարն բարձր եւ զարմանալի. խայտուած-

քըն ամենայն կարմիր ականք էին, զորոց զնմանութիւնն գրել ոչ կարացին:

Ի վերայ սեմոցն գրեալ էր ողբս այս:

Այս դրունք գեղեցիկք են. չէ մարթիւնք լինել քան զնոսա մեծ, զովելի եւ արքունական, եւ չիք ինչ նման շինուածոյս այսմիկ: Այլ տուք սոցա վայ, զի չեղեն սոքա մեզ բնակութիւն. զնացաք եւ զանցաւոր զշինուածս զայստօիկ թողաք մեք:

Մտին 'ի ներքս եւ տեսին, զի երեք սիւնք էին 'ի մէջ ապարանիցն, առաջինն՝ կապոյտ, երկրորդն՝ կարմիր, երրորդն՝ կանաչ. եւ գմբեթ մի 'ի վերայ սեանցն ծեփեալ ոսկով. Եւ 'ի գմբեթն ոչ տեսին շինուած քարեղէն կամ փայտեղէն. այլ ամենայն ոսկի եւ արծաթ էր: Եւ սիւն մի այլ կայր 'ի մէջ ապարանիցն, որ երեսուն կանգուն բարձր էր. եւ ոսկի գմբեթ մի 'ի վերայ. եւ ոսկի առիւծ մի յօրինեալ էր իբրեւ կենդանի. եւ լուսաօու ականք դրոշմեալք յառիւծն. զի իբրեւ գիշեր լինէր՝ ականքն լոյս տային իբրեւ զարեգակըն: Եւ ոսկի տախտակ մի գրեալ էր 'ի վերայ աթոռոյ միոյ. եւ ականք պատուականք 'ի նմա մարգարտով յօրինեալ: Եւ գեղեցիկ գշխոյ մի 'ի վերայ աթոռոյն նըստեալ. եւ ակումբ մի տարածեալ լի մար-

գարտով 'ի ներքոյ դշխոյին : Եւ կայր 'ի
 գլուխն թագ մի գեղեցիկ եւ աննման յօ-
 րինեալ . զորոյ զնշանն գրել ոչ կարացաք :
 Եւ 'ի պարանոցի նորա մանեակ 'ի մար-
 գարտոյ , մէն մի մարգարիտ մեծ էր քան
 զճու աղաւնոյ , եւ 'ի միջոցի մանեկին ա-
 կըն մի լուսատու : Եւ դշխադիր մի էր նո-
 րա 'ի նմանութիւն սիրամարդի երփն եր-
 փըն գունովք : Եւ թագն որ 'ի գլուխ նո-
 րա՝ էր չորեքկին թուով . մին կարմիր ,
 մին կապոյտ , մին կանաչ 'ի զմիտոյ , եւ
 միւս եւս մին լուսատու ակն որոյ ոչ գոյր
 նման , եւ մարդ չկարէր հայել 'ի նա . եւ
 այնպէս թուէր զի դշխոյն այն մեռեալ էր
 այն օր : Ետես Ամիրմուսէն եւ ելաց դառ-
 նապէս եւ ասաց թէ փառս տամ Աստու-
 ծոյ , զի ամաչեմ ես հայիլ յերեսս նորա :
 Եւ ասաց զողբս զայս 'ի վերայ դշխոյին :

Դու ակն պատուական անգին , բարէ՛
 է՞ր վասն եղեր անպիտան . դու իբրեւ
 կենդանի մարդ ես , մարմին քո վասն է՞ր
 'ի հող է չըջեալ : Աչս գեղեցիկս իբրեւ
 զքոյս 'ի մարդ հողեղէն իմ չիք տեսեալ .
 վայ տամ ես հազար անգամ քաղաքին՝ որ
 զքեզ վայելել ոչ կարաց : Եւ զայս տեսեալ
 Ամիրմուսէն՝ երազոյ նման ասաց զկեանս
 մարդոյ :

Եւ ա սաց գողքս զայս 'ի դիմաց Դշխոյին:

Եղբարք սիրելիք որ կայք, մի' խաբիք յաշխարհի աստ. այսց կենաց մի' հաւատայք, ամենեքին առէք օրինակ յինէն:

Ամենայն որդի Ադամայ որ ծնանի՝ առ իս գայ, դու ջանա բարիս գործել, զի մի' յանշէջ հուրն առաքեսցիս:

Ի դիմաց Ամիրմուսէնի:

Մարդ ոք որ զայս տեսանէ, եւ այսց կենաց հաւանի, կամ աստէն իւր տուն շինէ, եւ անհող 'ի ներքս բնակի, ոչ հաւատամ թէ բնաւ այնպիսին մարդ է, կամ ունի միտս բանականս. անբան եւ անասուն է նա, խտտակեր եւ չորքոտանի:

Ի դիմաց Դշխոյին:

Գերի որդի Ադամայ, ընդէ՞ր դատիս զամենայն մեղօք: Յիշեա զահաւոր դատաստանն, եւ բաղխեա զկուրծսդ եւ լաց:

Տես զիս եւ խնդրեա քեզ հնարս, փախիր 'ի մեղաց. ապա թէ ոչ յաներեկ աւուրն, դու այրիս յանանց հուրն:

Ի դիմաց Ամիրմուսէնի:

Ով իմ պատուական դշխոյ, դու որ ուղորմելի եւ աշխարելի ես, այնչափ քո անբաւ բարիք ո՞չ օգնեցին քեզ փոքր 'ի

չատէ : Մեռար դու եւ 'ի հող դարձար , եւ
 թողեր զամենայն յերկրի . մարդ որ խնաս-
 տուն է քեւ խրատեցայի :

Իբրեւ լուեցին 'ի խօսելոյ՝ ասաց Տալի-
 պըն ցԱմիրսուսէն թէ՛ Յորժամ այնպիսի մեծ
 մարդոց զաւակ մեռանի , սնդիկ դնեն յաչ-
 սըն , զի մի եռացէ , եւ զմարմինն զմռսն
 զի փափուկ մնայցէ եւ մի փտիցի :

Եւ կային առաջի Դշխոյին արք երկու
 կանգնեալք , մին՝ սեաւ եւ միւսն սպիտակ .
 այրն սպիտակ ունէր 'ի ձեռին սուսեր մերկ ,
 եւ 'ի ձեռին առնն սեւոյ էր լախտ (թօլուղ) :
 Եւ 'ի գիրկս դշխոյին էր տախտակ մի գըր-
 եալ կապուտակաւ . ընթերցաւ զայն ծե-
 րունին եւ էր գրեալ այսպէս :

Անուն Աստուծոյ օրհնեալ լիցի , որ
 միշտ կենդանի է . եւ ինքն է իշխան երկ-
 նի եւ երկրի , արարիչ Աստուած ամենայ-
 նի : Հողածին մարդ՝ անմահ ոչ լինի , բայց
 միայն որ արարն զամենայն . անսպիտան են
 փառքն աշխարհի , քան զերազ եւ զմութ
 գիշերոյ : Ես մեծ տիկին էի , դուստր հը-
 ղօր թագաւորի . ունէի իշխանութիւն , զոր
 այլ ոք ոչ ունէր 'ի վերայ երկրի : Բայց իբ-
 բեւ մահ առ իս եկն , զամենայն իրս ես ա-
 տեցի . զայս տեսեալ խրատեցարուք , յա-
 մենայն չարեաց փախերուք :

Եւ գրեալ էր խրատս թէ՛ Որ զինն
 տեսանէ , թող անձին իւրում ողորմեցայի

եւ խրատեսցի . եօթն եւ տասն ամաց էի ես , յորժամ մեռայ : Մահ ո՛չ 'ի թագաւորէ երկնչի , եւ ո՛չ աղքատին ողորմի : Ո՛ւր է Ագամ զոր Աստուած իւրովք ձեռօք ստեղծ . կամ ո՛ւր է Սողոմոն արքայ , կամ Աղէքսանդր թագաւոր , նա որ տիրեաց երկց կողմանց աշխարհի . բայց զայս քաղաք ո՛չ կարաց առնուլ : Ինձ այն մընաց՝ զոր իմով ձեռամբ ետու աղքատաց : Գուք որ կենդանի էք՝ մի՛ թողուք ըզձեր ինչս այլոց , որպէս մեք թողաք . այլ ձերովք ձեռօք մինչդեռ յայս կեանս էք՝ տուք ողորմութիւն , եւ զանտի կեանս գընեցէք :

Եւ գրեալ էր ողբս այս :

Մարդ որ իմաստուն է , նա յիւրոց գործոց անտի ճանաչի . որ զամենայն բարւոք գործէ . եւ 'ի չարէ 'ի բաց փախչի : Զի այս մեծութիւնս սուտ է , եւ փառքն վաղ անցանեն . որպէս թագաւորքն եղեն , զորոց կանխաւ զանուանան ասացի :

Եւ Զմբուխտ թագաւորի դուստր եմ . մերոց դարպասին բրգունքն համակ ոսկի եւ արծաթ էին : Եւ 'ի մեր լերինս բազում ոսկեհանք գոյին . ակնձեւ մարգարիտն 'ի մերմէ ծովէս ելանէր : Նախ՝ մեռաւ իմ մայրն , եւ ես եօթն ամաց մնացի . 'ի տասն ամաց հետէ՝ կալայ զաթու թագաւորու-

Թեան եւ եօթն ամ վարեցի, յայնժամ ե-
հաս ինձ մահ: Եւ յորժամ ընթերցաւ ծերն՝
Ամիրամուսէն ելաց:

Եւ ասաց զողբս այս:

Աստի կենաց բարութիւնք չեն ումեք
երբեք մնացական, այլ իմաստուն է այր՝
որ ձրիբաշխէ զամենայն: Մարդիկ իբրեւ
զծաղիկս գարնայնոյ փթթին եւ վաղվա-
ղակի ցամաքին. բիւր անգամ երանի ար-
դարոց յաւուրն յարութեան: Ո՛ւր են թա-
գաւորք երկրի որ երբեմն աշխարհաշէնք
եղեն. ո՛րչափ քաղաքս, քանի՞օ՛ն բերդս
շինեցին, ո՞չ զամենայն թողին եւ մեկնե-
ցան: Իբրեւ եկն մահ՝ ՚ի վերայ, յամենայ-
նէ կացին մնացին դատարկք, եւ յանբաւ
գանձուց անտի իւրեանց փող մի անգամ
ընդ իւրեանս ոչ տարան:

Եւ գրեալ էր թէ ութ ամ անձրեւ եկն
յաշխարհի մերում, եւ հատաւ ամենայն
ինչ դաշար եւ կերակուր: Յայնժամ բազում
գանձս, եւ պատուականականս, եւ ազգի
ազգի կերպասս յուղարկեցաք յամենայն եր-
կիր. եւ նոքօք շուրջ եկին, եւ ոչ գտին
կերակուր, եւ դարձան դատարկ յետս:
Տանէին զոսկին ընդ հացի տային եւ ոչ
գտանէին. ոչ գնով եւ ոչ անգին: Իբրեւ
ամենայն կերակուր հատաւ, մարդ որ
հզօր էր՝ կերաւ զտկարն: Տէրն զժառայն

ուտէր, եւ աղքատքն զմիմեանս: Իբրեւ ամենայն հարք հատան, գիտացաք եթէ յԱստուծոյ էր բարկութիւնն 'ի վերայ մեր. յանձն արարաք զմեր հոգիս Աստուծոյ:

Եւ գրեալ էր խրատս այս:

Խրատս յինէն մի լսեր, ով յիմար գումոք եւ անմիտ. գիտեմ զի մեռանիլ հարկ է, զի չիք քեզ հար յաշխարհի աստ: Զսիրտ քո արա ողորմած, զի պիտոյ է քեզ յօտար ազգի անդ. 'ի պահս եւ յաղօթքս կաց, քանզի գերեզմանն մթին եւ խաւարին է:

Եւ գրեալ էր թէ Քաղաքս երկնաչափ աստղօք էր շինեալ: Քան զայս այլ ամուրքաղաք չգոյր 'ի վերայ երկրի: Որ միանգամ Աստուծոյ հրամանաւն յայս քաղաք մտանէ՝ ոսկի եւ արծաթ առնու որչափ եւ պիտոյ իցէ. բայց զայն որ յիմ վերայ կայ՝ մի առնուցուք 'ի սէր Աստուծոյն ձերոյ: Այսչափ ինչ որ յիմ վերայ է՝ ինձ թողէք. յամենայն թագաւորութենէ իմմէ զայս եմ առեալ ինձ բաժին: Երդ մնեցուցանեմ զձեզ յԱստուած կենդանի, զի մի ինչ 'ի մարմնոյ իմմէ առեալ հանիցէք. եւ կամ զիս տագնապեցուցեալ խռովիցէք: Որ ոք լուիցէ աղաչանաց իմոց, ողորմութիւն գտցէ յԱստուծոյ. ապա թէ ոչ մի համբերեսցէ Աստուած ամբարիշտ եւ անօրէն գործոցն:

Լուաւ ամիրսմուսէն եւ ելաց յոյժ :

Եւ ասաց զբանս զայս 'ի դիմաց Դշխոյին :

Քարոզն զոր դու գրեցեր, իմաստուն ճարտար դշխոյ, կարի ցաւագին թուեցաւ ինձ . լուա ես զդանգատել քո : Բայց չէ պարտմեզ յայսչափ 'ի գանձուց աստիդատարկ գնալ . սակաւ ինչ առցուք մեզ 'ի վայելել, եւ զայլսն թողցուք ում եւ պիտոյ է : Յայնժամ հրամայեաց հեծելոյն եւ ասէ . Առէք այսր զամանազ զոր ունիք . եւ լցէք որչափ ինչ պիտոյ են՝ ականս եւ մարգարիտ եւ ոսկի :

Ասաց Տալիպն . Ես զայն զարդան որ 'ի վերայ դշխոյին են՝ առնում, եւ տանիմ ընծայ առ Խալիֆայն : Ասաց Ամիրսմուսէն . Եթէ այլովքն ոչ յագենամք, չիք ինչ որ զմեզ յագեցուցէ . դշխոյդ ահագին երդմունս գրեալ է ցաւագինս յոյժ :

Ասաց Տալիպն . Աստուած զինչս, զոսկի եւ զարծաթ եւ զպարզեւս եւ զամենայն կեանս՝ կենդանեաց տուեալ է եւ ոչ մեռելոց : Դմա պատանքն բաւական են . հող է եւ 'ի հող դառնայ : Առնում զայն ականսն եւ տանիմ տամ ընծայս առ Խալիֆայն :

Եւ ասաց Ասիրսմուսէն զայս խրատ :

Մարդ որ ագահ է, փութով կորանայ .

խմ խրատ քեզ այս է , մի՛ առնուր , ու՛ սիրելի : Անպարտ եմ 'ի բանէդ յայդմանէ . մի՛ առնուր դու բան խտտելի զի մի աղօթք դշխոյին 'ի վերայ քո կատարեսցին :

Ասաց Ամիրմուսէն՝ խմ բանիւս մի՛ առնուր զայն 'ի նմանէ . ես անպարտ եմ յերդմանէն , զոր դշխոյին գրեալ է : Ոչ լուաւ Տալիպն զխրատն , այլ գնաց յառաջ՝ եւ կամեցաւ առնուլ զթագն 'ի գլխոյ դշխոյին : Խակ այրն այն սեաւ որ զլախտն ունէր՝ եհար 'ի վերայ թիկանոցն եւ ընկէց զՏալիպն . եւ սպիտակ այրն որ զթուրն ունէր՝ եհար զգլուխն եւ եհատ :

Խակ Ամիրմուսէն զարմացեալ վախեաւ 'ի բաց . եւ ողբաց զՏալիպն որ կորեաւ իւրով յիմարութեամբն , եւ ոչ անսաց խրատու նորա :

Եւ վասն այնորիկ ասաց Ամիրմուսէն զողբաս զայս 'ի վերայ Տալիպին :

Զխրատն զոր ետու ես քեզ , ոչ լուար , այ խմ սիրելի . որ ոչն ողորմի դմա , նըման է սատանայի : Որ բազում գանձ ժողովել կամի , նա եւ զիւրն զամենայն կորուսանէ . ինքն մնայ կարօտեալ 'ի գանձուցըն զոր ունի :

Յայնժամ եւ Ամիրմուսէն 'ի գմբէթն արտաքս : Եւ բարձին ամենեքեան որչափ ինչ կարացին , ականա եւ մարդարիտ , յակլինթ եւ շախիղայ . այլ եւ գտին լի տամբք

ձոյլ ոսկի : Եւ իբրեւ բարձին ամենեքեան
 զամենայն ինչս , եւ զոսկին որ 'ի գան-
 ձուն էր ոչ կարացին բառնալ , ասացին թէ՛
 Եթէ ամենայն մարդիկ որ կան 'ի Բաբե-
 լոն , եւ զբասաք եւ կառք բառնայցեն
 զամենայն զգանձս զայս , ոչ բաւեն հանել
 'ի քաղաքէս :

Եւ փակեցին զդրունան եւ գնացին ըզ
 ծովեղերքն զքառասուն օր : Եւ տեսին բը-
 լուր մի բարձր , եւ 'ի վերայ բլրոյն մար-
 դիկ սեաւս եւ այլադէմս : Եւ 'ի ներքոյ
 բլրոյն էր քարափոր , էջ Ամիրմուսէն ան-
 դրր , եւ փախեան սեաւ մարդիկն . բա-
 զումք մտին 'ի քարափորն 'ի ներքս , եւ
 այլք թաքեան 'ի լերինան : Իբրեւ պահ մի
 կացին , անդրէն եկին սեաւ մարդիկն եւ
 հայէին ընդ հեծեալսն : Գնաց ծերունին ,
 ձայն ետ եւ խօսեցաւ ընդ նոսա :

Եւ սեաւքն գնացին բերին զթագաւորն
 իւրեանց առ Ամիրմուսէն : Եւ հանդերձ
 իւրեանց սեաւ էր եւ մազեղէն : Նստան
 կերան եւ արբին եւ ուրախ եղեն : Ասաց
 Ամիրմուսէն ցծերն՝ Հարցանել զթագաւորն ,
 եթէ մարմնաւո՞րք իցեն թէ անմարմինք : Իբ-
 րեւ հարցաւ՝ ասաց թագաւորն . Մեք մարմ-
 նաւոր եմք Աբիբայի որդւոցն : Ասաց Ա-
 միրմուսէն . Չի՞նչ հաւատս պաշտէք : Ա-
 սաց մի ոմն 'ի սեւոցն նշանաւորաց թէ՛
 Երեւեցաւ յայսմ ծովուս մարդ լուսեղէն .

որոյ բովանդակ անձն լոյս տայր, եւ լուսաւորէր զերկինս եւ զերկիր: Եւ ասաց մեզ. Լուարուք Տեարք որդիք՝ եւ 'ի միտ առէք. հաւատացէք յԱրարիչն երկնի եւ երկրի, ծովու եւ ցամաքի. սարսեցէք 'ի նմանէ, զի նա զամենայն տեսանէ. եւ նա միայն է Աստուած կենդանի. աղօթս մատուցէք նմա հանապազ. եւ տուք ողորմութիւն աղքատաց: Նա խրատեաց զմեզ եւ ուսոյց զմի Աստուած պաշտել. եւ ինքն վերացաւ լուսեղէն ամպօք յերկինս: Եւ մեք զամենայն օր եօթն անգամ աղօթս մատուցանեմք. եւ զԱստուած փառաւորեմք, եւ գոհանամք զնմանէ:

Եւ ասաց Ամիրմուսեան զայս բանս:

Փառք քեզ արարիչ Աստուած, որ ամենայն ուրեք փառաւորիս, եւ բանիւ դուբարձեալ ունիս զամենայն երկիր եւ զերկինս: Այլ եւ կամիս զզատելն 'ի չարեաց որդւոցն Ադամայ, զի յառանց երեկոյի աւուրն լուիցեն նոքա զՆկայքն առիս:

Յայնժամ եհարց զթագաւորն սեաւ թէ՛ Գտանիցի՞ աստ 'ի կժոցն զորս Սողոմոն ընկէց 'ի ծով յորժամ բարկացաւ նա դիւաց եւ 'ի պղնձէ կուժ արկ զնոսա: Ասաց նա թէ՛ Որչափ պիտոյ է տեսանել վասն բերեն որսորդքն, բանամք եւ տեսանեմք: Ասաց Ամիրմուսէն՝ Մեք վասն սախորոցն այնոցիկ

եմք եկեալ այսքան ճանապարհ : Յայնժամ
 հրամայեաց սեաւ թագաւորն սրսորդացն ,
 որ բերին երկոտասանկուժ առաջի Ամիրմու-
 սէնին : Յայնժամ շատ ուրախ եղեւ Ամիր-
 մուսէն , եւ յոսկի արկղ եզ զսախորան : Ե-
 յոյժ պատիւ արար սեաւ թագաւորին . ըզ-
 գեցոյց նմա պատմութեան եւ ետ նմա բա-
 զում ոսկի . ահանս պատուականս եւ ան-
 արի ձիան : Ենորհակալ եղեւ սեաւ թա-
 գաւորն եւ չէառ . եւ ասաց թէ՛ Այդ մեզ չէ
 պիտոյ . ոչ վաճառեմք եւ ոչ հեծնումք .
 մերն այն է զի որս առնեմք եւ զմիան
 ուտեմք , եւ զմորթն զգենումք եւ զԱստ-
 ուած փառաւորեմք : Յայնժամ յորս ել
 սեաւ թագաւորն իւրովք հեծելովքն . կէս
 հեծելոյն 'ի ծով , եւ կէսն 'ի ցամաք , եւ
 որսացան ու զիզեցին : Եւ այլ բազում հը-
 րեղէն ձի հանին 'ի ծովէ , եւ մարդաշէմ
 դազանս եւ անասունս՝ որ ոչ լինին յայ-
 լում երկրի , եւ բերեալ ետունս առ Ամիրմու-
 սէն : Այլ յամենայն ուրբաթու գիշերին
 դայր 'ի ծովէն 'ի գուրս անեղագոչ ձայն մի
 բարձր՝ որ ասէր . Փա՛ռք Աստուծոյ այնմ
 որ արար զերկինս եւ զերկիր . եւ փա՛ռք
 նորա մեծութեանն՝ որոյ դամենայն կեն-
 դանի մահկանացու արարեալ է , եւ ինքն
 միայն է անմահ : Լուաւ Ամիրմուսէն եւ
 եհարց զսեաւ թագաւորն . Ո՞վ է այն՝ որ
 յամենայն յուրբաթու 'ի գիշերի փառաւորէ

զԱստուած : Ասաց թագաւորն . մեք ոչ
ինչ տեսանեմք բայց զձայնն լսեմք :

Եւ ասաց Ամիրմուսէն զօրհնութիւնս զայս :

Աստուած արարիչ բարի , քո անունդ
միշտ փառաւորեալ է . տէր եսդու երկնի
եւ երկրի , անսկիզբն եւ անհաս : Վերին
զօրքն զքեզ օրհնեն , անդադար եւ առանց
լսելոյ . այլ եւ երկրածինքս ամենայն խո-
նարեալ քեզ երկրպագեն :

Յայնժամ սեաւ թագաւորն երկու լաւ
մարդ եղ ընդ Ամիրմուսէնին : Եւ Ամիրմու-
սէն շնորհակալ եղեւ , եւ ողջոյն ետուն
միմեանց : Եւ տարան զԱմիրմուսէն ընդ
կարճ ճանապարհ յերկիրն Ականացւոց :

Յայնժամ Ամիրմուսէն ետ ոսկի եւ ար-
ծաթ բազում , եւ ականս պատուականս
եւ յուզարկեաց զթագաւորն : Եւ թագա-
ւորն չէառ . ասաց թէ՛ Տուր ինձ զսափոր-
սըն , զոր տեսանեմ : Ապա Ամիրմուսէն սա-
փորս երկուս ետ թագաւորին : Եւ թագա-
ւորն եբաց զբերան սափորոցն . ել սեաւ
մուխ եւ բարձրացաւ յօդս . եւ եղեւ 'ի կեր-
պարանս զիշատեսիլ մարդկան : Աղաղակ-
եաց եւ ասէ . Սողոմոն , Սողոմոն որդի Դաւ-
թի մարգարէի , այլ ոչ գործեմ զոր գործե-
ցիս , այլ կամ 'ի հրամանս քո . զի գիտաց
դեռն թէ՛ դեռեւս Սողոմոն կենդանի է ,
Եւ յոյժ զարմացաւ թագաւորն :

Ապա տարաւ Ամիրմուսէն զծերն առաջի թագաւորին եւ ասաց, Ո՛վ մեծ թագաւոր, որ զայս իմաստուն ծերս ընդ մեզ ետուր, սա տարաւ զմեզ եւ եբեր: Եւ եօթըն ուղտ ռակի եւ արծաթ ետ ծերոյն Ամիրմուսէն. եւ թագաւորն եւս զգեցոյց պատմութեան ծերոյն: Իսկ զԱմիրմուսէն առաւել մեծարեաց եւ ետ նմա անարի ձիան եւ յուղարկեաց զնա յԵեգիպոս: Լուաւ Տէրն Եգիպտոսի եւ յուղարկեաց մարդ առ Ամիրմուսէն. եբեր եւ յոյժ պատուեաց զնոսա: Ապա ելին անտի եւ գնացին յերկիրն իւրեանց, եւ հասին ՚ի Բաբելոն:

Խալիֆայն ել ընդ առաջ նոցա ուրախութեամբ, եւ արարին ուրախութիւն մեծ: Եւ բաշխեաց խալիֆայն աղքատաց ողորմութիւն բազում վասն գալոյ նոցա. զի երեք ամբ էին, յորմէ հետէ գնացեալ էին: Ապա խալիֆայն եհարց ցԱմիրմուսէն: Եւ Ամիրմուսէն սկսաւ խօսիլ կարգաւ թագաւորին: ԶՍողոմոնի կռուելն՝ զոր քաջն ասաց, այլ եւ զքաղաքին:

Ու զգշխոյին գիրն ընթերցան առաջի խալիֆային: Ապա յոյժ ուրախ եղեւ խալիֆայն ընդ նոցա գնալն եւ ընդ գալն. եւ եհարց եթէ Ու՞ր իցէ Տալիպն: Ապա Ամիրմուսէն պատմեաց զմահ Տալիպին: Իբրեւ լուաւ խալիֆայն՝ ասաց Վա՛յ նեա, զի իւրով յիմարութեամբն կորեաւ:

Եւ ասաց զողբս զայս 'ի վերայ ճորս:

Ով իմ բղեաշխ հէք եւ տգէտ, ընդէր կորեար ընդ վայր եւ 'ի նանիր. զդէմս նորա տեսեր դու, եւ զգանգատն լուար: Միթէ դու անմահ էիր, զի զնորա թագն կամեցար խլել. Մուսէն քեզ խրատ ետ, ոչ անսացեր նմա, եւ անձամբ զանձն կորուսեր:

Յայնժամ հրամայեաց Խալիֆայն թէ Բերէք զսափորսն զի տեսից: Բերին ըզ սափորսն եւ բացին առաջի նորա. եւ անդէն ել 'ի սափորոյն մուխ սեւագոյն քան զառաջինն: Եւ իբրեւ ետես զայն Խալիֆայն՝ զարմանք կալան զնա: Եւ ետփառըս Աստուծոյ, զի մեծ պատիւ էր այն Սողոմոնի, որ իբրով իմաստութեամբն յայն նեղութիւն եւ 'ի բանտ արկեալ էր զդեւսըն. այնպիսի շնորհս մարդոյ հողեղինի չէ տուեալ Աստուծոյ բայց միայն Սողոմոնի: Եւ ասպա հրամայեաց եւ բերին զամենայն ոսկին եւ զարծաթն. զկերպասն եւ զականսըն պատուականս եւ զմարդարիտն առաջի նորա: Եւ տեսեալ զնոսա զամենայն, շատ ելաց:

Եւ ասաց զողբս զայս:

Եղուկ տամհազար անգամ տեառն քում. որ յայնչափ անհուն զանձուց, պատանս մի

միայն տարեալ է : Երթամ աղաչեմ զՍատուած , որ տայ ինձ իմաստութիւն . աստ տամ եւ անդ առնում , եւ այնպէս ինչ ոչ թողում յերկրի :

Եւ ապա հրաման ետ բաշխել աղքատաց զամենայն ինչս եւ զկերպասն զորս բերեալ էր Նոցա . եւ առաց թող Սատուած զայս ամենայն համարեսցի հողւոյ տեառն նոցա :

Ապա ետ բերել եւ ինքն զիւր ինչս եւ զարծաթ եւ զոսկի եւ զամենայն մեծութիւն , եւ ետ բաշխել աղքատաց : Միայն կտաւ մի առ վասն իւր , եւ ասաց թէ՛ Խրատու գշխոյին անսամ . աստ տամ , եւ անդէն զտանեմ Սատուոյ : Զորս 'ի բանտին էին՝ արձակեաց . զծառայան ազատեաց . եւ զհարկն վերացոյց յաշխարհէն : Եւ զոմն ի նշանաւորաց եղ յիւր տեղի . եւ ինքն շինել ետ սենեակ մի աղօթանոց . եւ եմուտ 'ի ներքս , եւ եօթնամ աղօթաւ արար . եւ ապա փոխեցաւ յաշխարհէս :

Եւ Ամիրսուսէն եւս ետ գիշխանութիւնն իւրում որդւոյ . եւ բաշխեաց զիւր ինչս եւ զոսկին եւ զմեծութիւնն ամենայն աղքատաց : Զղեցաւ մազեղէն եւ մաշկեղէն , եւ գնաց 'ի յեառն բնակեցաւ ապաշխարութեամբ մինչեւ 'ի մահ : Այսպէս փոխեցան 'ի սուտ եւ 'ի փուտ յաշխարհէս , եւ հասին յաւիտենական կենացն յերկնաւոր ուրախութիւնն :



Պ Ա Տ Մ Ո Ւ Թ Ի Ի Ն

ՅԱՂԱԳՍ

ՓԱՀԼՈՒԼ ԹԱԳԱԻՈՐԻՆ



Էր սա մեծ թագաւոր եւ տէր յարեւելեանս աշխարհին . եւ էր իմաստուն եւ առաքինի :

Սիրէր զաղքատութիւնս , եւ ատեայր զայս կեանս եւ ասէր . Փա՛ռք Աստուծոյ կենդանւոյն՝ որ կայ եւ մնայ յաւիտեան : Եւ ասաց ընդ իւր անձինն զերգս զայս :

Եւ ոչ մի ինչ աստի կենաց արժէ զմէն միմազ անտի կենացն . իբրեւ բաժանի հոգին՝ բազմաց 'ի մարդկանէ կայ մնայ կրել պատուհաս : Ընդէր կամիս սիրել զայն ինչ որ զոյգ ընդ կենաց քոց անցանէ . ժողովեա զու զանանց բարին , եւ արա անտի քեզ դարմանս : Բարիս գործեա , եւ բաշխեա զինչս քո աղքատաց , զի մի յաւուր մահուան քո հոգի եւ մարմին քո տազ-

Նապեացին :

Եւ ՚ի ժամու աղօթիցն հանէր զամեննե-
նեսին արտաքս . եւ ինքն միայն մնայր .
եւ աղօթս առնէր ՚ի վերայ ոսկի աթո-
ռոյ :

Եւ դարձեալ ասեր առ անձին գերզս գայս :

Մի՛ լինիր ծոյլ յաղօթել , կա՛լ յանձին
եւ զսէրն Աստուծոյ . յիշեա զահաւոր ա-
նուն նորա , զի փրկեսցիս որպէս Ադամն
էր : Ի ձեռս նորա են երկինք եւ երկիր .
նա արարիչ է ամենայնի . ջանա դու ըզ-
բարիս խնդրել , զի ապրեսցիս ՚ի հրոյն գե-
հենի :

Ջամենայն օր զսովորական աղօթս իւր
առնէր . եւ յաւուր միում հայեցաւ ընդ
ապարանսն ՚ի վեր եւ ետես զոմն ՚ի կեր-
պարանս ուղտապանին իւրոյ , եւ ասաց .
Ո՞վ ետ քեզ հրաման ելանել այդր : Ասաց
այրն , Ես ուղտապան եմ , եւ կորուսի
զուղտան իմ , աստ կամիմ գտանել զնոսա :
Ասէ թագաւորն . Միթէ բնակիցի՞ ուղտյա-
պարանս , զի ասես թէ անդ կամիս գտա-
նել զնա : Ասէ ուղտապանն . Եւ դու զի-
ա՞րդ խորհիս գտանել զԱստուած ՚ի վերայ
ոսկի աթոռոյ , ՚ի վերայ փետրալից բարձի ,
եւ ՚ի վերայ մարգարտայեռ գահու :

Այդ աղօթք չեն ընդունելի Աստուծոյ .
այլ արի՛ , է՛ջ յաթոռոյդ , եւ եկ ՚ի վերայ

մոխրոյ, եւ այնպէս երկրպագեա Աստուծոյ.
 եւ ապա գտանես զողորմութիւն: Եւ ա-
 սաց ուղտապանն՝ որ 'ի կերպարանս մար-
 դոյ երեւեցաւ:

Զերգս զայս:

Երկրպագեա անմահ բանին, թաւա-
 լեցո՞ զերեսս քո 'ի վերայ հողոյ. զի 'ի հո-
 ղոյ անտի արար զքեզ, եւ 'ի նմանութիւն
 պատկերի իւրոյ արար զքեզ: Տորչափ սի-
 րես դու զկեանս զայս, անդարման գնաս
 աստի 'ի հող, մի՛ անշահ կենօք կեայր,
 մի՛ փոխեր զոսկին 'ի պղինձ:

Զայս ասաց եւ անյայտ եղեւ այրն այն
 որ 'ի կերպարանս ուղտապանի էր: Ապա
 իմացաւ թագաւորն, եթէ հրեշտակ էր այ-
 րըն այն. եւ անկաւ զեղջ 'ի միտս իւր,
 եւ ելաց դառնապէս. եւ էջ յաթոռոյն 'ի
 գետին, եւ երկիր եպագ Աստուծոյ: Եւ
 թէպէտ ատէր զիւր կեանս, այլ առաւել
 ատեաց այնուհետեւ զաշխարհս եւ զմե-
 ծութիւն:

Եւ ասաց 'ի վերայ անձին իւրոյ զերգս զայս:

Զանամ սիրել զհոգիս, այլ մարմինս
 իսարէ զիս. որպէս մինչ Բագէ խոյանայ,
 կաքաւք անկանին 'ի բուռն: Կուտեցան
 առ իս մեղք բազում, նման հեղեղաց
 անձրեւոյ. սրով մահու խոցեալ եմ, եւ

լեալ եմ որպէս վիրաւոր :

Եւ ապա կոչեաց զիւր մեծամեծսն եւ զիշխանս . եւ եբեր զիւր որդին , եւ նըստոյց առաջի նոցա յաթոռն իւր , եւ նոքա ո՛չ կամեցան . եւ նա՛ ուժով եւ իմաստութեամբ հաւանեցոյց զիշխանսն եւ ըզզօրսն : Եւ ինքն զաղտաբար ելեալ՝ ետ զանձն իւր յաղքատութիւն եւ ել յաշխահէն իւրմէ , եւ եթող զթագաւորութիւնն վասն սիրոյն Աստուծոյ :

Եւ ասաց վասն անձին իւրոյ գերգս գայս :

Յիշեա՛ զԱրարիչն Աստուած , տո՛ւր հոգւոյդ առնել պատարագ . ընդ մութն է՞ր կամիս գնալ , ե՞րբ յաստիս լիցի քեզ զարման : Զմարմինդ մինչեւ ցե՞րբ սիրես . եւ լինիս նմա կամակից . ընկերք քո գընացին աստի . բնակեցան ՚ի տունս անչափրս : Ես քեզ հանապաղ ասեմ . հասիր արագ դու նոցա . ապա թէ՛ ոչ հէք անձնդ առաքի ՚ի հուր եւ ՚ի կրակ :

Ապա գնաց յաշխարհէ յաշխարհ , եհաս ՚ի Բաբելոն , եմուտ ՚ի քաղաքն , եւ կամեցաւ կալ անդ ՚ի կերպարանս մուրացիկ աղքատի : Եւ մարմինն նեղէր զնա վասնուտելոյ եւ ըմպելոյ եւ ազանելոյ . զի սովոր էր ՚ի սէր աշխարհիս . եւ կեցեալ ՚ի տունս արքունի : Ապա իմացաւ հնարս , եւ երթայր ՚ի շուկայն , եւ լինէր սուտ յիմար :

Եւ մարդիկն ծեծէին զնա . եւ տղայք
ընդ նմա երթային եւ նեղէին զնա :

Վարեր եւ ասեր 'ի մեջ մարգկան
գերգս գայս :

Մարդիկ , մի' կայք անհող . զաղտ մե-
ղաց ձերոց լուացէք . ողորմեցարուք աղ-
քատաց . եւ այնու զմեղս ձեր քաւեսջիք :
Դարձարուք 'ի ճանապարհէ մեղաց , անդ
չինեցէք ձեզ տունս . զկամս մարմնոյ մի'
կատարէք , եւ մի' թողուք նեղել նմա ըզ
ձեզ :

Եւ հեծնոյր յեղէգն , եւ ընթանայր 'ի
վեր եւ 'ի վայր , եւ ասէր բանս զարմա-
նալիս :

Ասէին մարդիկն որ ընդ նմա երթային ,
թէ 'ի բերանոյ դորա հեղուն մարգարիտք ,
եւ ոչ գիտէ զինչ ասէ . վա'հ , յիմարմը-
տօք : Եւ ասլա եղին նմա անուն Փահլուլ .
եւ նա եղեւ ջրկիր , եւ կրէր ջուր 'ի շու-
կային , եւ տային նմա հաց եւ դրամ . այլ
նա զամենայն տայր աղքատաց :

Եւ ասաց գերգս գայս :

Աղքատսիրու թիւն եւ պահք եւ աղօթք
իրերաց են ընկերք . սիրեա զայդ երկս
բարիս , զի փրկիս 'ի մեծ տանջանաց : Մի'
զմարմինդ 'ի ձեռսդ առնուլ , գնան ա-
ւուրք 'ի ձեռաց . այս աւուրք զոր մեք

ունիմք, երթան եւ 'ի բաց մեկնին :

Յաւուր միում երթայր 'ի շուկայն 'ի վայր՝ եւ ահա ոմն խլեաց զփակեղն նորա 'ի գլխոյն՝ եւ փախեաւ : Եւ գնաց Փահլուլն 'ի գերեզմանս եւ խնդրէր զայրն որ զփակեղն էառ եւ փախեաւ : Ետես զնա ոմն եւ ասաց . է՛ փահլուլ՝ աստ զի՞ որոնես զայրն . գնա՛ 'ի շուկայն խնդրեա : Ասաց Փահլուլն . Ո՛վ եղբայր, ուր եւ երթայ վաղ կամ անագանս այսր պարտի գալ :

Եւ ասաց զերգս զայս :

Եթէ՛ շատ զրկիցես եւ եթէ սակաւ, եւ վայելեսցես զերկիր խնդալով, քեզ չիք հնար, հարկ է աստի երթալ, եւ ըզմարմինդ ծածկել ընդ հողով : Դարձիր եւ զքարիս գործեա, գիտ վաղվաղակի բըծիչկ եւ դեղ, զի մի՛ յահաւոր ատենին մեծի ահիւ եւ ամօթով լինիցիս :

Ընտելացաւ ընդ քաղաքացիսն, եւ ճանաչէին զնա ամենեքին . յաւուր միում այր ոմն ետ նմա միս թէ՛ Տար զդա 'ի մեր տուն . նա էառ եւ տարաւ եղ 'ի գերեզմանս : Դարձաւ եւ եկն այրն այն 'ի տուն իւր եւ ետես զի չէր բերեալ այրն զմիսն 'ի տուն : Չոքաւ եգիտ զՓահլուլն 'ի վաճառանոցին, եւ ասէ . Ո՛ւր է միսն, զի՞ արարեր : Ասէ Փահլուլն . Իքո տուն տարայ զնա : Ասէ այրն այն, Արի, ցոյց

ինձ զիմ տուն : Եւ Փահլուլն եւ առեալ
զայրն ած զնա 'ի գերեզմանն : Ասէ այրն .
Ա՞յս իցէ իմ տուն : Ասէ Փահլուլն . Այո ,
այս է տուն քո . տունն յորում այժմ կաս ,
չէ մնացական . զի յետոյ ուրեմն այսր ու-
նիս գալ :

Եւ ասաց գերգս գայս :

Աշխարհիս սահմանքն այսպէս են ,
մերթ ընուն , մերթ թերանան . նա որ
բառնալ 'ի թիկունս կարող է՝ թեթեա-
ցուցանէ զիւր բեռն : Լուարուք դուք
հիւսան , որ զմեռելոց արկեղս շինէ . մին
գայ եւ մին երթայ . այլ հիւսնն չմնայ
անգործ :

Զարմացաւ այրն ընդ բանս Փահլու-
լին թէ մեք զդա յիմար կարծէաք , նա
մեզ վարդապետ եղեւ : Եւ ունէր սովո-
րութիւն Փահլուլն զի 'ի գերեզմանս եր-
թայր , անդ կայր , եւ բազում այն էր զի
անդ ննջէր : Յաւուր միում խալիֆայն ել-
եալ շրջէր բազում հեծելովք . եւ յանցա-
նելն ընդ գերեզմանս , ետես զՓահլուլն .
եւ ասաց զՓահլուլն թէ Զինչ առնես անդ :
Եւ ասէ Փահլուլ . Ո՛վ տիեզերակալ խալի-
ֆայ , զայս ամենայն մեռեալս նզովեմ : Եւ
ասէ խալիֆայն . ընդէ՞ր նզովես :

Եւ ասաց գերգա գայս:

Եթէ բազում ինչ զրկէ ոք եւ եթէ սակաւ՝ ոչ կարէ տանել ընդ իւր . մարդոյ պարտ է այնպէս ջանալ զի 'ի կեանս որ գալոց է՝ մի՛ ամաչեսցէ : Որ աստն տայ անդ առնու . եւ որ աստէն զրկէ՝ անդէն հատուցանէ . յայն կեանս չիք հնար թէ ոք արծաթով հատուցէ զպարտս իւր :

Չարմացաւ Խաչիֆայն՝ եւ ասաց. Փառք Աստուծոյ կենդանւոյն՝ որ կայ եւ մնայ յաւիտեանս . յիմարն այնչափ խելօք խօսի եւ ասաց թէ Այրս այս իմաստուն է , եւ վասն մեղաց զայն առնէ . զի եթէ զայիմար էր՝ զայնպիսի բանս ոչ ասէր . եւ դարձաւ Խաչիֆայն 'ի քաղաքն : Եւ որ մի այլ հեծեալ էր Խաչիֆայն , եւ անցանէր ընդ գերեզմանան , զի ճանապարհն ընդ այն էր . եւ ետես զՓահլուլն եւ ասէցնա . Չի՞նչ առնես 'ի գերեզմանս աստ : Եւ ասէ Փահլուլն . Բազում աւուրք են զի աստ կամ եւ չափեմ զիմ գերեզմանս եւ զքոյն , այլ քոյն աւելի չէ քան զիմն , դու Խաչիֆայ ես , եւ ես աղքատ մուրացիկ եմ . եւ քո հողն եւ իմն միով չափով է :

Եւ ասաց գերգա գայս:

Ի՛ մարդ մի՛ զհողիդ դատիր . եւ զհարմինդ առներ սիրելի . դարձիր 'ի մեղաց

ճանապարհէ, զի մի՛ լինիցիս ողորմ եւ լա-
 իս Զանա եւ զբարիս գործեա, զի չուն
 ընդ քեզ նայի. յայսմ հողոյ դու այնպէս
 գնա՛, զի մի հողի քո մատնեսցի 'ի հուր:

Եւ ասաց խալիֆայն ընդ իւր մեծա-
 մեծան. Տեսէք զիա՛րդ իմաստուն են դո-
 րա խօսքն. եւ համարձակապէս խօսի.
 չէ՛ պարտ զի զդա 'ի մէնջ թողցուք եր-
 թալ. եւ ապա հրամայեաց կոչել զնա յիւր
 սպարանս: Եւ յաւուր միում խալիֆայն
 'ի յաթոռոյն ելեալ զնացեալ էր, եւ գը-
 նաց փահլուլննստաւ յաթոռն խալիֆային:

Եւ եկին սպասաւորքն՝ սկսան ծեծել
 զնա, եւ նա ճչեաց ուժգին: Լուաւ խա-
 լիֆայն՝ եկն եւ բարկացաւ ծառայից իւ-
 րոց, եւ ասէ. Է՛ փահլուլ՝ ընդէ՞ր ծեծեն
 զքեզ: Ասաց փահլուլն. Է՛ տիեզերակալ
 խալիֆայ, եթէ զիս գան հարկանեն՝ զի
 ծամ մի նստայ յաթոռդ, ապա զքեզ զի՞նչ
 ոչ առնիցեն 'ի դատաստանիդ:

Եւ ասաց զերգս գայս:

Մարդիկ մի՛ հարկանէք դուք զիս,
 ես ոչ ցանկամ փառաց աթոռոյդ. զիմն
 քակեցի եւ ելի, եւ ոչ ունիմ միտս շինե-
 լոյ: Իմ կեանքս չեն յաչս իմ, եւ ոչ ու-
 նիմ պատճառս ուրախ լինելոյ, եղի զիմ
 մարմինս 'ի մահ, զի չունիմ հողի տանջե-
 լոյ: Է՛ մարդ որ փառացդ հասեր, տէր

երկրի եղեր եւ աթոռոյ . դու այնպէս խը-
նայեցեր 'ի քեզ , որպէս չէ հնար մարդոյ :
Ոչ ունիս երկիրդ 'ի մահուանէ , եւ ոչ
պատրաստես պաշար գնալոյ . զիառս աշ-
խարհիս այլոց թողուս , եւ լինիս դու ափ-
մի հող :

Լուաւ Խալիֆայն զայն իմաստունն բա-
նըս , եւ հարցանէր բազում ինչ Փահլու-
լին . եւ նա հնարիւք տայր զպատասխա-
նին : Եւ յաւուր միում յայլ եհարց Խալի-
ֆայն ցՓահլուլն եւ ասէ . Փահլուլ՝ ասա
ինձ , այսօր զի՞նչ առնէ Աստուած : Ասէ
Փահլուլն . Հարցումնդ այդ դժուարին է .
այսօր համբերեա ինձ , վաղիւն ասեմ : Եկն
վաղիւն , եւ հեծեալ էր 'ի սեաւ էչ մի :
Ասէ Խալիֆայն . Ասա ինձ , զի՞նչ առնէ
Աստուած : Ասէ Փահլուլն . Հրամայեա , զի
ամենայն ծառայքդ ելցեն արտաքս , եւ
ես տամ զպատասխանին : Եւ հրամայեաց
Խալիֆայն ծառայիցն ելանել արտաքս . եւ
մնաց ինքն Փահլուլն միայն : Եւ ասէ Խա-
լիֆայն , Չի՞նչ առնէ Աստուած 'ի ժամուս
աստ յայամիկ : Ասէ Փահլուլն . Է՛ Խալի-
ֆայ՝ արի պահ մի նիստ յիմ էչն , եւ ես
'ի քո յաթոռդ նստիմ . յայնժամ ասեմ
քեզ , թէ զինչ առնէ Աստուած : Եւ հա-
յեցաւ Խալիֆայն՝ զի մարդ ոչ երեւէր 'ի
սրահին , ել նստաւ յէչն . եւ Փահլուլն 'ի
Խալիֆային աթոռն նստաւ , եւ ո՛չ խօսէր :

Ասէ խալիֆայն . է՛ր ոչ խօսիս , զի՞նչ
 առնէ Աստուած : Ասէ Փահլուլն . Ձի՛ պի-
 տոյ իցէ խօսիլ , ո՛չ գիտես զինչ առնէ
 Աստուած . զքեզ որ խալիֆայդ ես , յէջն
 իմ նստոյց . զիս որ Փահլուլս եմ , 'ի քո ա-
 թոռդ նստոյց . ահա զայս արար 'ի ժամուս
 յայսմիկ . եւ խալիֆայն զարմացաւ , եւ ոչ
 կարէր խօսել :

Եւ ասաց Փահլուլն զերգս զայս :

Գու զանքնինն ընդէ՛ր քննես , այնու զի
 ոչ կարես նմա հասուլինել մտօք . զԱստուած
 ով կարէ տեսանել կամ իմանալ զնա մարդ
 կենդանի : Գու չես տէր կենաց քոց , եւ
 մնաս յերկրի անշունչ . այլ նա տէր է տի-
 եզերաց , եւ բառնայ կրէ զերկինս եւ զեր-
 կիր միանգամայն :

Միծաղեցաւ խալիֆայն եւ ասէ . Փանք
 Աստուծոյ կենդանւոյն եւ բարձրելոյն յա-
 լիտեան . զի այս ազգ յիմարք զարմանա-
 լի պատասխանիս տան . բայց թուի ինձ ,
 թէ չէ դա յիմար , այլ իմաստուն է . եւ
 զնաց Փահլուլն : Եւ անցին աւուրք ինչ
 'ի վերայ . եւ հրամայեաց խալիֆայն կո-
 չել զնա : Եւ նա նստաւ յէջ մի , եւ եկն
 առ խալիֆայն : Միծաղեցաւ խալիֆայն եւ
 ասէ . Փանք Աստուծոյ կենդանւոյն եւ
 բարձրելոյն յալիտեան :

Եւ ասէ խալիֆայն . Իրս ինչ կամիմ

հարցանել քեզ, եւ դու զուղղորդն ասա: Եւ նա ասէ՝ Հրամայեա, Խալիֆայ: Ասէ Խալիֆայն . Քանի՞ աստեղք գոն յերկինս: Ասէ Փահլուլն . Ես քաջ գիտեմ, զամենայն թուեալ եմ . որչափ յիշոյս վերայ մաղք գոն՝ այնչափ աստեղք են յերկինս . եթէ ոչ հաւատաս, էջ եւ թուեա: Եւ էջ Խալիֆայն յաթոռոյն, եւ սկսաւ համարել զհերս իշոյն: Ասէ Փահլուլն . Նախ զաղին թուեա: Եւ սկսաւ Խալիֆայն այնպէս առնել, եւ ոչ կարէր, ծիծաղեցաւ Խալիֆայն:

Եւ ասաց Փահլուլն գերզս գայս:

Դու որ ոչ գիտես այժմ թէ որչափ են հերք գլխոյդ, զի՞ հարցանես զիս թէ աստեղք երկնից քանի են: Զոր ինչ ոք գործէ աստ՝ ընդ ամենայնի համարս տալոց է անդ, որչափ գանձս ժողովէ նա զրկելով, զամենայն ատո թողու, տանել ոչ կարէ:


Ամաչեաց Խալիֆայն, եւ ՚ի բաց եկաց ՚ի համարելոյ զագի իշոյն, եւ ել նստաւ յաթոռն: Եւ ասէ, Փառք Աստուծոյ՝ որ այսպէս գիտութեամբ սկսաւ զսիրելիս իւր եւ տայ զիմաստութիւն ում կամի . այնպէս զի ոչ ոք կարէ տալ նմա պատասխանի՝ ՚ի բանս եւ ՚ի հարցմունս նորա: Այսպիսի վարուք կեցեալ Փահլուլն՝ եւ երանելի կենօք փոխեցաւ յանվախճան թագաւորութիւնն:



Խ Բ Ա Տ Է

ԵԻ

ՅՈՐԴՈՐԱՆՔ ՕԳՏԱԿԱՐՔ



Արարեալ Չարմանազան թաղաւորին՝
դոր Նուշիաւլան ասեն:

Սա ասեն թաղ մի ունէր ոսկի եւ զարդարեալ պատուական ակամբք, եւ շինեալ էր քսան եւ երկուք անկեամբք. եւ յամենայն անկիւնան այս խրատք դրեալ էին. եւ յորժամ ելանէր արտաքս՝ կարդայր առաջի դօրացն, եւ ասէր թէ՛ ի միտ ատէք. եւ ապա դնէր ՚ի գլուխն: Եւ թագն էր յակինթ եւ զմշուխտ ակամբք եւ անդամանդիւք եւ տպադիտն ակամբք յօրինեալ:

Ա.

Չանձնահաճ այր յինէն ՚ի բաց պահեցէք: Արժանաւորաց յիմ դանձէն բաժին տուք: Առաջի բանգէտ մարդկան անպատեհ բանս մի խօսիք: Չանդիւսան մի խընդ-

րէք : Ի գործել ձեր, մի շտապէք : Չոր ինչ
առնելոց էք, ժամէ 'ի ժամ մի թողուք :

Բ .

Ի սկիզբն եւ 'ի կատարած իրաց հայե-
ցարուք : Յոր տուն եւ մտանէք, նախ զելն
իմացարուք : Չամենայն ինչ կամ կտաւ,
տասն անգամ չափեցէք, եւ ապա կտրե-
ցէք : Չփորձեալն կրկին մի փորձէք :
Չփորձեալն անփորձի մի տայք : Չմարդ
զոր չէք փորձեալ, նմա մի վստահ լինիք :
Չխոստումն որ 'ի ձեզ է, մինչեւ 'ի ձեր
անձն մի խնայէք : Սակաւ խոստացէք, եւ
բազում կատարեցէք :

Գ .

Անուանի եւ խոնարհ արուեստ ուսա-
րուք : Չճշմարտութիւն սիրեցէք : Չկա-
րողութեան արդիւնս գիտացէք : Չայր համ-
բերող ծաներուք : Չայս կեանս, մի օր գի-
տացէք : Չառողջութեան պատուականու-
թիւն գիտացէք : Չձեր կեանս անգիտու-
թեամբ մի անցուցանէք : Ընդ այլոց տըրտ-
մութիւն մի խնդայք : Ընդ կոտորեալ
ընդ գնացեալ՝ ընդ թափեալ՝ ընդ այրեալ
մի տրամիք :

Դ .

Ընդ Տեժամեժաց յորոգայթն՝ կոծեցա-

րուք : Մարդոց՝ վասն ամենայն իրաց համբերեցէք : Ի տեղի ուր համբերել պարտէ, մի՛ փութայք : Ընդ ամենայն մարդկան, ուխակալ մի՛ լինիք : Ամենայնօք՝ զիւր չափն թող գիտացէ : Զձեր զոտն՝ քան զձեր անկողինն աւելի մի՛ մեկնէք : Ի պատերազմէ՝ զերեսս մի՛ դարձուցանիցէք : Զայլոց կռիւն՝ ի ձեր յանձն մի՛ առնուք :

Ե .

Կռիւ թէ հանդիպի ՚ի միջի ձերում, խնդրեցէք իրաւունս, այլ արագ հաշտեցարուք : Ի սիրտս ձեր նախանձ մի՛ պահէք : Զամենայն ինչ համբերելով արարէք : Նախ զնորն տնկեցէք, եւ ապա զհինն խլեցէք : Զերեւելի զգայարանս ձեր՝ պատրաստ պահեցէք : Յանպատեհ իրաց ՚ի բաց կացէք : Ի մէջ մարդկան վատանուն մի՛ լինիք :

Զ .

Ի գողունեաց ընչից մի՛ շահիք : Յեզերս թագաւորի տուն մի՛ շինէք : Զձեր բնակութիւն մօտ ՚ի խանութ մի՛ շինէք : Ի պիղծ բնակութեանց ՚ի բաց կացէք : Որք անխրատքն են, իշխանաց ծառայութիւն մի՛ առնիցեն : Սէրնկեր ՚ի ճանապարհ մի՛ երթայք : Սէարժանից մի՛ խոնարհիք : Ընդ չար կամաց մի՛ դատիք : Յօտար հող ծառ մի՛ տնկէք :

Է .

Յաղաաղտին տեղիս, սերմ մի' ցանէք :
 Ընդ ամենայն ազգ մարդկան մի' ընդելա-
 նիք : Ի մարդոյ՝ որոյ քսակ նոր իցէ, փոխ
 մի' առնուք : Ընդ անարժան մարդկան մի'
 նստիք : Ընդ ապախտաւորս սէր մի' դը-
 նէք : Քսու մարդկան մի' հաւատայք . եւ
 ընդ նոսա աղ եւ հաց մի' ուտէք : Ընդ ծա-
 ոայի մի' կռուիք, զի մի' ամաչիցէք 'ի
 տեառնէ նորա . եւ 'ի տեառնէ նորա 'ի բաց
 կացէք : Ընդ մարդոյ՝ զոր չիցէ ձեր տե-
 սեալ , սէր մի' առնիցէք :

Ը .

Տղայ որ 'ի մօրէն ցաւոտ ծնանի՝ նմա
 դեղ մի' առնէք , զի ոչինչ օգտի : Անչա՛ն
 մարդոյ եւ խելագարի եւ արբեցելոյ խը-
 րատ մի' տայք : Դուք զձեզ մեծ մի' տե-
 սանէք , Ի լեզուանի կնոջէ զգոյչ լերուք :
 Որ զխրատն սիրէ՝ այնմ տուք : Զուտելն
 եւ զըմպելն միայն մի' սիրէք : Հնազան-
 դելոց ձերոց զժուարութիւն մի' առնէք :
 Զայնոսիկ որ սիրեն զձեզ՝ մի' ատէք : Որ
 ոք ընդ ձեզ սէր ունի, զնա անտես մի' առ-
 նէք : Վասն անպատեհ պատճառի զժառայ
 ձեր մի' հարկանէք : Յայլոյ հաց ակն մի' դնէք :

Թ .

Զձեր հաց յայլոց սեղան մի' դնէք :

Յորժամ զձեր հաց ուտէք, զձեր զրոյցն տեսէք : Ընդ տղայս եւ ընդ տգէտս 'ի խորհուրդ մինասիք : Օտար կին եւ պառաւ 'ի ձեր տունն մի' թողուցուք : Ի չար կնոջ հանդերձէ զգոյշ կացէք : Զձեր հոգիս մարմնոյ ձերում ծառայ մի' ասնէք : Ընդ մահ որդւոց եւ դատերաց ձերոց մի' տըրտմիք : Յօտարի բանս, յետփորձելոյ, մի' լինիք վստահ :

Ժ .

Զայգին ձեր 'ի պահ օտարի մի' տայք : Յայլոց ինչս իբրեւ զտէրն նոցա մի' լինիք վստահ : Յօտար մարդոյ տուն տանուտէրու թիւն մի' ասնէք : Զօտարն զոր ոչ ճանաչէք՝ 'ի ձեր տուն տանուտէր մի' դնէք : Այն մարդիկն որ զայս կեանս յոյժ սիրեն, դուք զնոսա մի' սիրէք : Զայր եւ զկին, զտէր եւ զծառայ ընդ միմեանս մի արկանէք :

ԺԱ .

Առաջի թագաւորի ահիւ եւ պատրաստու թեամբ կացէք : Առաջի թագաւորի, թէպէտ նա խոնարհեցի, դուք մի լինիք համարձակ : Զայր իշխան սիրեցէք, մանաւանդ յորժամ 'ի բացեայ իցէ : Յոխակալ մարդկանէ 'ի բաց կացէք : Զամենայն մարդոյ ըզ պատիւն գիտացէք : Մի նախանձիք ընդ

այնոսիկ որ երջանիկ են եւ մեծատուն :
 Ընդ իմաստունս մի հակառակիք եւ մի
 արհամարհէք զնոսա : զի նոքա տէր են
 գրչի եւ իմաստութեան : Մի դուզնաքեայ
 ինչ համարիցիք զնոսա որ գիտուն են : Թէ-
 պէտ եւ իմաստունք իցէք , զաւագն քան
 զձեզ մի արհամարհէք : Ընդ հանճարեղս
 մի կռուիք : Չծերս պատուեցէք եւ գա-
 ռազան լերուք նոցա : Ի գրպարտիչ մար-
 դոց 'ի բաց կացէք : Մի ծաղր առնիցէք
 զոք , եւ մի թշնամանիցէք :

ԺԲ.

Չծերս պատուելով սիրեցէք , Չմեծն
 շատ սիրեցէք , Չխաբուսիկն կտրեցէք 'ի
 միջոց , զի անհոգ լինիցիք : Ընդ մարդոց
 ժլատի եւ դուզնաքէի մի դատիք : Չհօր
 եւ դմօր եւ զազգի պատիւն մեծ համարես-
 ջիք : Ի մերձաւոր ազգակցաց ձերոց մի
 կտրիք : Մի ումեք թողուցուք յանիրաւի
 կլանել զձեզ : Ըստ ուխտ եւ ըստ երդումն
 մի անցանէք : Անկոչ 'ի պատիւ մի երթայք :

ԺԳ.

Յամենայն աւուրս ձեր խրատիւ եւ ի-
 մաստութեամբ կացէք : Թէպէտ եւ դուք
 չար իցէք , սիրեցէք զբարին : Իսկ եթէ
 բարի լինիք , զչարն մի բամբասէք : Վատ
 մարդկան մի օգնէք , Ի սիրելւոյ եւ 'ի

զարմէ զգուժ մի բառնայք : Ընդ պիղծ
մեռելոյ զձեր մեռեալն մի թաղէք : Ուսումն
եւ խելս ուսարուք : Ի խրատուէ մի ա-
մաչէք : Ի մէջ մարդկան քան զբարին այլ
բան մի խօսիք :

ԺԴ.

Որքան զձեզ բարին է եւ գիտուն՝ զայն-
պիսին մեծ համարեսցիք : Իսկ այլ իրաց
քան իմաստութեան բանից , խնդրող մի
լինիք : Թէ իմաստունքն հեռի են գուք
գնացէք նոցա մօտ : Զանցեալ ժամանակն
հեշտ մի համարիք : Զոր ինչ յաշխարհի
չունիք , 'ի մարդոյ մի խնդրէք եւ մի գըգ-
ուիցէք զնոսա : Եթէ կամիք անհոգ կալ ,
ուսարուք արուեստ պիտանի : Զոր ինչ առ-
նուք յաւանդ , հատուցիք տեսուն իւրում :
Փոխ եթէ առնուք , վճարեցէք :

ԺԵ.

Զբան որ չէ իմաստուն մի խօսիք :
Զբան զոր չէ պարտ ասել՝ մի ասէք : Զլե-
զու ձեր մի ուսուցանէք 'ի չարախօսել : Ան-
պատեհ խօսից ունին մի գնէք : Պիղծ խօ-
սից պատասխանի մի առնէք : Ի թագաւորս
յոյս մի գնէք : Ամենայն ոք թող զիւր ար-
ուեստն գործիցէ : Մինչչեւ լուեալ զպա-
տասխանին , մի փութայք 'ի դատել : Զոր
ինչ ոչ գիտէք , մի ասէք : Որ ինչ ոչ է 'ի

արտի ձերում զայն լեղուաւ մի խօսիք :

ԺԶ.

Ամենայն մարդոյ խօսից մի վատահա-
նայք : Զբարի խօսս յամենայն մարդոյ ըն-
կալարուք : Ոչ իրաւ եւ ոչ սուտ մի երդ-
ուիք : Զայն կեանս ընդ այս կենցաղոյս մի
փոխէք : Ամենայն մարդոյ զայն կամեցա-
րուք՝ զոր անձին ձերում կամիք : Ընչից
որբոց խնայեցէք : Երկայն ճանապարհի,
պաշար պատրաստեցէք : Այրեաց հանա-
պաղ ողորմեցարուք : Ի ժամանակի երի-
տասարդութեան զձերութիւն յիշեցէք : Ըզ
պէտս ձերութեան հոգասջիք՝ ի ժամանա-
կի երիտասարդութեան :

ԺԷ.

Ի ժլատութենէ փախերուք : Առատու-
թեան արուեստ ուսարուք : Զսկիզբն ա-
ռատութեան յարդար վաստակոց ձերոց
արարէք : Զօրէնս մարդկութեան ծանե-
րուք : Զիրս կարեւորս սիրեցէք : Ի ցա-
ծէն եւ յանգիտէն խնդիր մի խնդրէք :
Ընդ ամենայն մարդոյ սէր եւ բարեկամու-
թիւն ըստ ժամանակին արարէք : Զպատ-
ուականն պինդ կալարուք :

ԺԸ.

Զպաշար ձմեռան, ամարայնի հոգասջիք :

Զայտը աւուր իրա 'ի վաղիւ մի առնէք :
 Զինչ որ չէ լեալ, մի իբրեւ զեղեալ ձեւի-
 ցէք : Զգեղյառողջութեան ժամուն արբէք :
 Զերակ հատանեն եւ զարիւն հանեն, յոր-
 ժամ պիտոյն է : Ի ծերութեան՝ երիտասար-
 դութեան մի ցանկայք : Զայրբանգէտ կա-
 ցուցէք 'ի վերայ գործոյ : Զտգէտ եւ զերկ-
 չոտ 'ի վերայ մեծութեան մի դնէք : Փա-
 խերուք 'ի մեծամեծաց որ ռխս պահեն : Մի
 վաղվաղակի հաւատայք ամենայն իրաց :
 Զընտանիս ձեր սիրեցէք :

ԺԹ.

Ընդ ուղղորդ սիրելեաց քիթ 'ի վեր մի
 կայք : Զաղգականս ձեր մի վիրաւորէք :
 Մի թողուք զձերն եւ յօտարն ակն դնէք :
 Զձեր հին սիրելին մի մոռանայք : Զձեր
 թշնամին մի կարի արհամարհէք : Յիմաս-
 տուն թշնամոյ մի յոյժերկնչիցիք : Զան-
 գէտ սիրելին մի մեծ ինչ համարես՛ջիք :
 Ի թշնամութեան՝ սիրոյ տեղի պահեցէք :
 Ի սիրելութեան ժամու՝ զթշնամութիւն յի-
 չեցէք : Ծուլութեան արուեստ մի ուսա-
 նիք : Զձեր սիրելին յաղքատութեան ժա-
 մանակի խնդրեցէք :

Ի.

Ընդ գիշաւորին մի գիշանայք : Ամե-
 նայն մարդ թող զիւր չափն վայելէ : Աշ-

խարհս ձեզ խաղաղ մի թուեսցի : Զհողոյ
բաժինն 'ի մարմնաւորս մի մոռանայք : Որդ-
ւոց ձերոց խնամով արուեստ ուսուցէք :
Զձեր կերպարանս 'ի սիրելեաց եւ 'ի թըշ-
նամեաց ծածուկ պահեցէք : Զձեր խոր-
հուրդն ամենայն մարդոյ մի ասէք : Ի տե-
ղի ուրուք ականջ մի դնէք :

ԻԱ.

Զձեր խորհրդակիցն 'ի ժամանակի բար-
կութեան փորձեցէք : Զկին եւ զորդիս 'ի
ժամանակի աղքատութեան մի ուրանայք :
Առ մեծամեծս աչս 'ի բաց կացէք : Յամե-
նայնի զչափն սիրեցէք : Զհպարտութիւն
քան զմահ դառն իմացէք : Զանհոգութիւն
'ի ձեզ անկենդանութիւն գիտացէք : Ընկեր
զայն սիրեցէք՝ յորմէ չունիցիք ինչ շահել :

ԻԲ.

Ի ժամանակի յաջողութեան պատրաստա-
գոյն կացէք քան 'ի ժամանակի նեղութեան :
Զամենայն ինչ յառատութեան ժամանակի
հոգացէք : Ի դիւրագին աւուրս զթանկու-
թիւն յիշեցէք : Յորժամ առողջ իցէք զհի-
ւանդութիւն զմտաւ ամէք : Զաղջիկ կամ
զկին 'ի ծանօթ տեղեաց առէք : Մի յարիք
'ի մարդ զոր միանգամ տեսեալ է ձեր : Յան-
շահ սիրելեաց 'ի բաց կացէք :



Խ Բ Ա Տ Ք

ՊԻՏԱՆԻՔ ԵՒ ՕԳՏԱԿԱՐՔ

ԶՈՐ ԱՍԱՑԵԱԼ Է

ԽԻԿԱՐԱՅ ԻՄԱՍՏՆՈՅ



Ես խիկարս զպիր էի Սենեքերիմայ
 արքային Ասորեստանեայց . եւ արա-
 թի վաթսուն կանայս՝ եւ շինեցի վաթսուն
 ապարանս . եւ ես խիկարս եղէ վաթսուն
 ամաց, եւ ոչ եղեւ ինձ որդի : Յայնժամ
 մտի առ կուռսն բազում ընծայիւք . եւ
 վառեցի հուր, եւ արկի խունկս անու-
 շահոտս՝ ի վերայ նոցա . մատուցի ընծայս,
 եւ զոհեցի զոհս վասն ծննդեան : Եւ ա-
 զաչեցի ասելով, Ով տեարք իմ եւ Աստ-
 ոածք Բէլշիմ եւ Շահմիմ, հրամայեցէք
 եւ տուք ինձ արու զաւակ . քանզի անա
 խիկարս կենդանւոյն մեռանի : Եւ զինչ ասեն
 մարդիկ, թէ խիկար իմաստուն էր եւ
 ճարտար, մեռաւ եւ ոչ գոյր նորա որդի
 որ թաղէր զնա . եւ ոչ գուտար՝ որ լայր
 զնա, զինչ ասեմ, չունիմ ժառանգ յետ

մահուան իմոյ : Եւ եթէ որդին իմ յաւու-
րըն տասն քանքարս ծախեսցէ, ոչ կարէ
սպառել զինչս իմ . այլ զի միայն արկցէ
հող ձեռօք իւրովք 'ի վերայ իմ . եւ զի
մի մնացից անյիշատակ :

Յայնժամ ձայն եղև յաստուածոց իմոց
եւ ասէ . Խիկար, ոչ հրամայեալ է վինել
քեզ զաւակ . բայց եթէ առցես զՆաթան
քեռորդին քոյ, եւ սնուցես զնա որդի
քեզ եւ նա հատուցէ քեզ զանուն քո :

Եւ ապա առի զՆաթան քեռորդին
իմ առ իս, որ էր միամեայ . եւ ազուցի
նմա բեհեզս եւ ծիրանիս . եւ եղի ման-
եակ ոսկի 'ի պարանոց նորա, որպէս որ-
դի թագաւորի զեղաշուք զարդարեցլ
զնա . եւ արբուցի նմա կաթն եւ մեղր . եւ
ննջեցուցանէի զնա 'ի վերայ արծուեաց եւ
աղաւնեաց իմոց, մինչեւ եղև եօթն ամաց :
Եւ ապա սկսայ ուսուցանել նմա զդպրու-
թիւն եւ զիմաստութիւն եւ զհանճար-
գիտութիւն, եւ զգատասխանիս հրովար-
տակաց, եւ զդարձուածս հակառակ խօ-
սից . եւ 'ի տուէ եւ 'ի զիշերի ոչ դա-
դարէի ուսուցանելոյ . եւ յազեցուցի զնա
ուսմամբ իբր հացիւ եւ ջրով :

Ապա ասէ Արքայն ցիս . Դպիր եւ
իմաստուն Խիկար, գիտեմ, զի ծերացեալ
ես . եւ յետ վախճանի քոյ ով է, որ կա-
տարէ ճարտարութեամբ եւ իմաստու-

Թեամբ զգործս արքունեաց մերոց, եւ ես հանապազ տրտում եմ վասն այդր խորհրդի:

Պատասխանի ետու նմա եւ ասացի. Արքայ՝ յաւիտեան կաց. է իմ որդի՝ որ առաւել հանճարեղ եւ իմաստուն է քան զիս: Ատէ թագաւորն. Աստուած՝ զայ առ իս՝ զի տեսից զնա: Եւ իբրեւ ածի զնա՝ կացուցի զնա առաջի թագաւորին: Յորժամ ետես թագաւորն, ուրախ եղև եւ ասէ. Այս օրս օրհնեալ եղիցի. քանզի Խիկար ՚ի կենդանութեան իւրում ած եւ կացոյց զորդին իւր առաջի իմ, եւ ինքն ՚ի հանգստեան եղիցի: Եւ ես երկրպագի արքային իմում, եւ առեալ տարայ զՆաթան յապարանս իմ, եւ այսպէս ասէի ՚ի խրատելն իմում:

Խրատ Խիկարայ՝ գոր ետ որդեոյ իւրում Նաթանայ:

Ո՛րդեակ՝ եթէ լսես ըմես ՚ի դրան թագաւորաց եւ իշխանաց եւ մեծամեծաց, պահեա եւ մեռո զնա ՚ի սրտի քում. եւ մի ասեր մարդոյ, մինչեւ այլք ասեն ցքեզ:

Ո՛րդեակ՝ զմարդոյ կապեալն եւ զկրնքեալ մի արձակեր. եւ զարձակեալն մի կապեր:

Ո՛րդեակ՝ լաւ է ընդ իմաստուն մարդոյ քար կրել քան ընդ տղիտի ուտել եւ ըմպել:

Ո՛րդեակ՝ մի լիցի զի առաքեսցեն ըզքեզ 'ի գործ, եւ դու ոչ խմասցիս զբանն եւ երթիցես . յետոյ զայլ ոք յուղարկիցեն՝ որ երթիցէ եւ դու ծաղր լինիցիս :

Ո՛րդեակ՝ մի լիցի զի երթիցես 'ի տեղի ուրեք, եւ իցէ անդ մեծ ոմն քան զքեզ, եւ նստիցիս 'ի վերոյ քան զնա . եւ ասիցեն քեզ թէ Նկ 'ի վայր, եւ յամօթ լիցիս : Այլ երթ նիստ 'ի խոնարհ զի ասիցեն ցքեզ, ի վեր մատիր :

Ո՛րդեակ՝ եթէ ընկեր քո հիւանդ է, մի ասեր 'ի միտս քո, թէ տանձ կամ խընձոր դտանեմ, եւ ապա երթամ 'ի տես . երթ ոտիւք՝ եւ տես աչօք . զի զհիւանդըն դատարկ տեսանել լաւ է՝ քան զբագում համադամս ուտելոյ :

Ո՛րդեակ՝ մի հեղուր զարիւն մարդոյ, զի մի այլքն հեղցեն զարիւն քո :

Ո՛րդեակ՝ մի շնար ընդ կանայս այլոց, զի մի այլք շնասցեն ընդ կնոջ քում :

Ո՛րդեակ՝ լաւ է ծառայի միամտութեամբ տալ պատասխանի տեսան իւրում, քան խըրատելով խօսել, եւ ածել 'ի բարկութիւն :

Ո՛րդեակ՝ մի տար ընկերի կոխել զոտս քո, զի մի համարձակեսցի եւ կոխեսցէ զպարանոց քո :

Ո՛րդեակ մի լինիր քաղցր զի մի կլանիցեն զքեզ . եւ մի լինիր լեղի զի մի թըքանիցեն զքեզ :

Ո՛րդեակ՝ լաւ է կոյր աչօք՝ քան կոյր մտօք . զի կոյրն՝ արագ տեսանէ դերթ եւ եկ ճանապարհին . եւ մտօք կոյրն՝ հանապազ գնայ կամակոր :

Ո՛րդեակ՝ լաւ է աղջիկ՝ որ ծնանի եւ վաղ մեռանի, քան թէ կենդանի մնայ, եւ Ազգին իւրում նախատինսս բերէ :

Ո՛րդեակ՝ լաւ է կողմ՝ ՚ի ձեռին քում, քան թէ շարիք յայլոց ձեռս :

Ո՛րդեակ՝ լաւ է ուլ մի՝ ՚ի տան քում զենեակ, քան եղն մի՝ ՚ի տունս այլոց :

Ո՛րդեակ՝ յապարանս թագաւորաց մի մտաներ . եւ ընդ կնոջ դատաւորի մի՛ խօսիր :

Ո՛րդեակ՝ աչք մարդոյ ազահ է, ոչ յազի գանձով՝ մինչեւ ըսու հողով :

Ո՛րդեակ՝ մի՛ լինիր միջնորդ առն վասն կնոջ, զի եթէ չար լինիցի՝ անիծանիցեն զքեզ . եւ եթէ բարի լինիցի՝ ոչ յիշեսցեն զքեզ :

Ո՛րդեակ՝ յորժամ՝ ՚ի դատաստան երթաս, մի՛ շատախօս լինիր . եւ մի՛ թիւր խօսիր, զի մի սուտ հանցեն զքեզ՝ եւ մըտցես ՚ի բանտ :

Ո՛րդեակ՝ նախ խորհեաց ՚ի միտս քո զոր ասելոցն ես, եթէ սուտ ես՝ մեղայ ասա . զի մի դատաւորն արկցէ ՚ի բանտ, եւ սուժեսցիս զինչս քո :

Ո՛րդեակ՝ մարդոյ զոր ՚ի կախել տանին

մի՛ յառաջ ընթանար, զի մի՛ մատնեացէ
զքեզ եւ ասիցէ, թէ Սա եւս իմ ընկեր է:

Ո՛րդեակ՝ յորժամ երթաս ՚ի հարսանիս
կամ ՚ի տուն մեռելոյ նախ հաց կեր ՚ի
տան քում, եւ ապա գնա. զի թէ հարսա-
նիք են ՚ի շատ խնդու-թենէ անխոյթ առ-
նեն զքեզ. եթէ տուն մեռելոյ է՝ ՚ի շատ
տրամու-թենէն մոռանան զքեզ, եւ դու
մնաս նօթի:

Ո՛րդեակ՝ հեռագոյն երթալ եւ անցա-
նել ընդ կամուրջ լաւ է, քան մտանել ՚ի
ջուր մօտաւոր:

Ո՛րդեակ՝ նոր դատաստան մի՛ սահմա-
ներ անիրաւութեամբ. թէպէտ եւ իշխան
իցես մի՛ ելաներ ըստ սահման:

Ո՛րդեակ՝ մի՛ բանար զաչս քո եւ տե-
սաներ զկի՛ն գեղեցիկ. զի գեղեալ է գե-
րեան եւ ծարուրեալ է զաչսն. եւ եթէ
վատնես զամենայն ինչս քո ՚ի սէր նորա՝
ոչ ինչ առաւել գտանես քան զկի՛ն քո.
բայց միայն զմեղս եւ զամօթ նախատա-
նաց:

Ո՛րդեակ՝ եթէ տեսանես զերիտասարդ
այր թռուցեալ յօդս մի՛ հաւատար գործոց
նորա. զի բան ծերոց հաստատուն է.
բայց վասն երիտասարդ որդւոյ մչ ապա-
քէն ասացեալ է, թէ Բերան առիւծու է,
ն ապրեցուցէ ՚ի նմանէ:

Ո՛րդեակ՝ թէպէտ եւ որդի քո իմաս-

տուն իցէ յառաջագոյն փորձեա զնա , եւ
ապա տուր զինչս քո 'ի ձեռս նորա :

Ո՛րդեակ՝ 'ի կնոջէ յօտարէ եւ յառնա-
կնոջէ քան զընկերս քո կանխաւ ել եւ
զնա . եւ այլ մի՛ դառնար զի սպատուական
լինիցիս . ապա եթէ դառնաս՝ փոխանակ
սպատուոյ առնուս անարգութիւն :

Ո՛րդեակ՝ որ քան զքեզ պինդ իցէ երե-
սօք , մի՛ հակառակիր ընդ նմա :

Ո՛րդեակ՝ եթէ բարձր են սիւնք , տան
քո առաւել քան կանգունա ինն , իբրեւ մը-
տանես , խոնարհեցո զգլուխ քո :

Ո՛րդեակ՝ մի՛ առնուր կշռով մեծ՝ եւ
ծախէր փոքր , եւ ասէր 'ի սրտի քում թէ
չահեցայ . եւ ոչ զիտես՝ զի փոխանակ
չահու փոքու , բարկանայ Աստուած . եւ
զոր ունիադ առնու 'ի ձեռաց քոց , եւ
տայ այլոց :

Ո՛րդեակ՝ մի՛ երդնուր եւ մի՛ ասեր
սուտ . զի սուտ երդումն եւ սուտ ասելն
մարդոյ կենաց պակասութիւն բերէ :

Ո՛րդեակ՝ եթէ կամիս խնդրել բանս
ինչ յԱստուծոյ՝ 'ի կամաց նորա մի՛ հեռա-
նար . եւ զոր խնդրես տացէ քեզ :

Որդեակ՝ զայն ինչ որ քեզ չար թուի՝
ընկերին քում մի՛ առներ . եւ որ ինչ բա-
րին է զայն կատարես , եւ արացես քեզ
բարեկամ . եւ դու յամենեցունց բարիս
դացես :

Ո՛րդեակ՝ յորժամ լինիս 'ի մէջ մարդկան՝ մի՛ յայտներ զպարտս եւ զպակասութիւնս քո . զի 'ի նոցանէ շահ ոչ լինի քեզ եւ դու արհամարհիս 'ի մէջ նոցա :

Ո՛րդեակ՝ սիրեա զկին քո, զի մարմին քո է . եւ աշխատանօք մնուցանէ զորդիս քո, եւ կցորդ կենաց քոց է :

Ո՛րդեակ՝ սիրեա զեղբայր քո հաւասար քեզ . զի 'ի հասանել որդւոց քոց՝ խընդասցեն :

Ո՛րդեակ՝ ուսո զորդի քո 'ի քաղց եւ 'ի ծարաւ, զի ուսանիցին համբերել նեղութեան . եւ յորժամ հանդիպի ժամանակ սովոյ կարասցեն ժուժկալել :

Ո՛րդեակ՝ մարդ որոյ գործք չեն բարի, եւ չունի անուն բարի յաշխարհի, մեռեալ է եւ ոչ կենդանի :

Ո՛րդեակ՝ յորժամ լինիս յայլոց տան հիւր՝ եթէ օձ եւ կարիճ բերեն առաջի քոյ մի՛ արհամարհեր, եւ մի՛ գանգատիր :

Ո՛րդեակ՝ մի՛ ասեր չար բարեկամին քում . այլ ծիծաղեաց ընդ երեսս նորա . եւ դու ուրախ լինիս 'ի մէջ ընկերաց քոց :

Ո՛րդեակ՝ զամենայն բարութիւն կնոջ քում արա . բայց զխորհուրդ սրտի քոյ մի՛ յայտներ նմա . զի կին բնութեամբ տկար է, եւ ոչ կարէ պահել զբան քո . այլ յայտնէ դրացեաց քոց, եւ դու անկանիս 'ի փորձանս եւ 'ի նեղութիւն :

Ո՛րդեակ՝ զինչ որ ոչ է քո, մի՛ առնուր եւ տար այլոց :

Ո՛րդեակ՝ խորհեա վասն ամենայն բանի՝ ՚ի սրտի քում, ընտրեա զսխտանին, եւ ապա բեր ՚ի լեզուդ եւ խօսեաց . եթէ որ զինչ եւ զայ՚ի բերան քո խօսիս, ծաղր լինիս :

Ո՛րդեակ՝ մի՛ անկանիր ընդ մէջ երկուց մարդոց որ կռուիցին եւ հարկանիցեն զիրեարս, զի մի՛ ՚ի զուր մեռանիցիս :

Ո՛րդեակ՝ մի՛ դատարկաբանութիւն խօսիր եւ ծիծաղիր . զի ՚ի ծաղուէ կռիւ լինի . եւ ՚ի կռուոյ սպանութիւն :

Ո՛րդեակ՝ եթէ կամիս իմաստուն լինել, պահեա զլեզու քո ՚ի չար խօսից :

Ո՛րդեակ՝ եթէ աղաղակ բառնալով մարդ տուն շինէր, էշ յառուրն ութ դարպաս շինէր . եւ եթէ ՚ի սաստիկ զօրութենէ եւ զին վարի լուծ՝ նա ՚ի պարանոցէն ոչ ելանէր :

Ո՛րդեակ՝ եթէ աղքատ ես, զամենայն առուրս ՚ի պատարագաց Աստուծոյ մի՛ հեռանար :

Ո՛րդեակ՝ մի՛ տացես վաճառս առանց գնոց եւ վկայի . զի բազում խօսք լինին եւ ՚ի բուն բարեկամէ քակտիս :

Ո՛րդեակ՝ պատուեա զհայր քո եւ ըզմայր . զի ՚ի հասանել որդւոց քոց, առցես եւ դու գնոյն :

Ո՛րդեակ՝ բարձայ յուս կասար եւ երկաթ , չէր ծանր քան զպարոտս . թէպէտ ուտէի եւ ըմպէի, ոչ կարէի հանգչել մինչեւ վճարէի :

Ո՛րդեակ՝ մեծատան որդի թէ օձ ուտէ, ասեն թէ վասն բժշկութեան կերաւ . եւ եթէ աղքատն ուտէ, ասեն թէ առ սովալըլուկ մեռանելոյն կերաւ :

Ո՛րդեակ՝ լաւ է գողոց տալ զամենայն ինչս քո, քան թէ այլք գտանիցեն մի գողութիւնս 'ի քեզ :

Ո՛րդեակ՝ ընդ թշնամւոյն կորուստ մի խնդար . զի առաջի քո մահ կայ :

Ո՛րդեակ՝ յորժամ տեսանես զծերնս, յօտըն կաց եւ պատուեա զնա . զի եւ այլք զնոյն արասցեն քեզ :

Ո՛րդեակ՝ եթէ դադարի գեանս 'ի զնացից, կամ քաղցրանայ որպէս զմեղր, եւ կամ սպիտականայ ագռաւն որպէս զաղաւնի, ապա եւ անզգամն թողու զանզգամութիւն իւր, կամ անմիտն լինիլ իմաստուն :

Ո՛րդեակ՝ մի՛ յաճախեր 'իտուն բարեկամի քոյ, զի մի յագեալ ատիցեն զքեզ :

Ո՛րդեակ՝ օրինաց Աստուծոյ ունկնդիբ լեր . զի պատուիրանն Աստուծոյ ամուր պարիսպ է մարդոյ :

Ո՛րդեակ՝ սովորեցո զլեզուն քո զբարիս խօսել 'ի մէջ ընկերաց քոց :

Ո՛րդեակ՝ եթէ խրատ բարի գտցես ,

դու խմատուն կոչիս . զի չարն հանապաղ
'ի չար մարդոյ ծնանի :

Ո՛րդեակ՝ եթէ կամիս զգործս ինչ բա-
րիս գործել , մի նախ պարծիր . թերեւս
լիցի կամ ոչ լիցի , թերեւս չկարիցես գոր-
ծել , եւ ծաղր վնիցիս :

Ո՛րդեակ՝ մի ցանկանար մարդոյ արեան .
եւ մի՛ սիրեր զկռիւ . այլ սիրես զբանս
կակուղս եւ զխօսս , որ շիջուցանեն զհրա-
բորբոք զազանացեալ սիրտ մարդոյ :

Ո՛րդեակ՝ յորժամ ըմպես գինի մի՛ շա-
տախօս վնիր . զի 'ի շատ խօսից կռիւ
ծնանի եւ յետոյ խռովութիւն եւ սպանու-
թիւն :

Ո՛րդեակ՝ խաղաղութիւնն մայր է ամե-
նայն բնական ողջունի խոնարհութեան :

Ո՛րդեակ՝ մինչ կօշիկ քո յօտս քո է ,
կօխես զփուշն . եւ արա ճանապարհ ըն-
կերի քում , որ ընդ քեզ է գալոց :

Ո՛րդեակ՝ ջանա շահել անուն բարի .
զի լաւ է մարդոյ անուն բարի , քան ըզ-
դեզ գովելի . զի գեղեցկութիւնն հիւան-
դութեամբ եւ մահուամբ ապականի , եւ
անուն բարի յաւիտեան մնայ :

Ո՛րդեակ՝ եթէ հանդիպիս կնոջ անզգա-
մի , հնազանդ լեր նմա , եւ կամ փախիր
'ի նմանէ :

Ո՛րդեակ՝ 'ի լեզուէ քումմէ երկիր քան
յօտար թշնամոց . զի այլ ոք ոչ կարէ հար-

կանել զքեզ, եթէ ոչ նա :

Ո՛րդեակ՝ լաւագոյն է քեզ թշնամու
թիւնս առն իմաստնոյ, քան թէ սէր առ
անմտի :

Ո՛րդեակ՝ զայր անմիտ եւ արբեցող մի՛
գրկեր . այլ յուղարկեա զնա զի մի բա-
զում չարիս ածիցէ ՚ի վերայ քո :

Ո՛րդեակ՝ անմիտ մարդոյ խրատ տալ
այնպէս է, որպէս թէ ոք փոշի ցանէ ՚ի
գնացս գետոյ :

Ո՛րդեակ՝ զչար եւ զանմիտ եւ զլեզ-
ուանի եւ զամբարհաւաճ մարդ ՚ի քո տուն
մի մուծաներ, զի մի՛ ՚ի գործոցնորա ամօթ
կրիցես :

Ո՛րդեակ՝ եթէ լինիս տէր աշխարհի, ըզ
մահ քո մի՛ մոռանար :

Ո՛րդեակ՝ արբ զգինի վասն ուրախու-
թեանս . բայց տես, մի լիցի թէ ըմպցէ զի-
նին զքեզ :

Ո՛րդեակ՝ փառաւոր առնէ երբեմն զինի
զմարդ . եւ երբեմն ամօթալից եւ ծաղր
առնէ :

Ո՛րդեակ՝ լաւ է կռուել քեզ ընդ մար-
դոյ զինելոյ, քան ընդ կնոջ անզգամի :

Ո՛րդեակ՝ մարդ չարաբարոյ եւ ամբար-
տաւան, յորժամ տեսանէ զկռուել ընկերի
իւրոյ, խնդայ եւ ուրախ լինի . եւ կար-
ծէ ՚ի մտի իւրում թէ փառք ինչ յաւե-
լան նմա :

Ո՛րդեակ՝ յորժամ քաղցրանան աչք
Աստուծոյ 'ի վերայ քո՝ առաւել երկիր
'ի նմանէ . յետոյ մեղադրիա յանձին
քում :

Ո՛րդեակ՝ յորժամ տեսանես զքեզյաչս
տեսուն Աստուծոյ քո՝ թագաւորաց փա-
ռաւորելի եղեր, եւ ամենայն մարդ սիրէ
զքեզ . եւ յորժամ արհամարհիս յԱստուծոյ՝
յայնժամ թագաւորք եւ իշխանք եւ ամե-
նայն սիրելիք քո ատեն զքեզ :

Ո՛րդեակ՝ մի ասեր աղքատին, թէ դու
ինձ չար ոչ կարես առնել . տես, զի բա-
զում չարիք եւ անարգանք 'ի դուզնաք-
եայ եւ յանպատիւ մարդոց ելանեն :

Ո՛րդեակ՝ կին օտար որ սիրէ զքեզ, եւ
ասէ թէ Դու լաւ ես քան զիմ այրն՝ մի
հաւատար նմա . զի կին պոռնիկ նման է
չան՝ որ խառնակի ընդ ամենայն շանց :

Ո՛րդեակ՝ մի հաւատար զսիրտ քո
սիրելոյ որ նոր իցէ, մինչչեւ քանի մի
ինչ անգամ փորձեալ զնա չարեօք եւ բար-
եօք :

Ո՛րդեակ՝ կին պոռնիկ նման է գերեզ-
մանի բռելոյ, որ 'ի ներքոյ լի է գարշահո-
տութեամբ :

Ո՛րդեակ՝ մի լրբալեզու լինիր 'ի մէջ
ընկերաց, եւ մի կարծեր թէ սիրելի ես
նոցա . այլ յորժամ յանդիմանեն զքեզ՝ լինի
բան քո ամօթալից :

Ո՛րդեակ՝ որ պայծառ է մտօք՝ իբրև զարեգակն լուսաւոր է . եւ որ պիղծ է սրտիւ եւ նենգաւոր մտօք եւ խաւարին խորհրդով, կամ ազան մտօք՝ այնպիսին թէպէտ եւ ունիցի ինչս բազումս, ընդունայն է եւ կենդանւոյն մեռեալ :

Ո՛րդեակ՝ յաւուր արոց քոց առասկալ զձեռս քո, զի աչք մարդոց 'ի ձեռս քո մի մնասցեն . քանզի ոչ հաճի Աստուած եւ դու 'ի մարդկանէ անարգիս :

Ո՛րդեակ՝ 'ի ձի՛ որ քո չէ՝ մի հեծնուր . եւ եթէ յոյժ քաղցեալ իցես՝ հաց՝ որ քո չէ՝ մի ուտեր :

Ո՛րդեակ՝ յայտնեա զխորհուրդ քո բարեկամին քում . եւ յետ քանի մի աւուրց փորձեա զնա, եւ սակաւիկ մի գժտես ջիր ընդ նմա . եթէ պահէ զբան քո 'ի սրտիւրում, եւ ոչ յայտնէ, նա սիրելի բարեկամ քո է, զնա սիրեա յոյժ . եւ եթէ 'ի գժտելն յայտնէ զբան քո՝ այնպիսին չէ սիրելի եւ բարեկամ, փախիր 'ի նմանէ :

Ո՛րդեակ ազահութիւնն մայր է ամենայն չարեաց եւ ծնուցիչ ամենայն մեղաց . բայց ողորմութիւն ձեռնառ է ամենայն բարեաց :

Ո՛րդեակ՝ որ սիրես զխաղաղութիւն, 'ի դատաստանէ 'ի բաց կաց . զի որ հանապաղ յօժարի 'ի դատաստան՝ նա մայր է ամենայն մեղաց եւ չարեաց . յիմարեալ է

եւ ոչ գիտէ զինչ առնէ :

Որդեակ՝ Հարախօսութիւնս զուսեքէ մի ասեր եւ մի լսեր . զի կարի խոցէ զսիրա մարդոյ, եւ ապականէ զփառս մարդոյն, զի մեծ նախատինք են :

Որդեակ՝ Թէ կամիս մարդոյ զինչս տայ՝ յառաջ մի պարծենար եւ մի խոտանար . եւ Թէ պարծենաս եւ Հտաս՝ ընդ բարեկամին Թշնամի լինիս :

Որդեակ՝ այր ամբարտաւան հեռի է եւ օտար յընտանեաց եւ ՚ի բարեկամաց իւրոց . եւ Թէ բազում անգամ ջանայ սիրով՝ նա առնու անարգանս անձին իւրում . եւ հեռանայ յընկերացն :

Որդեակ՝ լաւ է ստանալ ձի զգօն եւ էջ հլու, քան ծառայ փախչող եւ ստասաց :

Որդեակ՝ մի երաշխաւոր լինիր բարեկամին քում . զի բազում վիշտս կրես մինչեւ վճարիցես զպարտս նորա :

Որդեակ՝ մարդ Հարախօրհուրդ եւ նախանձոտ, ոչ Թէ միայն ատելեաց իւրոց առնէ Հարութիւն . այլ բնութեամբ ամենեցուն հակառակ կայ :

Որդեակ՝ լերինք Հտեմարանք են սառնամանեաց, եւ նենգաւորք՝ բնակարան Հարեաց են :

Որդեակ՝ մի այլոց կանանց կատարէր զցանկութիւն քո . զի օտար կին նման է աղի ջրոյ զոր որքան ըմպես՝ այնքան ծա-

րաւիս . եւ զանունս վատ ժառանգես :

Ո՛րդեակ՝ որ իմաստունն է՝ նման է հըրոյ որ տայ լոյս եւ ջերմութիւն . եւ որպէս զարեգակն է որ 'ի ճառագայթից երեւի եւ լուսաւորէ զարարածս . եւ կամ որպէս զառիւծ որ առ ուժգնութեան գովի . եւ որպէս բազէ սրբնթաց առ 'ի շահելոյ թեւոցն գովի . նա՛ եւս առաւել մեծարի յաչս թագաւորաց եւ մեծամեծաց :

Ո՛րդեակ՝ առն խոզամտի ոչ գոյ սիրելի երբէք . զի ասէ 'ի սրտի իւրում թէ՛ կեանք իմ ոչ անցանեն , եւ ինչք իմ ոչ պակասին , եւ ոչ գիտէ թէ Աստուած տայ այնպիսեաց մահ . եւ զինչս նոցա այլոց տայ . եւ ոչ ունի անուն բարի 'ի մէջ մարդկան զի յիշեսցեն զնա :

Ո՛րդեակ՝ այր անմիտ յորժամ արբենայ , յօժարի 'ի կռիւ . եւ կարծէ 'ի միտս իւր թէ , Չկայ մեծ քան զիս . եւ ոչ գիտէ , թէ յորժամ հանդիպի քաջի ումեք՝ սպանանէ զնա :

Ո՛րդեակ՝ որպէս հող մայր է ամենայն տնկոց , նոյնպէս եւ արբեցութիւն մայր է ամենայն չարեաց :

Ո՛րդեակ՝ եթէ իշխան ես աշխարհի եւ մարդկան՝ պահեա զանձն քո 'ի զեղխութենէ . զի 'ի քեզ են հողք երկրաւորաց ամենայն :

Ո՛րդեակ՝ տեսի զգազան կատաղեալ՝ որ

արձակեցաւ 'ի վերայ իմ՝ եւ ոչ երկեաց
'ի նմանէ. հանդիպեցայ թշնամուոյ իմոււմ՝
եւ ոչ յաղթեաց ինձ . հանդիպեցայ կնոջ
լեզուանուոյ՝ եւ յաղթեցայ 'ի նմանէ :

Որդեակ՝ մի լինիր փոյթ իբրեւ ըզ
նչենի՝ որ նախ ծաղկի եւ ապա ուտի, այլ
լեր հնազանդ՝ եւ պողաբերեա զհեզութիւն :

Որդեակ՝ անկանի անօրէնն վասն չար
գործոց իւրոց, եւ կանգնի արդարն վասն
բարի գործոց իւրոց :

Որդեակ իմ Նաթան՝ զայս ամենայն
զոր ուսուցի քեզ՝ 'ի միտ առ եւ կատարեա
կա զամենայն, եւ լինիցիս իմաստուն 'ի մէջ
ընկերաց քոց եւ յաչս թագաւորաց երե-
ւելի վիցիս :

Այս է խրատն զոր ուսուցի որդւոյ ի-
մոււմ Նաթանայ. եւ ես Խիկարս գիտէի
թէ՛ զամենայն խրատս իմ պահէր 'ի սրտի
իւրում . այլ նա որպէս զփոշի զոր ընուս
'ի վերայ գետոյ եւ կորնչի՝ այնպէս արար
զխրատս իմ : Յտու նմա գտունս իմ, եւ
զծառայս իմ . զինչս եւ զապարանս եւ զիշ-
խանութիւն իմ . եւ արարի ատենադպիր
Սենեքերիմ արքային իմոյ : Եւ նա մոռա-
ցաւ վաղվաղակի զխրատս իմ . եւ սկսաւ
չարիս գործել եւ առնել անիրաւութիւն .
ծառայից իմոց ոչ խնայէր, եւ զինչս իմ
վատնէր . եւ զբազում խրատս իմ անտես
արար :

Եւ ես խիկարս յորժամ տեսի զչարու-
թիւն Նաթանայ՝ գնացի առ թագաւորն
իմ Սենեքերիմ, եւ պատմեցի նմա մի ըստ
միտջէ զչարութիւն Նաթանայ. եւ խընդ-
րեցի թուղթ 'ի թագաւորէն, զի մի իշ-
խեսցէ Նաթան մերձենալ ընչից իմոց : Եւ
հրամայեաց թագաւորն՝ եւ բերին զՆա-
թան. եւ ետ պատուէր նմա ոչ մեր-
ձենալ ընչից իմոց : Եւ ես խիկարս ելեալ
գնացի 'ի տունս իմ :

Եւ Նաթան սկսաւ մտօք չարիս գոր-
ծել վասն իմ 'ի դրան թագաւորին. եւ
խորհեալ շինեաց կնիք մի՝ ըստ նմանու-
թեան իմոց կնքոյ. քանզի յառաջագոյն
գիտէր զկերպարանս կնքոյն. եւ փորեաց
զիմ անուն, եւ կնքեաց 'ի քարտէս. եւ
գրեալ յանուն իմ առ Փարաւոն արքայն
Եգիպտացոց, որ չարկամ էր ընդ թագա-
ւորին իմում Սենեքերիմայ :

Եւ եր գրեալ այսպէս :

« Ի խիկարայ իմաստնոյ ողջոյն քեզ՝
Փարաւոն արքայ. յորժամ գիրս առ քեզ
հասանէ՝ փութով ժողովեա զզօրս քո, եւ
եկ 'ի դաշտն Արծրունեաց, 'ի քսան եւ
եօթներորդումն ամսոյն հրօտից. եւ առ-
ցես զՍենեքերիմ թագաւորն առանց պա-
տերազմի » :

Եւ յորժամ գրեաց Նաթան այսպէս՝ խոր-

հեցաւ եւ գրեաց թուղթ մի այլ նման սը-
մին առ իս յանուն արքային իմոյ Սենե-
քերիմայ :

Եւ եր գրեալ այսպէս :

«Ի Սենեքերիմ արքայէ ողջոյն քեզ սի-
րելի եւ իմաստուն խիկար . յորժամ գիրս
առ քեզ հասանէ՝ փութով ժողովեա զօր
բազում, եւ եկ 'ի դաշան Արծրունեաց,
'ի քսան եւ եօթներորդում ամսոյն հրո-
տից . զի պատերազմեսցիս ընդ զօրսն Փա-
րաւոնի . քանզի դեսպանք Փարաւոնի եկ-
եալ են առիս : Եւ յորժամ գրեաց այսպէս՝
զաղտ տարեալ ետ հաւատարիմ մարդոյ,
զի բերեալ հասուցէ 'ի ձեռս իմ : Եւ ես
խիկարս յորժամ առի զթուղթն՝ բացի եւ
ընթերցայ՝ զոր գրեալն էր . եւ վազվազա-
կի ժողովեցի զօրս . եւ կատարեցի զհրա-
մայեալն 'ի թագաւորէն անմեղութեամբ
եւ ոչ գիտացի զչարութիւն Նաթանայ՝ որ
առ իս : Եւ զմիւս թուղթն՝ զոր գրեալ էր
յանուն իմ առ Փարաւոն արքայ, զայն
տարեալ ընկէց կնքեալ եւ գաղտ 'ի դու-
ռն դարպասի թագաւորին : Եւ գտեալ ըզ-
մի ոմն 'ի ծառայից զթուղթն տարեալ ետ
Սենեքերիմայ արքային իմում : Եւ իբրեւ
բացեալ ընթերցան զթուղթն առաջի թա-
գաւորին՝ զահի հարեալ լի եղեւ տրտմու-
թեամբ, եւ ոչ գիտէր զինչ առնիցէ խիկարիս :

Յայնժամ Նաթան՝ որ դպիր էր թագա-
 ւորին՝ եմուտ առ թագաւորն եւ երկիր
 եպագ նմա եւ ասէ . Ո՛ղջ լեր արքայ եւ
 տէր իմ . հայր իմ Խիկար ոչ գիտաց զե-
 րախտիա քո , եւ կամի խաւանել զթա-
 գաւորութիւն քո . եւ եթէ ոչ հաւատաս
 բանիս՝ կացցուք մինչեւ 'ի քսան եւ
 եօթներորդն հրոտից . եւ ելցուք եւ
 գնացուք 'ի դաշտն Արծրունեաց . եւ
 տեսցուք աչօք մերովք զերախտամոռա-
 ցութիւն Խիկարայ՝ որ առ քեզ :

Յայնժամ Սենեքերիմ թագաւորն երկ-
 մտեալ կայր տրտմութեամբ՝ մինչեւ եղև
 քսան եւ եօթներորդն ամսոյն հրոտից : Եւ ես
 Խիկարս առի զգօրս իմ . եւ եկեալ բանակեցայ
 'ի դաշտին Արծրունեաց : Եւ ելեալ թագա-
 ւորն Սենեքերիմ դայր 'ի դաշտն Արծրուն-
 եաց փորձել զիս : Եւ ես Խիկարս յորժամ
 տեսի զգօրսն Սենեքերիմայ՝ ռազմ արար-
 եալ խաղացի 'ի մէջ դաշտին , դէմ յան-
 դիման պատերազմել ընդ զօրս նորա .
 քանզի կարծէի , թէ զօրք Փարաւոնի են :

Յայնժամ տեսեալ Սենեքերիմայ զգօրսն
 իմ , փախստական եղև . եւ ես մտի զօրօք
 փոքր ինչ զհետ նորա՝ եւ ոչ գտի . դար-
 ձայ եւ եկի յօթեւանս իմ . եւ ուրախ լինէի
 մտօք իմովք՝ թէ փախուցի զՓարաւոն զօ-
 րօք իւրովք : Եւ յորժամ գնաց Սենեքե-
 րիմ փախստական յապարանս իւր խելա-

գարեալ լի տրտմութեամբ, եւ ոչ գիտէր
թէ զինչ գործիցէ զի կայցէ զիս :

Յայնժամ եմուտ Նաթան առ թագա-
ւորն՝ ողջունեաց եւ ասէ . Ահա տեսեր
աչօք քովք զերախտամոռացութիւնս խի-
կարայ . այժմ մի տրտմիր, զի ես ածեմ ըզ
հայրն իմ խիկար առաջի քո : Եւ ասէ Սե-
նեքերիմ ցՆաթան, եթէ դու բերես ըզ
խիկար, եւ տաս 'ի ձեռս իմ, զոր ինչ
խնդրեցես՝ տաց քեզ : Եւ երկրպագեալ
Նաթան՝ ել արտաքս եւ գնաց : Եւ գըր-
եաց թուղթ մի յանուն թագաւորին . եւ
ետ ցհաւատարիմ ոք ասելով թէ՝ Տարեալ
տացես զայս խիկարայ, եւ էր գրեալ այսպէս .

«Ի Սենեքերիմ արքայէ ողջոյն քեզ
սիրելի եւ իմաստուն իմ խիկար . քանզի
յոյժ հաճոյ թուեցաւ թագաւորիս Սենե-
քերիմայ երախտիքն քո . եւ զի փախ-
եան զօրք Փարաւոնի յերեսաց քոց . այժմ
տուր հրաման զօրաց քոց գնալ խաղա-
ղութեամբ 'ի տունս իւրեանց . եւ դու ել
եւ եկ, զի ուրախ եղէց ընդ քեզ» :

Եւ ես խիկարս յորժամ ընթերցայ՝ ու-
րախ եղէ յոյժ . եւ ետու հրաման զօրաց ի-
մոց գնալ յօթեանս իւրեանց : Եւ ես
ելեալ գնացի տեսանել, եւ ուրախ լինել
ընդ թագաւորին իմում : Եւ յորժամ հասի
միամտութեամբ 'ի դունն թագաւորին,
տեսեալ զիս զինուորացն՝ կալեալ ածին

առաջի թագաւորին :

Եւ յորժամ ետես թագաւորն զիս՝ լի եղեւ սրամտութեամբ . եւ հրամայեաց զի տացեն զայն թուղթ 'ի ձեռս իմ : Եւ ես իբրև բացեալ ընթերցայ , կապեցաւ լեզու իմ եւ գնաց իմաստութիւնս իմ , եւ ոչ գիտէի թէ զինչ պատասխանի տաց Սենեքերիմայ : Այլ ողորջանօք ասացի . Արքայ եւ տէր իմ , մի՛ 'ի զուր դատիր զիս , զի ես ինչ ոչ գիտեմ 'ի բանէդ յայդմանէ , այլ անպարտ եմ : Եւ ոչ եդ ունկն աղաչանաց իմոց . այլ հրամայեաց սպանանել զիս :

Յայնժամ Նաթան քեռորդին իմ կապեաց զիս ձեռս յետս փոխանակ բարի խորատոյն իմոյ՝ զոր կանխաւ ետու նմա թէ Որդեակ՝ զարձակեալն մի՛ կապեացես . նա նախ զիս կապեաց : Եւ ես դարձեալ աղաչեցի զթագաւորն թէ՛ Տուր զիս 'ի ձեռս Աբուամաքայ զօրապետին . եւ նա տարեալ զիս 'ի տունս իմ՝ եւ 'ի վերայ սեմոց իմոց կատարեսցէ զհրամանս քո , եւ զիս գլխատեսցէ . եւ զգլուխնս իմ հարիւր կանգուն հեռի թաղեսցէ 'ի մարմնոյս : Եւ հրամայեաց թագաւորն Աբուամաքայ կատարել այնպէս՝ որպէս ինդրեցի : Եւ կալեալ զիս Աբուամաքայ տանել 'ի սպանումնս . եւ ես խիկարս յղեցի դադտ լուր առ Աբեստան կինս իմ , թէ Պատրաստեա աղջկունքս հազար , եւ արա կերակուրս ազգի ազ-

զի. եւ յորժամ եկեացեն 'ի սպանումն իմ,
 արա ընթրիս, եւ բեր զայն հազար կոյս աղջ-
 կունս, զի լայցեն զմահ իմ. եւ կինն իմ
 վաղվազակի կատարեաց զհրամանս իմ: Եւ
 յորժամ գնացաք հասաք 'ի տուն իմ,
 խնդրեցի աղաչանօք յԱբուտմաքայ զօրա-
 պետէն եւ ասացի. Տուր ինձ հրաման,
 առնել ընթրիս սիրեաց իմոց եւ բարեկա-
 մաց. քանզի այլ ոչ մնամ կենդանի: Եւ
 ասաց Աբուտմաք. Արա որպէս եւ կամիս.
 եւ արարի ընթրիս մեծ սիրելեաց իմոց,
 որք եկեալ էին 'ի սպանումն իմ. եւ բե-
 թի կերակուրս ազգի ազգի, եւ գինիս ա-
 նապակա, նաեւ զհազար աղջկունսն՝ որք
 լայցեն առաջի նոցա զմահ իմ:

Եւ հոքա 'ի սաստիկ տրտմութենէ եւ
 արբեալ 'ի դիմւոյն՝ արբեցան ամենեք-
 եան, եւ անկեալ ննջեցին: Եւ ես թիկա-
 րքս կայի կապեալ երկաթեօք. եւ գը-
 նացեալ զարթուցի զԱբուտմաք զօրապե-
 տրն, եւ ողորանօք ասացի նմա. Քիտնս
 եզբայր՝ զի 'ի ժամանակին յորում բար-
 կացաւ թագաւորն 'ի վերայ քո, եւ ես
 'ի ձեռս իմ, թէ տար սպան զԱբուտմաք,
 եւ ես առեալ տարայ զքեզ, եւ ոչ սպանի,
 այլ պահեցի գաղտ. եւ եկեալ ասացի թա-
 գաւորին թէ սպանի զԱբուտմաք: Եւ յոր-
 ժամ անց փոքր մի ժամանակ 'ի վերայ, գը-
 նաց բարկութիւն թագաւորին, եւ սոր-

Չացաւ զի ետ հրաման սպանանել զքեզ ,
 Եւ ասաց՝ Եղուկ քեզ Աբուամաք , զի դու
 կենդանի պարտ էիր լինել : Եւ ես իբրեւ
 լուայ զայս 'ի թագաւորէն՝ եկեալ հանի ըզ
 քեզ , եւ տարայ առաջի թագաւորին , եւ
 բազում պարգեւս ընկալայ : Այժմ աղա
 շեմ զքեզ , արասցես զփոխարէնն առ իս .
 եւ կայ 'ի ներքոյ սեմոց իմոց հոր մի
 մեծ . արկ զիս 'ի հորն գաղտ , եւ ես ու
 նիմ ծառայ մի մահապարտ , քանզի է
 մարդասպան . եւ ահա կապեալ կայ 'ի բան
 տի , եւ ունի զնմանութիւն իմ՝ զգեցո նը
 մա զհանդերձս իմ , եւ զարթո զժողովուրդ
 իմ : Եւ վաղվաղակի հատ զգլուխնորա , եւ
 տար թաղեա զգլուխն հարիւր կանգուն
 հեռի 'ի մարմնոյն : Եւ եղեւ ունկնդիր Ա
 բուամաք խնդրուածոց Խիկարիս , եւ ա
 ըրար այնպէս . եւ գնաց առ թագաւորն թէ՛
 սպանի զԽիկար . եւ յոյժ ուրախ եղեւ թա
 գաւորն ընդ սպանումն իմ :

Եւ ապա գնաց Նաթան խնդրել 'ի
 թագաւորէն զստացուածս իմ . եւ թագա
 ւորն հրամայեաց տալ Նաթանայ զամենայն
 ինչս իմ : Եւ գայր Նաթան 'ի տուն իմ
 հանապազ , ուտէր եւ ըմպէր եւ անկա
 նէր ընդ ծառայս եւ ընդ աղախնեայս իմ .
 եւ կամէր չարիս գործել ընդ կնոջ ի
 մում , եւ կինն իմ ոչ հնազանդ էր կամաց
 նորա : Եւ ես զամենայն լսէի ականջօք ի

մովք . զձայն գուսանացն . եւ զպագշտօրին
 ընդ կնոջ իմոյ . եւ սպասէի զիպող ժա-
 մանակի : Եւ յորժամ անց ժամանակ մի՝
 լուաւ Փարաւոն արքայ Եգիպտացոց, ե-
 թէ Սենեքերիմ արքայ ետ սպանանել ըզ
 Խիկար, յոյժ ուրախ եղեւ : Եւ առաքեաց
 Փարաւոն զիր առ Սենեքերիմ :

Եւ եր գրեալ այսպես :

« Ի Փարաւոն արքայէ ողջոյն առ Սե-
 նեքերիմ թագաւոր . քանզի կամիմ շինել
 դարպաս մի յօդս անսիւն եւ անգերան .
 առաքեա ինձ շինող մի ճարտար, որ եկ-
 եալ վազվազակի կատարեսցէ զհրամանս իմ .
 եւ եթէ ոչ առաքես զամբազում հեծելովք,
 եւ աւերեմ զերկիրդ . եւ առնում'ի քէն հար-
 կըս : Եւ յորժամ բերեալ ետուն զթուղթն
 'ի ձեռս Սենեքերիմայ՝ բացեալ ընթերցաւ
 զնա . եւ իսկոյն զարհուրեցաւ բոլոր ան-
 ձրն նորա 'ի բանիցն Փարաւոնի :

Եւ կոչեալ զմեծամեծս եւ զիմաստու-
 նըս եւ զդպիրս ասէ՝ Քանզի սպանաք ըզ
 Խիկար, այլ ո՞վ կարէ տալ պատասխանի
 Փարաւոնի : Եւ ասացին մեծամեծ քն՝ Ար-
 քայ յաւիտեան կաց . ահա կայ որդեգիր
 Խիկարայ Նաթան՝ որ առաւել հանձարեղ
 եւ իմաստուն է քան զԽիկար, եւնա կա-
 րէ տալ պատասխանի զրոյս :

Եւ հրամայեաց թագաւորն կոչել ըզ

Նախնիքն. եւ իբրեւ եկն՝ ետուն նմա զթաղ-
 թրն եւ ընթերցաւ : Ասէ թագաւորն՝ Կա-
 րոզ ես տալ պատասխանի Փարաւոնի . եւ
 ասէ Նախնիքն՝ Այս անհարին է 'ի մարդ-
 կանէ : Յայնժամ տարակուսեալ Սենեքերի-
 մայ կոծէր զանձն իւր ասելով՝ Եղուկ քեզ
 Խիկար իմաստուն իմ, զի սպանաք զքեզ :
 այժմ ոչ կարեմք տալ պատասխանի, եւ
 կրեմք վիշտ բազում 'ի նմանէ : Եւ եթէ
 ոք բերէ զքեզ կենդանի առաջի իմ,
 Խիկար՝ տաց նմա ըստ կշռոյ քո ոսկի :

Եւ լուեալ Աբուամաք՝ երկիր եպագ
 թագաւորին եւ ասէ՝ Ողջ լեր Արքայ . զի
 թէպէտ կոծիս 'ի վերայ սպանմանն Խի-
 կարայ, այլ եթէ ոք բերէ զԽիկար կենդա-
 նի առաջի քո՝ միթէ փոխանակ նորա սպա-
 նանես զնա : Եւ ասէ թագաւորն՝ Ոչ սպա-
 նանեմ զնա, այլ՝ տաս պարզեւս ազինս
 նմա : Եւ երկրպագեալ Աբուամաք թա-
 գաւորին՝ եկեալ վաղվադակի եհան զիս
 'ի հորէն . եւ տարեալ կացոյց առաջի Սե-
 նեքերիմայ : Եւ յորժամ ետես թագաւորն
 զիս կենդանի՝ յարեաւ յաթոռոյն, եւ ան-
 կաւ զպարանոցաւ իմով, եւ համբուր-
 եաց զիս եւ ասաց . Ով Խիկար՝ մեռեալ
 էիր եւ կենդանացար : Եւ յոյժ ուրախ ե-
 ղեւ թագաւորն . եւ ետ պարզեւս մեծա-
 մեծս Աբուամաքայ զօրապետին . եւ հրա-
 մայեաց պատուել զիս աւուրս քառասուն :

եւ հետ լրման քառասուն աւուրց՝ հրամայեաց թագաւորն բերել զիս առաջի իւր. եւ ետ ընթեռնուլ ինձ զթուղթն Փարաւոնի: Եւ յորժամ ընթերցայ ես խիկարս՝ ասացի ցթագաւորն՝ Մի տրտմիր եւ մի կոծիր, զի ես երթամ եւ տամ պատասխանի Փարաւոնի, եւ առնում հարկս ՚ի նմանէ եւ գամ: Եւ իբրեւ լուաւ թագաւորն իմ, յոյժ ուրախ եղեւ ՚ի բանից իմոց:

Եւ ապա ես խիկարս՝ առաքեցի պատուէր առ Աբեստան կին իմ, թէ կալ եւ մուս ձագս արծուոյ. եւ տուրմանել պարան մի երկայն. եւ տուր բերել երկուս կաթընկեր տղայ. եւ կանայս երկու որ մնուցանիցեն զմանկունան: Եւ ուստ տղայոցն գոչել՝ կաւ, ծեփ, աղիւս բերէք. եւ զամենայն օր կապեա զերկոսին մանկունան ՚ի վերայ ձագուցն արծուոյ, եւ թո՛՛ն յօդս պարանաւն, եւ իջո՛ ՚ի վայր, մինչեւ կատարեալ ուսցին ելանել եւ իջանել եւ համբանալ: Եւ կինս իմ իմաստուն էր, եւ փութով կատարեաց զհրամայեալն իմ: Եւ ես առի հրաման ՚ի թագաւորէն իմմէ եւ ելեալ գնացի ՚ի տուն իմ: Եւ առի զերկոսին տղայն եւ զձագս արծուոյն՝ եւ եղի յարկզ մի, եւ ելեալ գնացի առ Փարաւոն արքայն, Եւ յորժամ հաս յեզիպտոս՝ իջեւանս արարի ՚ի տան միում, եւ թողի զարկղն ՚ի տանն, յոր իջեւանեալ

էի. եւ ես գնացի առաջի Փարաւոնի եւ
 երկրպագի նմա : Եւ ասէ զիս Փարաւոն .
 Ո՞վ ես դու . կամ ուստի գաս : Եւ ես ասա-
 ցի . Արքայ յաւիտեան կաց . ահա ծա-
 ոայ քոյ է , զոր առաքեաց Սենեքերիմ
 արքայ կատարել զհրամանս քո . եւ բեր-
 եալ եմ ընդ իս ճարտար շինող, որ շինէ
 դարպաս յօդս : Եւ ասաց Փարաւոն . Ձինչ
 է անուն քո : Եւ ես ասեմ , Ապակայ է իմ
 անունն : Եհարց ցիս Փարաւոն թէ՛ Ձինչ
 պիտոյ է շինողացն 'ի սէտս դարպասին :
 Եւ ես ասացի ցնա՝ Տուր բերել կաւ, ծեփ,
 աղիւս : Եւ հրամայեաց թագաւորն՝ եւ
 բերին վաղվաղակի : Եւ ես խիկարս գնա-
 ցի կապեցի զերկոսին՝ տղայսն յերկուս ձա-
 գըս արծուոյ . եւ թռուցի յօդս , Եւ տը-
 դայքն աղաղակէին , Աւա , ծեփ , աղիւս
 բերէք , զի շինեսցուք զդարպասն : Եւ ոչ
 ոք կարէր հանել ինչ 'ի վեր : Եւ ես ասեմ .
 Հանեցէք , զի մի գատարկ մնացեն : Եւ
 տեսեալ գայս զօրացն Փարաւոնի՝ փախ-
 եան եւ անկան 'ի դարպասն . եւ պատմե-
 ցին Փարաւոնի զսքանչելիսն ամենայն :
 Եւ ելեալ Փարաւոն 'ի տես եւ աղաղակ
 տղայոցն հնչէր յօդս . եւ զարմացաւ յոյժ ,
 եւ ասաց 'ի սրտի իւրում թէ՛ Սա իմաստու-
 թեամբ լաւ է քան զխիկար . եւ ոչ վի-
 տէր թէ՛ ես եմ խիկարն : Եւ մտի առ
 թագաւորն , եւ երկիրպագի նմա : Եւ ասէ

ցիս՝ Փարաւոն . Երդմնեցուցանեմ զքեզ,
ասա ինձ զստոյզն . ով ես դու : Եւ ասա-
ցի ցնա, Ես եմ Խիկարն : Եւ ասէ Փա-
րաւոն՝ Ով թշուառական, կենդանացմբ :

Եւ դարձեալ ասէ . Ով իմաստուն Խիկար .
մեկնեա ինձ զայս թէ՛ զինչ է սիւնն այն
'ի վերայ սեան . մայրք երկոտասան 'ի
վերայ մայրեաց . անուանք երեսուն 'ի վե-
րայ անուանց . սուրհանդակք երկու մինն
սեաւ եւ միւսն սպիտակ :

Պատասխանի ետու եւ ասացի . Սիւնն՝
տարին է . մայրք երկոտասան՝ ամիսք
տարւոյն են . անուանք երեսուն՝ աւուրք
ամսոյն են . սուհանդակք երկուս՝ տիւն եւ
զիշերն է : Եւ դարձեալ ասէ Փարաւոն .
Ով Խիկար մանէ ինձ պարան յաւազոյ : Եւ
ես գնացի ծակեցի յորմն մի դէպ յարեւե-
լքս . եւ 'ի ծագել արեւուն , անկաւ շողն
'ի ներքս եւ ես առի աւազ եւ փոշի եր-
կուս ափս , եւ տայի ընդդէմ արեգական ,
որ տանէր ոլոր ոլոր ընդ ծակն 'ի ներքս .
եւ ես գոչէի՝ Ազեցէք զպարան փութով :
Եւ զահի հարեալ Փարաւոն ապուշ մնայր .
եւ կոչեալ զիս առ ինքն՝ ետ ինձ պար-
գեւս աղինս եւ հարկս թագաւորին իմոյ,
եւ շնորհակալ եղեւ 'ի նմանէ : Եւ ես
Խիկարս ելեալ եկի առ Սենեքերիմ թա-
գաւորն իմ , եւ անկեալ համբուրեցի զու-
տըս նորա , եւ պատմեցի մի ըստ միջէ

զպատասխանիսն Փարառնի . այլ եւ դա-
ռաջին գրոյն զանմեղութիւնն իմ : Եւ յոր-
ժամ լուաւ զայս ամենայն , յայնժամ յոյժ
ուրախ եղեւ Սենեքերիմ ասելով . Խիկար
իմաստուն իմ , այժմ ցնծութեամբ ուրախ
եմ ընդ կենդանութիւն քո . եւ զոր ինչ
ինդրես յինէն՝ տաց քեզ :

Եւ ես Խիկարս շնորհակալ եղէ յար-
քայէն իմմէ եւ ասացի . ոչ է պիտոյ ինձ գանձ
կամ պատիւ , բայց միայն զայս ինչ խընդ-
րեմ 'ի քէն . զի զՆաթան քեռորդին իմ՝
որ է որդեգիր ինձ եւ աշակերտ՝ հրամա-
նաւ քո տացես ինձ . զի ուսումն այլ կայ
պակաս , զայն եւս ուսուցից զի լիցի կա-
տարեալ : Եւ հրամայեաց թագաւորն տալ
զՆաթան 'ի ձեռս իմ . եւ ասէ , Չոր ինչ
կամիս՝ արա դմա : Եւ ես կալայ ըզ
Նաթան եւ տարայ 'ի տուն իմ , եւ սկը-
սայ ասել ցնա այսպէս : Ո՛րդեակ իմ Նա-
թան՝ զառաջին խրատն՝ զոր ետու քաղց-
րութեամբ՝ ոչ պահեցեր 'ի սրտի քում եւ
կորուսեր , արդ այժմ ուսուցանեմ զառ-
նութեամբ : Եւ կապեցի զնա երկաթի կա-
պանօք , եւ եդի 'ի պարանոց նորա հինգ
հազար լիտր երկաթ , եւ յանձնեցի զնա
Բելիար ծառային իմոյ , եւ հրամայեցի
առնուլ թուղթ եւ թանաք 'ի ձեռին իւ-
րում , զի 'ի մտանել եւ յեւանել իմ՝ զոր
ինչ առնիցեմ Նաթանայ՝ զրեսցէ : Եւ ե-

տու պատուէր նմա , զի զհաց եւ զջուր
չափով տացէ . այնչափ զի մի մեռանիցի :
Եւ նախ եւ յառաջ հարի բրով 'ի թի-
կունս նորա եւ ասացի :

Ո՛րդեակ իմ Նաթան՝ մարդոյ ականջք
եթէ ոչ լսեն . զթիկունսն ծեծելով լսե-
ցուցանեն :

Ո՛րդեակ իմ Նաթան՝ յաթոռ փառաց
նստուցի զքեզ . այլ դու յաթոռոյ իմմէ ըն-
կեցեր զիա եւ կործանեցեր :

Խօսեցաւ ընդիս Նաթան եւ ասէ . Զի
անդ ուրացար զքեռորդին քոյ :

Եւ ես ասացի . Ո՞րպէս ոչ ուրացայց :

Ո՛րդեակ՝ զի եղեր ինձ որպէս կարիճն
այն՝ որ եհար զասեղն , եւ ասեղին ծայրն չար
էր քան զիւրն . եւ զարձեալ՝ իբրեւ զայն՝
որ եհար զոտս ուղտոյ . եւ նա հարեալ ըզ
թաթն 'ի վերայ կարճին՝ սատակեաց զնա :

Ո՛րդեակ՝ զի եղեր ինձ որպէս վայրե-
նացեալ եզն . որ էարկ զտոճն , եւ անկաւ
վարոցն , եւ վիրաւորեցան ոտք իւր :

Ո՛րդեակ՝ զի եղեր ինձ որպէս այժն
այն որ ուտէր զտորոնն . եւ ասէր՝ Նս 'ի կեն-
դանութեան իմում ուտեմ զքեզ . թող յետոյ
հանեն զքո արմատս , եւ ներկեն զմորթ իմ :

Ո՛րդեակ՝ զի եղեր ինձ որպէս այրն այն՝
որ ձգեաց նետ ընդ երկինս . թէպէտ ոչ
կարաց հասուցանել , այլ՝ զանօրէնութիւ-
նըն շահեցաւ , եւ զարձաւ նեան 'ի գլուխ

իւր. նոյնպէս եւ դու կամեցար սպանանել զիս, այլ անմեղութիւնս իմապրեցոյց զիս

Ո՛րդեակ՝ զի եթէ ազի խողին ութ կանգուն երկայն լինի՝ փոխանակ ձիոյ ոչ կարէ լինիլ :

Ո՛րդեակ՝ զի եղեր ինձ որպէս արջն այն՝ որ հանդիպեցաւ իշոյ, եւ ասաց՝ Ողջոյն ընդ քեզ. եւ ասէ էջն՝ Այդ ողջոյնդ՝ ՚ի գլուխ Տեառն իմոյ լիցի՝ որ արձակեաց զիս ՚ի մարոյ, որ եկի եւ հանդիպեցայ քեզ, եւ տեսի զերեսս քո զժամս :

Ո՛րդեակ՝ զի եղեր ինձ որպէս որոգայթն այն՝ որ թաղեալ կայր յաղբն. եւ եկեալ ճնձղուկ մի ասէ, Ձի՛ կայցես աստ. ասէ որոգայթն՝ Աղօթս առնեմ առ Աստուած. ասէ ճնձղուկն՝ Ձինչէ այդ ՚ի բերան քում. ասէ որոգայթն՝ Քաղցելոց հաց. եւ վաղեաց ճնձղուկն առնուլ զհացն յորոգայթէն. եւ որոգայթն անկաւ ՚ի վերայ պարանոցի ճնձղկին. եւ ասէ ճնձղուկն, Թէ մյգ է քաղցելոց հացն. ապա եւ Աստուած այսպէս լսէ աղօթից քոց :

Ո՛րդեակ՝ զի եղեր ինձ որպէս շունն այն՝ որ դողայր ՚ի ցրտոյ, եւ եմուտ ՚ի հնոց բրտին. եւ յորժամ Չեռա՛ սկսաւ հաջել յերեսս բրտին :

Ո՛րդեակ՝ զի եղեր ինձ որպէս շունն այն ազահ, որ ունէր հաց մի ՚ի բերան, եւ երթայր յեզր զետոյն. եւ տեսեալ շուն մի

այլ 'ի մէջ ջրոյն՝ եւ հաց մի 'ի բերաննորա՝ ընկեցեալ զիւր հացն 'ի բերանոյ իւրմէ անկաւ 'ի ջուրն, զի առցէ զնորա հացն. եւ իբրեւ եհաս 'ի մէջ գետոյն, ոչ զշունն եւ զիտ եւ ոչ զհացն. այլ խեղդեցաւ շունն՝ եւ զրկեցաւ յիւրմէ հացէն. նոյնպէս եւ դու զհացն իմ խլել կամեցար՝ եւ զրկեցար 'ի հացէն քուամէ :

Եւ դարձեալ Նաթան ազաչանօք ասէ առ իս՝ Մեղայ քեզ հայր՝ այլ չգործեմ, զոր ինչ գործեցի. մի չարաչար տանջեր զիս : Եւ ես ասացի՝ Ահա տամ քեզ օրինակ մի. զի որպէս ծառն այն՝ որ բուսեալ էր յեզր գետոյ միոյ. եւ մարդ մի ծառայէր նմա. եւ յորժամ հասանէր պտուղն՝ թափէր 'ի գետնն եւ կորնչէր. եւ երբ գայր տէրն՝ ոչ գտանէր զպտուղն. եւ աշխատեցաւ այրն այն ամա երկուս եւ երիս. այլ 'ի հասանիլ պտղոյն թափէր 'ի ջուրն, եւ ոչ շահէր 'ի նմանէ. եւ ապա եհատ զծառն, եւ ընկէց 'ի ջուրն ասելով. Այսքան աշխատեցայ, զինչ շահեցայ, զի այսուհետեւ զըտից : Նոյնպէս եւ դու եղեր ինձ. զի յառաջագոյն այսչափ խրատս ետու քեզ՝ եւ ոչ լուար. այժմ զինչ լինիցիս. արժանի ես չարչարանացդ՝ մինչեւ մեռանիցիս : Եւ սպանի զնա, բարձաւ չարն 'ի միջոյ, եւ եղեւ խաղաղութիւն : Արդ՝ մարդ՝ որ փոխանակ բարւոյ չար հատուցանէ, իբրեւ զՆաթան կորնչելոց է :




ՊԵՏՄՈՒՆԻՔ

ԱՂԶԿԱՆ ԵՒ ՄԱՆԿԱՆ

ԵՒ ՀԱՐՅՄՈՒՆԻՔ ԿՈՑԱ

ԸՆԴ ՄԻՄԵԱՆՍ



Այր մի էր մեծատուն եւ իշխան 'ի քաղաքի միում եւ ունէր ամբառանձա : Ոսկի եւ մարգարիտս անդինս , եւ պատուական ակունս , եւ ոչ ոք էր յաշխարհին յայնմիկ քան զնամեծատուն : Եւ ինքն ծերացեալ էր՝ եւ ոչ ունէր զաւակ՝ եւ հանապաղ աղաչէր զԱստուած վասն զաւակի : Եւ Աստուած ետ նմա որդի աննըման եւ գեղեցիկ : Իբրեւ աճեաց մանուկըն՝ ետ զնա հայրն յուսումն իմաստասիրութեան : Եւ նա ուսաւ զամենայն իմաստասիրական բանս՝ եւ էր պատերազմող անյաղթ : Բայց յետոյ ետ զանձն յուսել եւ յրմակել , եւ հատոյց՝ զգանձս հօր եւ մօր իւրոյ . եւ հայր եւ մայր նորա մնացին դատարկ , մինչեւ չմնալոյ նոցա ինչ մի : Ասաց որդին ցհայր եւ ցմայր իւր՝ Կամիք , զի

մեկնեսցուք յերկրէ աստի, եւ երթիցուք
 յերկիր՝ ուր ոչ ոք ճանաչէ զմեզ, եւ զհպար-
 տութիւն ընկեսցուք, եւ մուրանայցեմք զի-
 կեցցուք, եւ մի վնասեսցուք, եւ մի այր
 թշնամի ծիծաղեսցի զմեօք: Ասացին ծնող-
 քն, Դու գիտես որդեակ: Էստ մանու-
 կն զհայր եւ զմայր իւր, եւ գնաց 'ի
 Հոով քաղաք: Եւ 'ի քաղաքին յայնմիկ
 թագաւոր մի բարի եւ իմաստուն. մտին
 'ի քաղաքն՝ եւ իջին 'իտուն մի: Եւ թա-
 գաւորն ելեալ էր յորս. եւ իբրեւ եկն
 թագաւորն յորսոյ. եմուտ մանուկն առ թա-
 գաւորն, ետ ծունր եւ կանգնեցաւ: Եւ
 սկսաւ թագաւորն խօսիլ ընդ մանկանն եւ
 ասաց. Չինչ խնդրես յինէն, զի արարից
 քեզ: Ասէ մանուկն. Թագաւոր՝ յաւիտեան
 կաց. են իմ երկու ծառայք 'ի վաճառել,
 մին այր եւ միւսն կին. խնդրեմ, զի գը-
 նեսցես զնոսա: Ասէ թագաւորն. բեր, եւ
 ես առից զնոսա զնոց: Գնաց մանուկն առ
 հայրն եւ առ մայրն, եւ ասաց նոցա. Ես
 արարից զոր ինչ արժան է, զի կեցցուք ես
 եւ դուք միմանգամայն: Ասացին ծնողքն, Դու
 գիտես որդեակ: Ասաց մանուկն. Կամիմ վա-
 առել զձեզ թագաւորին, դուք բարիս վա-
 յելէք եւ ձերով զնովն ինձ բարիլիցի սակայն:
 Հանացայց փութով ազատել զձեզ. դուք
 զինչ հրամայէք: Ասացին ծնողքն, Դու
 գիտես որդեակ: Եւ էստ մանուկն զհայր

եւ զմայր իւր, եւ զնաց առ թագաւորն: Ասէ
 թագաւորն ցմանուկն թէ՛ Քանիոյ վաճա-
 ռես: Ասէ մանուկն ցթագաւորն . Տուր ինձ
 փոխանակ ծառայ կնոջդ ձի ընտիր եւ զէնս
 իւր սարօքն: Եւ ծառայ առնդ տուր ինձ
 հանդերձ լաւ եւ պատուական: Հրամայեաց
 թագաւորն՝ եւ ետուն զամենայն ինչ զոր
 խնդրեաց մանուկն փոխանակ երկուց ծառա-
 յից. եւ սուսեր մի եւ ոսկի հանդերձ գօտւով:

Եւ էառ մանուկն զամենայն, զոր պար-
 զեւեաց նմա թագաւորն: Ապա ասէ թա-
 գաւորն ցմանուկն, Եւ զայլ ինչ զոր կամիս
 յինէն՝ խնդրեա, զի տաց քեզ: Ասէ մանու-
 կըն. Տացես ինձ հարիւր դահեկան վա-
 սըն այսց պիտոյից: Հրամայեաց թագա-
 ւորն եւ ետուն: Դարձեալ ասէ թագա-
 ւորն. Կամիս այլ եւս ինչ յինէն: Ասէ մա-
 նուկն . Հրաման տուր ինձ, զի խօսեցայց
 ընդ քո ծառայս՝ զորս յինէն գնեցեր, զի
 զիւրեանց օրհնութիւն տացեն ինձ:

Հրամայեաց թագաւորն . գնա եւ խօս-
 եաց: Եւ իմացաւ թագաւորն, եթէ ծնողք
 նորա էին: Գնաց մանուկն, եւ անկաւ յո-
 տրս ծնողացն եւ ասէ . Մի հոգայք, թէ
 Աստուած կամեսցի, զձեզ փութով ազա-
 տեմ: Եւ ծնողքն օրհնեցին զորդին իւր-
 եանց:

Եւ մանուկն յիշեաց զԱստուած, եւ
 մեկնեցաւ ՚ի ծնողացն լալով . եւ զնաց զե-

րիս աւուրս եւ զերիս գիշերս ընդ գաշտ
 մի մեծ: Եւ 'ի գնայն հանդիպեցաւ ընտիր
 մանուկ մի, ողջոյն ետուն միմեանց, եւ
 ընկերացան 'ի ճանապարհին: Եւ իբրեւ ըն-
 կերացան՝ միւս մանուկն իմացաւ զայսր
 մանկան գիրսն, զի վաճառեալ էր զհայր եւ
 զմայր իւր: Եւ ասաց նմա. գիտասջիր եղ-
 բայր՝ զի իմ թագաւորն զիս յոյժ սիրէ եւ
 թուղթս աւետեաց ետ, ինձ տանել առ կրղզ-
 եաց թագաւորն, եւ առից պարգեւս մեծա-
 մեծս. այլ տեսանեմ՝ զքեզ, զի դու խե-
 լօք մանուկ ես, եւ լաւ ձիաւոր քան զիս.
 առ զթուղթսդ, եւ դու տար զնոսա առ
 թագաւորն. զի քեզ բազում բարիս պար-
 գեւէ. զոր ինչ ինձ չնորհեալ է Աստուծոյ
 քեզ լիցի. եւ ես մնամ 'ի դաշտի աստ,
 մինչեւ դու գայցես առ իս: Էառ մանու-
 կըն զնամականին եւ եղ զնոսա 'ի քսակ
 մի մաշկեղէն, եւ գնաց 'ի ճանապարհ
 իւր 'ի մեծ դաշտ մի: Եւ յանկարծակի
 յիշեաց զհայր եւ զմայր իւր, եւ շատելաց.
 եւ 'ի շատ հողալոյն ննջեաց 'ի վերայ ձիոյն.
 եւ ել ձին 'ի ճանապարհէն, եւ կորոյս
 զճանապարհն: Եւ յանկարծակի զարթեաւ
 'ի քնոյն. եւ էր ծարաւեալ ինքն եւ ձին.
 եւ ջուր ոչ գոյր. այլ մոլորեալ շուրջ գայր:
 Եւ եգիտ ջրհոր մի 'ի վաղնջուց ժամա-
 նակաց. եւ 'ի ծարաւոյն կամէր 'ի ջրհորն
 անկանել. ապա եհան զքսակն մաշկեղէն՝

յորում նամականին էր, եւ կապեաց պա-
րան, եւ եհան ջուր. արբ ինքն, եւ արբոյց
ձիոյն, եւ պահ մի հանդեաւ: Եւ ապա
ասաց ՚ի միտս իւր թէ՛ ընթերցայց ըզ-
թուղթն, եւ սկսաւ ընթեռնուլ:

Եւ եր գրեալ այսպէս:

Այս անուն կղզեաց թագաւորի ողջոյն
րոյ. գիտացիր եղբայր, զի թղթարերդ
այդ անհաւատ մարդ է, եւ մեզ նենդաւոր.
դա մեծ էր առ մեզ. եւ սպառեաց դա-
մենայն գանձ մեր. դա ել առ դուստր իմ,
եւ վնաս գործեաց նմա. եւ ես կամեցայ
կորուսանել զնա, այլ առաքեցի առ քեզ
զի մի ոք իմացի զճանականս մեր. եւ
առաքեցի առ քեզ, զի կորուսցես զգա եթէ,
զմեր սէրն կամիս:

Ընթերցաւ եւ իմացաւ մանուկն, զի
՚ի վերայ իւր գալոց էր մահն. պատառ-
եաց զնամականին, եւ գոհացաւ զԱստու-
ծոյ. եւ օրհնեաց զիւր ծնողսն, զի ու-
սուցին նմա ուսումն եւ դպրութիւն, զի գի-
տութեամբն իւրով ապրեցաւ. եւ աղաչ-
եաց զԱստուած գտանել զճանապարհն:
Եւ մոլորեալ շուրջ գայր զտիւ եւ զգիշեր
եւ հարցանէր զանուն թագաւորին, եւ
զայն քաղաք ուր գնալոց էր. եւ գտեալ
եմուտ ՚ի քաղաքն: Եւ էր այնք քաղաքի
թագաւորն մեծ, եւ քաղաքն բարի: Եւ

էջ մանուկն 'ի ուուն պառաւոյ միտջ, հանգ-
եաւ սակաւիկ մի . եւ սկսաւ հարցանել եւ
քննել զքաղաքն, եւ զքաղաքին գնացս
եւ զթագաւորն :

Եւ պառաւն ասաց թէ՛ Այսք քաղա-
քի թագաւորն դուստր մի ունի յոյժ գե-
ղեցիկ եւ իմաստուն՝ եւ չիք նման նմա
մինչեւ յայս տիս հասակի իւրոյ . սպանեալ
է նորա զորդիս իննսուն եւ ինն թագաւորի՝
ԱՍԷ ՄԱՆՈՒԿՆ . վասն էր սպանանէ :

ԱՍԷ ՊԱՌԱՐԵՆ . Որդեակ ասէ թէ՛ Որ ոք
յաղթէ ինձ իմաստութեամբ՝ ես գնա առ-
նեմ ինձ այր . եթէ ես յաղթեմ նմա ըս-
պանանեմ գնա : Եւ արդ յաղթէ զորդիս
թագաւորաց եւ սպանանէ գնոսա . եւ ըզ-
գլուխս նոցա կանգնէ 'ի վերայ աշտարա-
կին իւրոյ : Աշտարակ նորա կայր 'ի վերայ
քաղաքին . եւ ունի նա անդ զահ ոսկի
յնուեալ ակամբք եւ մարգարտովք . անդ
նստի եւ ընդ վանդակապատ պատուհան-
սն գիտէ զմարդիկ , որպէս զի ոչ ոք կա-
րէ տեսանել գնա : Եւ ունի պառաւ մի
թարգման , որ խօսի ընդ այնոսիկ որ առ
նա մտանեն : Լուաւ մանուկն զբանս պա-
ռաւոյն եւ զգիշերն 'ի բուն ոչ եմուտ 'ի
քուն : Իբրեւ եղև այգ , գնաց 'ի քաղա-
նիս , զգեցաւ հանդերձ ոսկեթել , եւ օծաւ
իւզովք անուշիւք , եւ գնաց 'ի դուռն
դատեր թագաւորին . խնդրեաց հրաման

մտանել կալ առաջի դշխոյին : Իսկ մար-
դիկն որ առ դրանն կային , խրատ ետուն
մանկանն եւ ասէն թէ՝ Զգոյշ լեր անձին
քում, զի շատ թագաւորի որդւոց զգլուխ
է առեալ : Եւ իբրեւ եմուտ մանուկն 'ի
ներքս՝ ետ ողջոյն, եւ եղաւ ասթոռ ոսկի,
եւ նստաւ մանուկն : Եւ գիտաց աղջիկն՝
եթէ վասն այնր բանի եկեալ էր : Յղեաց
կոչել զհայր եւ զմայր իւր, զգուշական եւ
զիշխանս, եւ ժողովեցան ամենեքին :

Ապա ասաց աղջիկն ցթարգման իւր
ցՊառաւն թէ՝ Ասա մանկանդ՝ եթէ կամե-
ցի արդեօք զի արարից ընդ նմա որպէս
արարիս ընկերաց նորա այլոց : Ասաց Մա-
նուկն . կամք տեառն եղիցին :

Ասէ աղջիկն հօր եւ մօր իւրում եւզուշա-
կացն եւ իշխանաց զի վկայ լիցին բանից
նորա . եւ զի եթէ մանուկն յաղթէ դստեր
թագաւորին՝ առնուցու զնա իւր 'ի կնու-
թիւն . եւ եթէ դուստր թագաւորին յաղ-
թիցէ մանկանն՝ արացէ նմա որպէս այ-
լոցն . զորս սպան : Հաւանեցաւ մանուկն եւ
ամենեքին վկայ եղեն :

Հարցուածք :

ԱՍԷ ԱՂԶԻԿՆ . ՈՎ Է ՔՈՒ ՀԱՅՐ :

ԱՍԷ ՄԱՆՈՒԿՆ . ՀՈՂՄՆ ԵՎ ԿՈՒՐ :

ԱՂԶԻԿՆ . Ո՞Վ Է ՔՈՒ ՄԱՅՐ :

ՄԱՆՈՒԿՆ . ՀՈՂ ԵՎ ԱՆՃՐԵՎ :

ԱՂՁ . Յորո՞ւմ կենդանակերպի ծնեալ
ես գու :

ՄԱՆ . Ի խոյին տարւոջ եմ ծնեալ :

ԱՂՁ . Ո՞վ է քո դայեակ :

ՄԱՆ . Այն է իմ դայեակ՝ որ զիս տե-
սանէ, եւ ես զնա ոչ տեսանեմ . նա զիմ ձայն
լսէ, եւ ես զնորա ձայն ոչ լսեմ :

ԱՂՁ . Այդ տղայոց հարցմունք են, թող
գայդ ոցիկ 'ի բաց :

ԱՂՁ . Ո՞ր է առաջին արիւնն՝ որ հե-
ղու յերկիր :

ՄԱՆ . Աբելի արիւնն է, զոր կայէն սպանու-

ԱՂՁ . Զի՞նչ են այն երեքին, որ կերան
եւ արբին եւ մեռան . եւ չէ ծնեալ զնո-
սա մայր :

ՄԱՆ . Ադամ եւ Եւայ եւ գառնն Աբրա-
համու, եւ խոյն այն՝ զոր Քրիստոս 'ի Սա-
բեկայ ծառոյն կախեաց .

ԱՂՁ . Գու մի աւելի ասացեր :

ԱՂՁ . Ո՞րք են որ ծնեալ էին՝ եւ ոչ մեռան :

ՄԱՆ . Ենովք եւ Եղիա, որ ոչ մեռանին
մինչեւ 'ի գալուստ Նեոին :

ԱՂՁ . Ո՞ր թռչուն է այն, որ ուտէ յարդ
եւ գարի :

ՄԱՆ . Այդ մորեխն է :

ԱՂՁ . Զի՞նչ է այն՝ որ ցորչափ կեայ,
ճանճիւ շատանայ եւ կայ կենդանի :

ՄԱՆ . Գայլագոռան է . որ յորժամ բե-
րէ զձագն՝ սպիտակ է աւուրս երիս, եւ

մայրն փախչի. եւ յետ երկոց աւուրց սեւա-
նայ, եւ մայրն դայ առ ձագն իւր:

ԱՂԶ. Ձինչ է այն որ ցորչափ կենդանի
էր, յարդ եւ դարի ուտէր. եւ իբրեւ մե-
ռաւ՝ մարդոց միս եւ արիւն կերաւ:

ՄԱՆ. Այդ այն է, զի Սամսոն մանուկն
իշոյ ծնօտ առ 'ի ձեռն, եւ նովին հազար
մարդ սպան:

ԱՂԶ. Ո՞ր ծառ է այն որ որս եւ տերեւ
էր, եւ միս եւ յարիւն դարձաւ:

ՄԱՆ. Այդ Մովսիսի գաւազանն էր. որ
մինչ ծառ էր՝ ոստս եւ տերեւ ունէր՝ իբ-
րեւ յօձ դարձաւ՝ միս եւ արիւն եղեւ:

ԱՂԶ. Ձինչ են այն երկու հակառակք,
որ զմիմեանս սիրեն:

ՄԱՆ. Քիչեր եւ տիւ են:

ԱՂԶ. Այն ո՞վ էր, որ 'ի հանին իւր մեր-
ձեցաւ. եւ հանին ասաց թէ՛ կոյս եմ:

ՄԱՆ. Աբելի մարմինն էր, զոր 'ի հող
բերին. եւ հողն ասաց թէ՛ Յս կոյս եմ:

ԱՂԶ. Այն ո՞վ էր, որ հեղեատասան առ թա-
գաւորեաց. եւ իբրեւ եղեւ վեշտասան
ամաց 'ի հիւանդացաւ, եւ իբրեւ եղեւ
երեսնամենի մեռաւ, եւ դարձեալ յարեաւ:

ՄԱՆ. Այդ լուսին է:

ԱՂԶ. Ո՞ր դերեզման էր, որ շարժուն
եւ գնայուն եղեւ:

ՄԱՆ. Յովնան մարգարէ, զոր ձուկն ե-
կուլ, եւ եղեւ շարժուն եւ գնայուն:

ԱՂԶ. Այն ո՞վ էր, որ ջուր եւ կերակուր տարաւ քաղցելոց. եւ նոքա զկերակուրն թողին, եւ զնա որ տարաւ կերան:

ՄԱՆ. Դանիէլ մարգարէն էր, զոր արկին Առիւծոց, եւ նոքա զԴանիէլ թողին եւ զնոսա որ զկերակուրսն տարան կերան:

ԱՂԶ. Այն ո՞վ էր, որ իբրեւ մեռաւ, ոչ մարմինն 'ի հող եմուտ, եւ ոչ հոգին առ Աստուած գնաց:

ՄԱՆ. Ղովտայ կինն էր, որ յաղ դարձաւ. ոչ մարմինն 'ի հող եմուտ, եւ ոչ հոգին առ Աստուած գնաց:

ԱՂԶ. Զինչ իցէ ծառն այն, որ ունի երկոտասան ոստա եւ իւրաքանչիւր ոստ երեսուն տերեւ եւ պտուղ նորա սեաւ եւ սպիտակ է:

ՄԱՆ. Ծառն՝ տարի է. երկոտասան ոստքն՝ երկոտասան ամիաք են. երեսուն տերեւքն՝ երեսուն աւուրք են. պտուղն սեաւ եւ սպիտակ՝ տիւ եւ գիշեր են:

ԱՂԶ. Ո՞վ էր նա, զոր քարկոծէին. ոչ մարդ էր՝ ոչ քաջ էր՝ եւ ոչ հրեշտակ, եւ խօսեցաւ իբրեւ զմարդ:

ՄԱՆ. Երեմիա մարգարէին վէմն էր զոր քարկոծէին. խօսեցաւ իբրեւ զմարդ, իբր թէ ինքն էր Երեմիա մարգարէն:

ԱՂԶ. Ո՞վ էր այն՝ որ խրատ ետ ժողովրդեանն. ոչ քաջ էր, ոչ հրեշտակ, եւ ոչ Ագամայ որդի, եւ խօսեցաւ իբրեւ ըզմարդ:

ՄԱՆ. Մըջիւնն զոր Աստուած յիշեաց
'ի գիրս եւ ասաց . Գնացէք 'ի ձեր դա-
դարսն մտէք . Սողոմոնն ժողովս է արար-
եալ՝ զի մի երթիցէք անդր :

ԱՂՁ. Ո՞վ էր նա զոր դեսպան ատաք-
եաց Աստուած . ոչ քաջ էր , ոչ հրեշտակ
եւ ոչ Ադամայ որդի :

ՄԱՆ. Գայլագոռան էր , որ եկն առ
Ադամ , իբրեւ կայէն զԱբէլ սպան . եւ Ա-
դամ՝ չգիտեր , թէ զինչ առնէր . եկին եր-
կու ագոռաք , եւ մին զմիւսն սպան եւ թաղ-
եաց . ապա Ադամ ուսաւ , եւ փորեաց
զգետինն , եւ թաղեաց զԱբէլ :

ԱՂՁ. Արի ել եւ գնա . այսօր աղատե-
ցար 'ի ձեռաց իմոց . եւ տայր երկիւղ ման-
կանն :

ՄԱՆ. Այն Աստուած՝ որ փրկեաց զիս
այսօր՝ կարող է եւ 'ի վաղիւն եւս փրկել ,
եւ ել եւ գնաց խնդալով :

Յորժամ տեսին՝ ամենեքեան զարմացան
ընդ աղատել նորա . զի մինչեւ ցայն օր
այլ ոք չէր գերծեալ 'ի նմանէ :

Գնաց մանուկն յիջեւանս իւր եւ ետես
զի լայր Պառաւն դառնապէս :

Եւ Պառաւն իբրեւ ետես զՄանուկն՝
յոյժ ուրախ եղեւ եւ ասէ . Որդեակ դու
ողջամբ եկիր . այսօր նոր ծնար 'ի մօրէ .
ես երկնչէի , թէ զքեզ եւս սպանանէ .
եւ առ կսկիծ քո ես մեռանէի :

ՄՍԷ ՄԱՆՈՒԿՆ . Աստուած փրկէ զիս 'ի նմանէ . Ապղիւն իբրեւ լուսացաւ՝ գնաց մանուկն 'ի դուռն թագուհւոյն . ետ ողջոյն եւ ասաց թէ՛ Քիչերս բարւոք լուսացանք եղ :

Եւ նոքա եղին ամթոռ սակի , եւ մանուկն նստաւ :

ՄՍԷ ԱՂՋԻԿՆ . Ո՞վ էին այնոքիկ որ զմիմէ հանա սպանին . նա որ սպանաւ՝ գնաց 'ի դժոխս , եւ որ սպանն՝ գնաց յարքայու թիւն :

ՄՍԷ ՄԱՆՈՒԿՆ . Ղամէք է , որ զկայէն սպան . կայէն գնաց 'ի դժոխս եւ Ղամէք յարքայութիւն :

ԱՂՋԻԿՆ . Ո՞վ է նա որ 'ի բնէ սպիտակ էր , եւ 'ի սեռաւ դարձաւ :

ՄՍՆՈՒԿՆ . Նոյի որդին է որ իբրեւ զանէծան ընկալաւ՝ սեւացաւ :

ԱՂՋ . Ո՞ք էին նոքա , որ կերան եւ արբին եւ մեռան , եւ չէր ծնեալ զնոսա մայր :

ՄՍՆ . Աղամ եւ Յւայ էր :

ԱՂՋ . Այն ո՞վ էր , որ էգ էր եւ յարուէ ծնաւ :

ՄՍՆ . Եւայ է՝ որ ծնաւ յԱղամայ :

ԱՂՋ . Ո՞վ էր այն , զոր 'ի Քայլոյ բերան եղին , եւ Քայլն ոչ կերաւ զեա :

ՄՍՆ . Յովսէփ գեղեցիկն է :

ԱՂՋ . Ո՞ր տեղի իցէ այն՝ յորոյ վերայ

արեւ ոչ ծագեաց, յորմէ հետէ արար
Աստուած զաշխարհ :

ՄԱՆ. Այն ծովու յատակն է, զոր Մով-
սէս պատահեաց :

ԱՂԶ. Ո՞վ իցեն երկուք այնոքիկ որ
ցորչափ կեան, հանապազ ածին :

ՄԱՆ. Ձիք մեծ քան զծուկն 'ի ծովու,
եւ քան զօձ 'ի ցամաքի :

ԱՂԶ. Ո՞յք են երկու սիրելիք որ զմիմ-
եանս ատեն :

ՄԱՆ. Հողի եւ մարմին :

ԱՂԶ. Ձինչ իցէ այն որ զմարդ մեծա-
տուն առնէ, եւ դառնայ ապա աղքատ
առնէ :

ՄԱՆ. Շերաս, (մետաքսի որդն է), եւ
հանճար նորա :

ԱՂԶ. Ո՞ր արիւն է, զոր ուտել ար-
դար է :

ՄԱՆ. Այդ ձկան արիւն է :

ԱՂԶ. Ձինչ էր այն, որ ոչ կերաւ եւ
ոչ արբ 'ի կենդանութեան. իբրեւ մեռալ՝
կերակուր՝ զհող կերաւ եւ էարբ ջուր :

ՄԱՆ. Մովսիսի գաւազանն էր. որ մինչ
ծառ էր՝ կերակուր ոչ ուտէր. իբրեւ հա-
տաւ 'ի ծառոյն եւ յօձ դարձաւ՝ կերաւ
հող. եւ արբ ջուր, եւ եհերձ զծովն :

ԱՂԶ. Տուն մի է, յորոյ 'ի միջի ոսկի է
եւ դուռն արծաթի. եւ եթէ ինչ մի նո-
րա աւերեսցի, եթէ աշխարհ ամենայն 'ի

մի վայր եկեսցէ՝ զայն ոչ կարէ շինել:

ՄԱՆ. Այդ ձու է, որ իբրեւ բեկանի,
ոչ եւս այլ շինի:

ԱՂՋ. Արի ել եւ գնա. այսօր եւս գեր-
ծար 'ի ձեռաց իմոց. վաղիւ արարից քեզ
որպէս արարի ընկերաց քոց:

ՄԱՆ. Աստուած ողորմած է. եւ ել գը-
նաց խնդալով:

Իբրեւ այգ եղեւ՝ զնաց յապարանս 'ի
դուռն թագուհւոյն. ետ ողջոյն ասելով.
Քիչերս բարւոք լուսացմաւ քեզ:

Եւ հրամայեաց աղջիկն, եւ եղին զոս-
կի աթոռն, եւ նստաւ մանուկն:

ԱՍԷ ԱՂՋԻԿՆ: Ո՞վ է այն որ կռուի լսե-
լով, եւ հարկանէ իւրովի, այլ չունի ձե-
ռս եւ ոտս:

ԱՍԷ ՄԱՆՈՒԿՆ: Այդ ձուկն է:

ԱՂՋԻԿՆ. Ո՞վ է այն, որ կերակուր ու-
տէր, մինչ մեռեալն էր 'ի գերեզմանի, եւ
զարձաւ եւ եղեւ կենդանի 'ի գերեզմանի:

ՄԱՆՈՒԿՆ: Յոբ երանելիին էր. որ մինչ
ցաւագնեալ էր՝ մեռեալ էր եւ կերակուր
ուտէր. եւ յետոյ առ զիւր գեղեցկու-
թիւնն կրկին:

ԱՂՋ. Այն ո՞վ էր, որ խրատ ետ մար-
դոյ. ոչ ոգի էր, ոչ մարդ, եւ ոչ հրեշ-
տակ:

ՄԱՆ. Բարադամայ էչն է. ասաց թէ՛
Դարձիր յետս, եւ մի երթար անիծանել
զԽարայէլ:

ԱՂԶ. Ո՞չք էին որ երկուս պատգամաւորս յուղարկեցին, որ ոչ ոգի էին, ոչ մասդ, եւ ոչ հրեշտակ :

ՄԱՆ. Ագռաւն եւ Աղաւնին, զորս Նոյ յուղարկեաց բերել լուր :

ԱՂԶ. Ո՞վ ոք էին այնոքիկ, որ մեռան եւ կացին 'ի մէջ սահու եւ կենաց ամս երեք հարիւր :

ՄԱՆ. Եօթն մանկունքն էին, որ փախեան 'ի Թագաւորէն, եւ ննջեցին յայրին. եւ յետ երեքհարիւր ամաց յարեան :

ԱՂԶ. Ո՞վ ոք էին, որ իբրեւ մտին յԵգիպտոս՝ եօթանասուն եւ հինգ էին. եւ իբրեւ ելին, վեցհարիւր հազարք եղեն :

ՄԱՆ. Յակոբայ նահապետի որդիքն էին :

ԱՂԶ. Չանբոյսն անծնին բարձին, եւ ընդ անդադարին երդս անցուցին :

ՄԱՆ. Անբոյսն՝ ազն է. անծին՝ Չորին է. անդադար Չուրն է. երդիք՝ կամուրջ ջրն է :

ԱՂԶ. Չինչ է այն զոր Աստուած ետ, եւ 'ի վաղիւն ել եւ ցանեաց զցանն. եւ յամենայն պահու երթայրեւ ասէր՝ Մեծացիր Աստուծոյ հրամանաւն. եւ այն որ 'ի միւռմ տարւոջ ածի, սա յիւրաքանչիւր ժամու տարւոյ չափ ածէր. եւ 'ի միւռմ աւուր արար զամենայն որ ինքեան պիտոյ էր :

ՄԱՆ. Այդ այն ծառն է՝ զոր անկեցին

յայդուջն կիպարի . զի Աստուած առաքեաց ձեռօք Գաբրիելի հրեշտակին առ Նոյ եւ ասէ . Տար ցանեա զայդ՝ զի լիցի ծառ , կտրեա եւ շինեա տապան . մուտ 'ի ներքս դու եւ որդիք քո , կանայք որդւոց քոց եւ կին քո ընդ նոսա . եւ արաւրին այնպէս՝ եւ ապրեցան ամենեքեան :

ԱՂՁ. Չինչ են այն երեքին որ խօսեցան , եւ նման նոցա չիք յաշխարհի աստ :

ՄԱՆ. Երեքին այնոքիկ սոքա են . նախ՝ ծով որոյ չիք խուփն . երկրորդ՝ երկինք որոյ ոչ գոն սիւնք . եւ երրորդ՝ հաւ որ ոչ ունի կաթն . եւ միւս եւս ասի ձեռին մարդոյ ուր մազ ոչ բուսանի :

Յերրորդ պատասխանէ անտի երկեաւ աղջիկն . եւ ասէ ցպատանին . Գու մի եւս այլ աւելի ասացեր . եւ ասէ . Ե՛լ , գնա . այսօր եւս զերծար 'ի ձեռաց իմոց . այլ վաղիւն հասուցանեմ զքեզ առ ընկերս քո :

ՄԱՆ. ՅԱստուած եմ ապաւինեալ , նա ողորմած է , եւ ողորմի ինձ :

Ել խնդալով եւ գնաց ուրախութեամբ յիւր օթեանս :

Իբրեւ վաղիւն լուսացաւ՝ նա եկն 'ի գուռն թագուհւոյն եւ ետ ողջոյն նմա .

ԱՍԷ ԱՂՁԻԿՆ. Թէ՛ Գիշերս երբ բարեաւ լուսացաւ եւ քեզ . եւ եզին զոսկի աթոռն եւ նստաւ :

ԱՍԷ ՄԱՆՈՒԿՆ. Հրամայեա՛ս , մեծ թագուհի

եւ զայլ ինչ զոր կամիս :
 ԱՂՁԻԿՆ. Ա յԺմ հրաման քո է :
 ՄԱՆՈՒԿՆ. Ո՞վ է այն՝ որ մեծատուն էր ,
 աղքատացաւ , եւ յաղքատութեան իւրում
 ազաւ զիւր հայրն , եւ հեծաւ յիւր մայրն .
 եւ գնաց գտանել զինչս իւր . այլ մահն ե-
 հաս 'ի վերայ . նա առ զմահն 'ի ձիոյն վե-
 րայ . արբ մահուն ջուր՝ եւ արբոյց ձիոյն .
 ինքն այլ ապրեցաւ՝ եւ ձին այլ :

Եւ աղջիկն չկարաց խօսել , զի ոչ գի-
 տէր : Ապա ասաց ցմանուկն . այսօր գնա ,
 վաղիւն տամ զայնր պատասխանին . այդ
 բան դժուարին է :

Եւ մանուկն ելեալ գնաց յիւր օթեւանան :

Ասէ աղջիկն ցիւր թարգման պառաւն
 թէ՛ Գնա 'ի շուկայն , եւ առ սպիտակ հաց ,
 եւ սագ մի գէր . եւ հաւ խորովեալ . եւ
 զփորն լից շաքարով . եւ երկուս ամանս
 անուշ գինի սաստիկ յոյժ : Գնացին ծա-
 ոայքն , եւ կատարեցին զկամս նորա :

Եւ իբրեւ խոր 'ի քուն եղեն ամենե-
 քին , աղջիկն ազաւ զիւր ոսկենկար
 հանդերձան , եւ օծաւ իւղովք անուշիւք :
 Եւ այլ եւս երկուս աղջկունս գեղեցիկս
 առ ընդ իւր : Եւ ծառայիցն հրաման ետ ,
 որ բարձին զկերակուրն անուշահամ եւ
 զըմպելին . եւ գնացին յիջեւան մանկանն ,
 եւ հարին զգունն :

ԱՍԷ ՄԱՆՈՒԿՆ. Ո՞վ ես դու :

ԱՍԵՆ ՄԱՌԱՅԻՆ. Տէր, գիտաստի՛ր զի աղջկունք եմ 'ի տանէ թագաւորին. եւ որպէս լուսինն արեգական սիրոյ տէր է եւ մեք քո սիրոյ տէր եմք, վասն այնորիկ կամիմք տեսանել զքեզ :

ՄԱՆՈՒԿՆ. Ի բաց գնացէք. չէ արժան ձեզ մտանել առ իս. ոչ գիտեմ զձեզ :

Եւ նորա ազաչանօք պնդեցին զերեսա իւրեանց ասելով թէ Ոչ երթամք 'ի գրանէս, մինչեւ տեսանեմք զքեզ :

Եւ մանուկն թող նոցա մտանել 'ի ներքս :

Եւ մտեալ աղջիկն, եբաց զերեսա իւր :

Եւ իբրեւ ետես մանուկն զերեսա աղջկանն, նուաղեցաւ 'ի սիրոյն :

Եւ աղջիկն նստաւ, եւ նստոյց ընդ իւր զՄանուկն :

ԱՍԷ ԱՂՋԻԿՆ ՅՄԱՆՈՒԿՆ. Ունիս կերակուր ինչ ուտելոյ, բեր զի կերիցուք. եւ անուշահամ գինի՝ զի արբցուք եւ զուարթացուք :

Չձայնն փոխեալ էր աղջիկն, զի մի կաշիցէ ճանաչել զնա մանուկն :

ԱՍԷ ՄԱՆՈՒԿՆ. Ճշմարտութեամբ ասեմ, չունիմ ինչ 'ի ժամուս յայամիկ, ոչ գիտէի թէ գալոց էք առ իս, զի պատրաստէի ձեզ կերակուր լաւ :

ԱՍԷ ԱՂՋԻԿՆ, ցժառայս իւր : Բերէք այսր զոր ինչ ունիք ուտելոյ. եւ բերեալ ե-

դին սեղան զանազան անուշ կերակրովք, եւ նստան ըմպել քաղցր եւ անապակ գինի, եւ արբուցին զմանուկն . եւ աղջիկն քաղցր բանս խօսէր, եւ զուարթացուցանէր զմանուկն :

ՄԱՆՈՒԿՆ. Եթէ կամիք՝ երթիցուք իւրաքանչիւր յիւր հանգիստ :

ԱՂՋԻԿՆ, Ասէ ցմանուկն . Եթէ զիս սիրես, պատմեա ինձ, զինչ էր այն զոր երեկ հարցանէիր դստեր թագաւորին :

ՄԱՆ. Ոչ կարեմ ասել, զի երկնչիմ՝ գուցէ մեռանիցիմ . զայլ ինչ հարց, եւ տաց պատասխանի :

Նա երգուաւ յԱստուած, թէ մինչեւ ոչ լսեմ 'ի քէն զայն բան՝ ոչ թողում զքեզ . եւ սկսաւ թախանձել զնա :

Եւ մանուկն բորբոքեցաւ 'ի սիրոյ աղջկանն, եւ յաղթեցաւ 'ի գինւոյն . եւ ասէ ցաղջիկն՝ Արի, եւ պատմեցից քեզ :

Եւ աղջիկն, եւ եհան զտեռն 'ի գլխոյն՝ եւ եդ 'ի սնարսն . եւ սկսաւ ունկն դնել մանկանն :

Եւ մանուկն յաղջկան սիրոյն եւ 'ի գինւոյ անտի թմրեցաւ, եւ մեկնեաց զբանն եւ աղջկանն ոչ կարաց առնել ինչ :

Եւ աղջիկն խնդաց ընդ միտս իւր . սահեցաւ յաթոռոյն, եւ ել գնաց խնդալով . այլ զշղաշատեռն՝ զքօղ գլխոյն ոչ առ . եւ յոյժ ուրախ եղեւ թէ՛ Ուսայ զառեղծուա-

ծըն . եւ ինձ ինչ ոչ կարաց առնել . եւ ես 'ի լուսանալն' սպանանել տամ զնա :

Եւ մանուկն 'ի վաղիւն զարթեալ , եւ ուշաբերեալ գիտաց թէ խաբեցաւ . եւ յոյժ տրտմեցաւ . յետոյ ետես զձորձ աղջկանն՝ զոր մոռացեալ էր , եւ յոյժ ուրախ եղեւ , եւ առ պահեաց զնա :

Եւ ելեալ զնաց յապարանան , ետ ողջոյն եւ նստաւ յոսկի աթոռն :

Իմացաւ մանուկն՝ եթէ թագաւորին դուստրն էր , որ եկն առ նա :

Եւ աղջիկն յղեաց պատգամ հօրն եւ մօրն եւ իշխանացն , եւ եկին ամենեքին :

Եւ մանուկն յօտն եկաց , ծունր եղ թագաւորին եւ նստաւ :

ԱՍԷ ԱՂՋԻԿՆ . Ասացից զերեկեան բանն , զոր հարցեր ցիս . եւ սկսեալ ասաց զամենայն կարգաւ , զոր երեկոյին լուեալ էր :

Եւ ամենեքեան զարմացան ընդ գիտութիւն աղջկանն :

ԱՍԷ ՄԱՆՈՒԿՆ . ցթագաւորն առաջի ամենայն իշխանացն :

Տիեզերակալ թագաւոր՝ քո դուստրն ինձ առուրս երիս բան եհարց , եւ ես պատասխանի ետու . թող հարցից նմա եւ ես ինչ մի . եթէ գիտացէ՛ նա զիս յաղթէ . եւ թէ ոչ ես յաղթող եղէց նմա :

ԱՍԷ ԹԱԳԱՌՈՐՆ . Այդմ հաւան եմք :

Եւ վկայ կացին ամենայն իշխանքն եւ

Թէ այլ եւս ինչ մի հարցցեն միմեանց :

ԱՍԻ ՄԱՆՈՒԿՆ ՏԱՂՁԻԿՆ. Ա՞ր թռչուն է այն զոր կայայ եւ զենի . եւ զփետուրն պահեցի . զնա գլխովին խորովեցի եւ եղի առաջի իմ զի կերայց , եւ այն թռչունն ունէր ընդ իւր այլ եւս թռչունա . այլ իւր փետուրն էր գեղեցիկ որպէս զօսկի՝ եւ յանկարծ թռեաւ եւ գնաց : Եւ եթէ ոչ հաւատայք զփետուրն բերեմ զի տեսանիցէք :

ԱզՂիկն իբրեւ զայն լուաւ՝ երկեալ յոյժ , քանզի գիտէր եթէ վասն իւր ասէր :

Ասէ՛ այդ բան դժուարին է , ոչ կարեմ զիտել . գիտեմ զի յաղթեցեր զիս . խնդրեա զինչ եւ կամիս , եւ տաց քեզ :

ԱՍԻ ՄԱՆՈՒԿՆ. Բայ ՚ի քէն զայլ ինչ ոչ խնդրեմ :

Եւ իշխման քն վկայեցին եւ հաւանեցան : Պատկեցին եւ արարին աւուրս եօթն հարսանիս :

Եւ ետ թագաւորն զկէս թագաւորութեանն եւ զկէս գանձուն . եւ որչափ աշխարհ ունէր ամենեցուն տիրեաց :

Ապա առաքեցին բազում մարդիկ եւ գանձա բազումս առ թագաւորն առ ուրում հայր եւ մայր նորա էին , եւ այնպէս ետ բերել զնոսա առ իւր :

Եւ տեսեալ զմիմեանս ուրախ եղեն , եւ գոհացան զԱստուծոյ :

Եւ զասպընջական պառաւ տարաւ
յապարանան եւ արար իւր մեծ :

Եւ թագաւորն յետ մահուան իւրոյ՝ ա-
մենայն զանձուն եւ հեծելոյն եւ աշխար-
հին տէր կացոյց զմանուկն :





ՎԱՐՔ

ԵՒ ՊԱՏՄՈՒԹԻՒՆ

ԱԼԷՔՍԻԱՆՈՍԻ ՃԳՆԱԻՈՐԻՆ



Այր մի էր 'ի քաղաքին կոստանդնուպոլսոյ մեծատուն յոյժ եւ իշխան մեծ, եւ հրամանատար բազում գաւառաց. եւ էր անուն նորա Եփրեմիանոս. եւ անուն կնոջն Աննա:

Եւ էր Եփրեմիանոս մեծ եւ սիրելի յաչս թագաւորին իւրոյ: Սոքա էին հասեալք մերձ 'ի ծերութիւն, եւ ոչ ունէին զաւակ 'ի վերայ երկրի, որ ժառանգէր զինչս նոցա. եւ էին կարի տրտում եւ անմխիթար՝ վասն ժառանգութեան: Չտիւ եւ զգիշեր հանապազ աղաչէին զԱստուած վասն զաւակի: Եւ յաւուր միում կինն Աննա՝ բազում աղախնօք եւ ծառայիւք գնաց 'ի մեծ եկեղեցին 'ի սուրբն Սոփիա, եւ կայր յաղօթս առ Տէր. եւ բարեխօսութեամբ սուրբ Աստուածածնին եւ ամենայն Սրբոցն՝ հայցէր 'ի Քրիստոսէ ժառանգ բարի: Եւ յետ աղօթիցն բազում ողորմութիւնս առնէր աղքատաց եւ կարօտելոց:

եւ քահանայիցն ամենեցուն , եւ ելեալ
գնայր 'ի տուն իւր :

Եւ 'ի գնալն' 'ի ճանապարհին հանդիպե-
ցաւ նմա ոմն թշուառ աղքատ եւ ողորմե-
լի եւ ասաց . Տիկին՝ տուր ինձ ողորմու-
թիւն յարեւ որդւոյ քո միամօրոյ : Եւ տի-
կինն հիացեալ ընդ միտս իւր , ասաց թէ ,
Վայ ինձ՝ զի ես անժառանգ եմ , եւ դա
ինձ երանի տայ վասն որդւոյ . արտասուեաց
եւ ելաց . եւ հանեալ ետ նմա ողորմու-
թիւն , եւ անց գնաց 'ի տուն իւր : Եւ 'ի
գիշերին յայնմիկ եկն 'ի տեսլեանն ծերու-
նի ոմն , եւ աւետեաց Աննայի եւ ասաց .
Կին դու՝ ահա կատարեցան խնդրուածք
քո առաջի Աստուծոյ : Բայց զայդ արժա-
թապատ ապարանս՝ որ անթիւ ոսկւով եւ
արծաթով է զարդարեալ՝ տացես ողորմու-
թիւն աղքատաց եւ կարօտելոց :

Եւ ընդ առաւօտն ելեալ կոչեաց զերի-
ցունս եւ զքահանայս , եւ արար մատաղ
մեծ եւ ընդունելութիւնս : Եւ պատմեաց
զտեսիլն իւր՝ առն իւրում Յփրեմիանոսի :
Իսկ նա ոչ կամէր տալ , այլ դժուարաւ
ետ . քանզի սիրէր զապարանսն որ 'ի հինգ
հարիւր երեսուն եւ երկու լիտր ոսկւոյ էր
չինեալ . եւ յայսկոյս եւ յանկոյս մարգար-
տովք յեռեալ եւ զարդարեալ : Եւ չորս
բազէք տասն տասն լիտր արծաթոյ էին՝
թողցեալ ածուէնման : Եւ միւս եւս այլ

զթեւս իւր տարածեալ 'ի վայելչութիւն
 անկողնոյ իւրոյ . եւ էր երեսուն եւ երկու
 լիտր արծաթոյ : Եւ առեալ զայս կին նո-
 րա , կոչեաց զոսկերիչս եւ արար անտի
 դահեկանս . եւ քարոզ կարգաց եւ ասաց
 ժողովել զամենայն քահանայսն , որ ընդ
 իւրով իշխանութեամբն կային , եւ զամե-
 նայն աղքատս եւ զխեղս եւ զկաղս եւ
 զկոյրս . եւ պահել զնոսա 'ի Հրոտից ամիսն
 մինչեւ ցելս ամսոյն : Եւ առեալ ընդ իւր
 չորեքհարիւր քառասուն եւ հինգ քահա-
 նայս . եւ իջեալ 'ի վանսն հսկեցին զգի-
 շերն մինչեւ ցառաւօտն . եւ Պատարագս
 մատուցին վասն որդէժնութեան նորա . եւ
 նա ետնոցա եօթն եօթն դահեկանս : Եւ
 յետ երկոց ամսոց գիտաց կինն զյղութիւն
 իւր . եւ ետ աւետիս առն իւրում . եւ յետ
 ինն ամսոց ծնաւ կինն 'ի ծերութեան իւ-
 րում արու զաւակ : Եւ յարուցեալ այրն
 արծակեաց հրաւիրակս ընդ ամենայն իշ-
 խանութիւն իւր , կոչել զքահանայս եւ
 զեպիսկոպոսունս եւ զիշխանս : Եւ արար
 ընդունելութիւն մեծ , եւ մկրտեաց զմա-
 նուկն . եւ եղին զանուն նորա Ալեքսիա-
 նոս : Եւ իբրեւ զարգացաւ մանուկն՝ ետ
 զնա հայրն յուսումն գրոց : Եւ էր պատա-
 նին առատամիտ եւ առատածեռն քան ըզ
 հայրն իւր , եւ էր գեղեցիկ յոյժ . եւ ձայն
 նորա էր քաղցր իբրեւ զքնարի : Եւ իբ-

րեւ եղեւ պատանին ութեւտան ամաց՝
 եզեն հայրն արջառս եւ ոչխարս բազումս
 վասն նորա : Եւ էր հսկայածեւ եւ ըն-
 թերցող Աստուածեղէն սուրբ Գրոց , Հին
 եւ Նոր Կտակարանաց , մինչեւ եհաս
 լուր նորա յազարանս թագաւորին : Եւ յա-
 ւուր միում ասէ թագաւորն ցԵփրեմիանոս .
 Աստուած ետ քեզ պտուղ որովայնի , որոյ
 լուր նորա եհաս առիս . եւ է իմ դուստր զոր
 դու ճանաչես . արդ՝ առեր զնա ինձ 'ի փե-
 սայու թիւն : Ոսկի եւ արծաթ իմ նմա ե-
 Ղիցի . եւ յետ մահուան իմոյ ժառանգես-
 ցէ զաթոռ իմ :

Եւ ել Եփրեմիանոս յերեսաց թագա-
 ւորին , եւ զնայր թմբկօք եւ պարուք 'ի
 սուն իւր :

Իբրեւ լուաւ Ալեքսիանոս զգալուստ
 հօրն իւրոյ , յարեաւ ընդ առաջ՝ եւ երկիր
 եպագ նմա եւ ասաց . Հայր իմ ալեօք
 ծաղկեալ՝ զի է քեզ : Պատասխանի ետ
 հայր նորա եւ ասէ , Խնդամ եւ ուրախ
 եմ վասն քո . զի թագաւորն խոստացաւ
 փեսայացողցանել զքեզ : Պատասխանի ետ
 Ալեքսիանոս եւ ասէ . Գրեալ է 'ի սուրբ
 Աւետարանի , թէ որ դառնայ ընդդէմ ճը-
 նողաց իւրոց՝ տրամութեամբ իջանէ 'ի
 դժոխս : Բայց դու անարգեալ լիցիս յերե-
 սաց իմոց , զի յոյժ խղեցին բանք քո ըզ
 սիրտ իմ : Եւ իբրեւ լուաւ Եփրեմիանոս՝

դարձաւ տրտում, եւ անկաւ առաջի թագաւորին եւ ասէ . Վայ է ինձ այսօր՝ զի որդին իմ արհամարհեաց զհրաման թագաւորիդ եւ զբանս իմ : Ասէ թագաւորն ցնփրեմիանոս . Մի հոգար դու վասն այդորիկ . թերեւս դարձուցանեմ զնա յայնպիսի խորհրդոց :

Եւ հրամայեաց թագաւորն կոչել զԱլեքսիանոս : Եւ գնացեալ գտին զԱլեքսիանոս, որ ընթեռնոյր զՍաղմոսարանն՝ զոր օւնէր 'ի ձեռին իւրում : Ասէ պատանին . կոչէ զքեզ թագաւորն : Եւ յարուցեալ գընաց Ալեքսիանոս զհետ նորա յապարանս թագաւորին : Ասէ թագաւորն ցԱլեքսիանոս . Որդեակ՝ զամուսնութիւնն պիղծ համարիս : Պատասխանի ետ Ալեքսիանոս եւ ասէ . Ոչ թէ զամուսնութիւնն պիղծ համարմիմ, այլ գրեալ է 'ի սուրբ Աւետարանի, թէ Որ ոչ թողու զհայր՝ կամ զմայր՝ կամ զկին՝ կամ զորդիս՝ կամ զազգականս՝ եւ ոչ առնու զխաչ իւր եւ գայ զկնի իմ, չէ ինձ արժանի : Ոսկի եւ արծաթ կերակուր է ժանկոյ . եւ հանդերձ փափուկ ցեցոյ է կերակուր : Յայնժամ կոչեաց թագաւորն զերկոտասան իշխանսն զտանուտեարըս՝ որք էին խրատտու թագաւորութեան իւրոյ, եւ ասէ ցնոսա . Զինչ արարից, քան զի ոչ կարացի դարձուցանել զԱլեքսիանոս յայնպիսի խորհրդոց : Պատասխանի

եստուն իշխանքն եւ ասեն . Ոչ թէ բանիւ նորա վարի թագաւորութիւնս մեր, այլ հրամայեա արկանել 'ի սենեակ : Եւ թագաւորն հրամայեաց արձակել զԱլեքսիանոս . եւ առաքեաց հրաւիրակս ընդ ամենայն իշխանութիւնս իւր, ժողովել զամենեսեան զալ 'ի հարսանիս : Եւ իբրեւ գնացին քահանայքն կոչել զԱլեքսիանոս, զի պատկեցցին ընդ դստեր թագաւորին, ասաց Ալեքսիանոս ընդդէմ քահանայիցն . Մի գնէք ինձ պսակ թառամելի, զի զանթառամն չահեցայց :

Պատասխանի ետուն քահանայքն եւ ասեն . Որդեակ՝ թէպէտ 'ի թագաւորէն ոչ երկնչիս, այլ 'ի մէնջ պատկառեա : Եւ նա լուք եղև . եւ տարեալ պսակեցին ընդ դստեր թագաւորին . եւ արարին հարսանիս աւուրս երկոտասան : Եւ ապա կալեալ թագաւորն զձեռանէ մանկանն եւ ազջրկան՝ էարկ զնոսա 'ի սենեակ եւ փակեաց 'ի վերայ նոցա զեօթնդրունսն :

Եւ յարուցեալ մանուկն շիջոյց զկանթեղսն եւ զմոմեղէնսն, եւ ասէ ցաղջիկն . Քոյր՝ պարտ է ինձ եւ քեզ յաղօթս կալ եւ ապա ննջել 'ի միասին : Եւ ելեալ կացին յաղօթս եւ ննջեցին սրբութեամբ : Եւ յետ երկոտասան աւուրն անցանելոյ ասէ աղջիկն ցԱլեքսիանոս . Ընդէր ոչ յայտնեցեր զքեզ հօր եւ մօր քոյ, զի բաղու՛մ

դեղատու բժիշկք կան 'ի քաղաքիս : Ասէ
ցնա Ալեքսիանոս . Սահման է՝ զի այր
մարդ համարձակ է քան զկիինն . պարտ է
ինձ երկոցս խօսել , եւ քեզ ոչ տալ պա-
տասխանի :

Եւ յարուցեալ եկաց յաղօթս եւ ասաց
այսպէս . Աստուած Աբրահամու Բսահակայ
եւ Յակոբայ . որ փրկեցեր զերիս ման-
կունան 'ի հրոյն բորբոքելոյ , փրկեա եւ
զիս յայսմ գազան կնոջէ . զի մարմին կը-
նոջ որպէս հուր է , եւ ես որպէս խոտ
առաջի հրոյ , կամ յայրումն առաջի սորա .
զի կին՝ ընտանի գազան է չար , եւ ոչ տայ
հանգչել մարդոյ . եւ լռեալ ննջեցին : Եւ
յարուցեալ առաւօտուն Ալեքսիանոս ասէ
ցաղջիկն . Սրի կացցուք յաղօթս . Ասէ աղ-
ջիկն ցԱլեքսիանոս . Ընդէր ոչ խօսիս
ընդ իս եւ ոչ բանիւ մխիթարես զիս :

Յայնժամ Ալեքսիանոս ետ զմատանին
ոսկի 'ի նա եւ ասէ . Քոյր՝ առ զսա եւ
պահեա 'ի քեզ առ յիշատակի . մինչ ես
երթայց 'ի դուռն Եկեղեցւոյն յաղօթս , եւ
ապա գամ կատարեմ զկամս քո : Եւ բա-
ցեալ զդրունան , ելեալ գնաց մինչեւ յան-
կելանոցն . եւ տեսեալ զաղքատ մի՝ որ
ունէր մազեղէն մի զանձամբ իւրով , ետ
նմա զծիրանին՝ եւ առ զմազեղէն նորա
եւ ագաւ ինքն : Եւ էր գին ծիրանւոյն
երեք հարիւր զահեկան : Եւ աղքատն

Թագոյց զայն : Եւ առեալ Ալեքսիանոս
 այլ կարկատուն կտաւ մի , էարկ զգլխովն
 եւ ծածկեաց զերեսս իւր : Իբրեւ էանց
 պահ մի գիշերոյն՝ խնացաւ կինն զխոր-
 հուրդս նորա . ճիչ եւ աղաղակ բարձեալ
 լայր : Եւ յարուցեալ դռնապանն ետես ըզ
 դրունսն բացեալ . եւ վառեցին ջահս եւ
 ընթացան յորոնել : Եւ յորոնելն առ ոտն
 կոխէին զնա . եւ նա ասէր՝ Մի նեղէք
 զիս . Թէպէտ աղքատ եմ , այլ Առտուծոյ
 արարած եմ : Եւ իբրեւ էջ յեզր ծովուն՝
 եզիտ նաւ մի որ երթայր յերուսաղէմ .
 եւ ասէ ցնաւավարն . Որդեակ՝ տար զիս
 յերուսաղէմ , եւ ես աղօթս առնեմ վասն
 քո : Ասէ նաւավարն . Աղքատ դու , ըն-
 դէր ծածկես զերեսս քո եւ ոչ բանաս :
 Եւ նա ասէ , Զի խստակրօն վարդապետի
 աշակերտ եմ . եւ նա պատուիրեալէ ինձ
 Թէ՛ մի հայիր 'ի մարդ եւ ոչ յաշխարհ եւ
 մի բանար զերեսս քո : Եւ մտեալ 'ի նաւ հա-
 սին յԱրապօլիս . եւ անտի 'ի Ախարոս . եւ
 անտի յերուսաղէմ . եւ յերուսաղէմէ 'ի
 լեառն Սինա՝ ուր Տէր խօսեցաւ ընդ Մով-
 սիսի :

Եւ արար անդ զնշան խաչին 'ի վերայ
 նորա եւ ասէ . Սա եղէցի ինձ գերեզման
 եւ տուն յարկի . եւ եկաց անդ Ալեքսի-
 անոս ամս երեսուն եւ չորս . եւ էր կե-
 րակուր նորա 'ի ծայրից ծառոց եւ 'ի խո-

տոց, եւ ըմպելի նորա ջուր անձրեւաց :
 Եւ ապա Սատանայ ընկէց 'ի սիրտ նորա
 զկարօտութիւն եւ զգութ ծնողացն, եւ
 այնու նեղէր զնա : Եւ յարուցեալ էջ յեզր
 ծովուն, եւ եգիտ նաւ մի՝ որ երթայր
 յԵրուսաղէմ . եւ ասէ ցնաւապետն . Տար զիս
 յԵրուսաղէմ . եւ ես վասն քո ազօթս առ-
 նեմ : Եւ առեալ զնա նաւեցին : Եւ իմա-
 ցեալ զիւացն յարուցին հողմ եւ մրրիկ 'ի
 ծովուն, եւ սկսաւ ալէկոծել նաւն, եւ
 ոչ կարացին յաղթել :

Յայնժամ եկին եօթն դեւք չարագոյնք
 քան զառաջինն, եւ ասեն ցմիմեանս .
 Մեք զդորա համբերութիւնն գիտեմք .
 զի սորա զօրութիւնն առաւել է քան ըզ
 Յոբայն . այլ արասցուք զմա չարութիւն,
 յարուսցուք հողմն սաստիկ 'ի վերայ ծո-
 վուն, եւ տարցուք զդա 'ի դուռն տան
 հօր իւրոյ . զի տեսանելով զաղէտս ծնողա-
 ցն իւրոց՝ տայցէ ծանօթութիւն : Եւ հա-
 նին հողմ սաստիկ 'ի վերայ ծովուն, եւ
 տարեալ ընկեցին զնաւն 'ի դուռն տան
 հօր նորա : Իբրեւ գիտաց Ալեքսիանոս,
 թէ սատանայի էր գործն՝ ասէ . Երթամ
 'ի դուռն տան հօր իմոյ, եւ անդ կոխեցից
 զգլուխ սատանայի : Եւ իբրեւ ել յեզր
 ծովուն՝ ետես զՆիբեմիանոս զհայր իւր
 նստեալ 'ի վերայ ջորուոյ, զի երթայր 'ի
 բաղանիս . եւ ընթացեալ ընդ առաջ եր-

կիր եպագ նմա եւ ասէ . Օտար յերկրէ
 իկեալ եմ վասն անուան քոյ . արդ՝ որ
 'ի փշրանաց սեղանոյ քոյ անկանի՝ բաւա-
 կան է ինձ 'ի կերակուր . եւ որ 'ի բաժա-
 կաց քոց կաթէ՝ բաւական է ինձ յըմպել :
 Ասէ Եփրեմիանոս ցԵղբիայոս ծառայ իւր .
 Արդեակ՝ տար զդա յանկելանոց մեր : Իբրեւ
 տարաւ զնա յանկելանոցն՝ ճիչ եւ աղաղակ
 բարձին աղքատքն ամենայն եւ ասեն . Թէ
 դա աստ գայ՝ մեք ամենեքեան ելանեմք :
 Ասէ Եղբիայոս . Աղքատ դու , վասն քո գա-
 մենայն աղքատսն ոչ կարեմ հանել աս-
 տի : Ասէ Ալեքսիանոս . Աղաչեմ՝ զքեզ՝
 սար զիս մինչեւ յերրորդ դուռն :

Եւ Եղբիայոս տարեալ զնա ասէ ցղըռ-
 նապանն . Թոյլ տուր սմա բնակել յայսմ
 տեղւոջ . եւ եկաց անդ աւուրս երեսուն :
 Ապա յետ երեսուն աւուրն՝ ասէ դո՛նա-
 պանն . Աղքատ դու՝ արի եւ զնա աստի .
 երկիցս եւ երիցս վարեաց զնա եւ ասէ .
 Ել եւ զնա աստի . քանզի տիկինն մեր
 սովորութիւն ունի գալ ընդ այս՝ եւ եր-
 թայ 'ի ծովեզրն լալ զորդին իւր Ալեքսի-
 անոս զտէրն մեր : Եւ նա ասէր թէ՝ Ես
 աստ մեռանիմ , եւ ոչ գնամ յայլ տեղի :

Եւ յետ սակաւ ինչ աւուրց գայր տի-
 կինն , եւ առաջի նորա ծառայք . եւ ծա-
 ռայիցն լրբեալք՝ կալեալ զհերաց նորա
 քարչէին զնա 'ի վերայ երեսաց իւրոց :

Եւ նա ձայնէր եւ ասէր. Տիկին քարի՛ մի
 տար ինձ առնել զայդ. թէպէտ եւ աղ-
 քատ եմ, այլ Սատուծոյ արարած եմ: Եւ
 նա սաստէր աղջկանցն եւ ասէր. Թոյլ
 տուք դմա բնակել յայդմ տեղւոջդ պան-
 գխտութեամբ: Եւ հայեցեալ ստէպ յերև-
 սըս նորա ասէր տիկինն. Աչք դորա զիարդ
 նման են աչաց Ալեքսիանոսին իմոյ: Եւ
 ելեալ եկաց եւ սկսաւ լալ ընդդէմ ծովուն
 եւ ասէր. Զուրք՝ որ 'ի ծովդ էք, մի
 թէ կրնայք զորդին իմ զԱլեքսիանոս, ցու-
 ցէք ինձ զնա, զի նա էր իմ յետին եւ ա-
 ռաջին մխիթարութիւն: Զի ցաւին աղիք
 իմ եւ գալարին. եւ հեծեծանօք ողբայ
 սիրտ իմ անդադար: Հողմք աւետարերք,
 մի թէ ունիք ինչ լուր զիմմէ Ալեքսիա-
 նոսէն. զի տուրք էր նա ինձ յՍատուծոյ,
 եւ խնդրուած 'ի սրբասէր քահանայից: Եւ
 զայս ամենայն լսէր Ալեքսիանոս եւ գա-
 լարէին աղիք նորա՝ եւ խորովէր լեարդն,
 եւ ոչ տայր ծանօթութիւն յահէ ամենա-
 կային Սատուծոյ. որ ասէ 'ի սուրբ Աւե-
 տարանին թէ՛ Որ ոչ թողու զհայր՝ կամ
 զմայր՝ կամ զկին՝ կամ զազարակս վասն
 անուան իմոյ, չէ ինձ արժանի: Եւ եկաց
 'ի գուռն տան հօր իւրոյ ամս երկոտասան:
 Եւ ապա հայեցաւ Սատուած 'ի տա-
 ռապանս նորա, եւ առաքեաց զհրեշտա-
 կապետն Գաբրիէլ՝ առնուլ զհոգի նորա:

Երբեւ եկն Քաբրիէլ, ետ նմա ողջոյն եւ
 ասէ. Եկ Ալեքսիանոս այրդ Աստուծոյ՝ եւ
 հանգիր յուրախութիւնսն երկնից՝ ՚ի վե-
 րինն երուսաղէմ, ՚ի բնակութիւնս հրեշ-
 տակաց. զորմէ պատմէ Պօղոս թէ՛ Զոր
 ակն ոչ ետես՝ եւ ունկն ոչ լուաւ՝ եւ ՚ի
 սիրտ մարդոյ ոչ անկաւ, զայն պատրաս-
 տեաց Աստուած սիրելեաց իւրոց: Եւ նա
 ասէ ցհրեշտակն, ներել սակաւիկ մի, մին-
 չեւ գրեսցէ զվարս անձին իւրոյ: Եւ յա-
 րուցեալ էօռ քարտէս եւ մուր ՚ի բաղա-
 նեաց, եւ նստեալ գրեաց այսպէս:

Ես եմ Ալեքսիանոս որդին ձեր. հայր իմ
 Յիրեմիանոս. եւ մայր իմ Աննա. եւ կին
 իմ Մարգարիտ: Ողջոյն թագաւորիդ եւ
 քահանայից քաղաքիդ միաբան ամենե-
 ցուն: Մի լայր հայր իմ ծերացեալ, այլ
 մխիթարեաց Աստուծով: Յիշեա զի դու
 զայս կեանս խնդրէիր, եւ ես զերկնաւորն:
 Ետու զերկաթն, եւ առի զոսկին փոխա-
 րէն ՚ի տեառնէ: Մի լայր մայր իմ եւ մի
 արամիր. մխիթարեսցէ զքեզ Քրիստոս:
 Յիշեա զի դու գայիր եւ աղջկունքն ա-
 ռաջի քո եւ հասեալ նոցա ՚ի վերայ իմ,
 քարչէին զհերացս ՚ի վերայ երեսաց իմոց.
 եւ ես լայն՝ ոչ վասն այնորիկ զի քարչէ-
 ին զիս, այլ զի լայիր դու եւ աղիողորմ
 կսկծանօք հառաչէիր. եւ իմ տեսեալ զայն
 զալարէին աղիքս. եւ ոչ իշխէի տալ ծա-

նօթութիւն յահէն Աստուծոյ : Մի լայր եւ
դու կին իմ Մարգարիտ . զի ահաւասիկ
պատրաստեցի ինձ եւ քեզ ճանապարհ ,
որ տանի 'ի կեանսն յաւիտենից :

Եւ ծալեալ զթուղթն եղ 'ի մէջ ձեռ-
քին իւրոյ եւ խփեաց . եւ նոյն ժամայն
աւանդեաց զհոգին իւր 'ի փառս Աստու-
ծոյ : Եւ իջին երկոտասան հրեշտակք 'ի
ձեւ մարմնաւորաց եւ յայանեցին քաղա-
քին եւ ասացին . Արիք գնացէք 'ի դու-
ռն Նփրեմիանոսի' եւ գտէք զայրն Աս-
տուծոյ վախճանեալ : Եւ 'ի մէջ գիշերին
դղրդեցաւ քաղաքն ամենայն . եւ վառե-
ցին ջահս եւ մոմեղէնս՝ եւ գնացին գտին ,
որպէս հրեշտակքն ասացին : Եւ արկին
'ի վերայ նորա դիպակս պատուականս .
եւ տեսին զի թուղթ մի էր 'ի ձեռիննո-
րա . եւ կամեցան բազումք առնուլ զնա ,
եւ ոչ կարացին հանել 'ի ձեռաց երանել-
ւոյն : Եւ մատուցեալ յառաջ քահանայ
մի իմատուռն եւ ասէ . Ոչ է պարտառնուլ
ումեք զթուղթն , այլ միայն նմա՝ որ
այսչափ ժամանակս կերակրեալ է զդա :
Եւ յուղարկեցին 'ի խնդիր Նփրեմիանոսի .
եւ իբրեւ եկն՝ երկիր եպագ նմա եւ ասէ .
Մեղայ քեզ սուրբդ Աստուծոյ , զի ոչ գի-
տէի թէ որպիսի ոք ես դու , եւ մեկ-
նեալ զձեռն , եւ առեալ զթուղթն , եբաց
եւ սկսաւ ընթեռնուլ :

Եւ եր գրեալ այսպէս:

Ես եմ Ալեքսիանոս որդին ձեր . հայր իմ Եփրեմիանոս , եւ մայր իմ Աննա . եւ կին իմ Մարգարիտ :

Եւ իբրեւ լուաւ՝ իսկոյն ձգեաց զթուղթըն՝ ՚ի ձեռաց իւրոց . եւ անկաւ ՚ի վերայ մեռելոյն մարմնոյ , եւ յինքն ամփոփեալ դոչէր եւ լայր . եւ ոչ կարէին հանել ՚ի զրկաց նորա զերիս աւուրս : Եւ եկեալ մայր նորա եւ կինն՝ ոչ կարացին մտանել առ նա վասն ամբոխին : Յայնժամ բերին դանձա քաղումս եւ ցանեցին շուրջ զամբոխիւն . եւ քակեցաւ ամբոխն զկնի դանձին , եւ ապա կարացին մտանել առ Ալեքսիանոս այրն Աստուծոյ : Եւ անկեալ մայրն ՚ի վերայ նորա . եւ եղեալ զերեսս իւր ՚ի վերայ երեսաց որդւոյն իւրոյ , աւսէր . Որդեակ իմ , թէ կենդանի ես՝ խօսեա ընդ տառապեալ մօր քոյ . եւ դնէր զերեսն ՚ի վերայ սրտին՝ եւ հեղոյր զարտասուսն . եւ ձայն բարձեալ լայր դառնապէս՝ եւ ողբայր ազիողորմ յոյժ : Եւ եկեալ կին նորա՝ ընկէց զմատանին եւ ասէ . Արդ՝ անյս իցէ սուրբ գալուստդ սիրելիդ իմ Ալեքսիանոս . մինչեւ ցերբ պահիցեմ զյիշատակ քո : Եւ ո՞ կարէ պատմել զրով զկոծումն եւ զողբումն նոցա՝ բոլոր քաղաքաւն առ հասարակ : Եւ յետ քաղում

լալոյ՝ տարեալ թաղեցին զերանելի խոստովանողն Քրիստոսի զսուրբն Ալեքսիանոս, եւ շինեցին եկեղեցի 'ի վերայ նորա : Եւ կացին հայր եւ մայր նորա կենդանի ամսութ զկնի փոխման սրբոյն ծառայելով եւ սպասաւորելով սուրբ Քերեղմանի նորա. եւ յետ այնորիկ հանգեան խաղաղութեամբ 'ի Քրիստոս : Իսկ սուրբն Ալեքսիանոս՝ փոխեցաւ 'ի Քրիստոս 'ի քսաներորդում ութերորդում ամսեանն Հրոտից 'ի փառս Աստուծոյ :

Բարեխօսութեամբ կամաւոր աղքատացելոյն վասն քո, եւ օտարացելոյն 'ի ծանօթութենէ մարդկան, Քրիստոս Աստուած՝ տուր եւ մեզ ատել զզբաղմունքս կենաց, եւ մերձենալ 'ի սուրբդ սրբոց եւ առ ամենեցուն փախաքելիդ :




ՊԱՏՄՈՒԹԻՒՆ

ՏԷՐ ՅՈՒՍԿԱՆ

ԵՒ ՈՐԴԻՈՅ ՆՈՐԻՆ

Ս Տ Ե Փ Ա Ն Ո Ս Ի Ն



Ի թուին աղգիս հայոց վեցհարիւրորդի վաթաներորդի, յերկրին Ռըշտունեաց 'ի գաւառին Տարայ 'ի գիւղաքաղաքին, որ կոչի Արտամեա մերձ 'ի Շամիրամակերտ 'ի մեծ գղեկին Վանայ, էր Քահանայ ոմն՝ մեծաղգի եւ մեծատուն, զարդարեալ ամենայն առաքինութեամբք, անուննորա Ստեփանոս: Եւ էր յոյժ պարկեշտ եւ ամօթխած. աղքատասէր եւ ողորմած. հիւրընկալ եւ մարդասէր. առատաձեռն եւ ամենաբաշխ. քաղցելոց կերակրիչ, եւ մերկացելոց զգեցուցիչ. եւ յայլ ամենայն բարեգործութիւնս՝ ժիր եւ արի: Նաեւ 'ի պաշտօնս Աստուծոյ՝ եւ 'ի ժամակարգութիւնս սրբոյ Նկեղեցւոյ անձանձիր աղօթասէր. եւ զի կին նորա ամուլ էր՝ եւ ոչ ծնանէր. վասնորոյ միշտ հայցէր տալ նմա պտուղ օրհնութեան՝ եւ ժառանգ սեպհական: Իսկ որ զկամս եր-

կիւղածաց առնէ Տէր, լուաւ աղօթից նորա, եւ ետ նոցա արու դաւակ: Եւ յաւուր մկրտութեանն անուանեցին զնա Յուսիկ. եւ եօթն ամաց լեալ մանկանն՝ հայրն սկսաւ գրել 'ի տախտակի, եւ ուսուցանել նմա գգիրս Աստուածեղէնս. զի էր յոյժ հանդարտ, շնորհալի եւ առատամիտ. երկարոգի եւ քաղցրածայն. յոյժ հեզ եւ խոնարհ ծնողացն. եւ քաղցր եւ սիրուն յաչս ամենեցուն:

Եւ յորժամ եղեւ մանուկն Յուսիկ երեքտասան ամաց՝ ծնողքն ետուն զնա 'ի քեռին իւր առ մեծ վարդապետն եւ խրատակրօն ճգնաւորն Անանիա՝ 'ի մեծահռչակ աթոռն Վարազայ. զի 'ի նմանէ կատարեալ ուսցի գշին եւ գՆոր կտակարանս Աստուածեղէն սուրբ Գրոց. եւ կացեալ անդ առ վարդապետին ամս չորս, եւ եղեւ յոյժ հմուտ եւ տեղեակ ամենայն Աստուածաշունչ պատգամաց, եւ սքատուիրանացն Աստուծոյ. եւ 'ի չափ հասակի լեալ մանուկն Յուսիկ՝ ծնողքն նորա կամեցան մուծանել զնա 'ի կարգ աշխարհի: Եւ հայրըն նորա Ստեփաննոս քահանայն՝ գնաց 'ի Վարագ՝ էառ հրաման 'ի վարդապետէն: Եւ նա հրամայեաց մանկանն Յուսիկայ գընալ ընդ հօրն 'ի տունն, եւ հնազանդել հրամանաց ծնողացն՝ եւ առնել զհարսանիսըն: Եւ նա ոչ կամէր. զի ուխտ եղեալ

էր ընդ Աստուծոյ սրբութեամբ պահել
 զկուսութիւնն իւր մինչեւ 'ի մահ . բայց
 այժմ ոչ իշխեաց ընդդիմանալ հրամա-
 նաց վարդապետին , այլ՝ արտասուօք համ-
 բուրեաց զաջն , եւ ելեալ 'ի Վարադայ
 գնաց ընդ հօրն իւրում 'ի տուն , եւ արա-
 ըին զհարսանիան :

Եւ յորժամ առանձնացաւ յառադաս-
 տին միայն ընդ հարսին , յիշեաց զուխտն
 իւր որ ընդ Աստուծոյ . այլեւ զողջախոհն
 Յովսէփ՝ եւ զերանելին Ալեքսանոս՝ յօրի-
 նակ եղեալ իւր : Եւ քաղցրութեամբ ասէ
 ցաղջիկն . Գիտացիր՝ քո՞ր իմ ըստ հոգւոյ ,
 զի գրեալ է 'ի գիրս կանոնաց 'ի սուրբ
 Առաքելոցն , Նթէ ոք զիցէ ուխտ առա-
 ջի Աստուծոյ վասն կուսութեան եւ սրբ-
 ութեան անձին իւրոյ՝ եւ ոչ պահիցէ
 մինչեւ 'ի մահ , այլ՝ ուխտազանց լիցի ա-
 մուսնութեան մեղօք , նա ուրացող լինի
 Քրիստոսի , եւ ատելի ամենայն սրբոցն
 Աստուծոյ . ճշմարտութեամբ այժմ ասեմ
 քեզ զխորհուրդ իմ . զի ես ուխտ եղեալ
 եմ ընդ Աստուծոյ սրբութեամբ եւ անա-
 րատութեամբ պահել զկուսութիւնս իմ
 մինչեւ 'ի մահ : Զի թէ ամուսնութեամբ
 ապակիանեցից զկուսութիւնդ քո՝ լինիմ
 ուխտազանց եւ ուրացող : Ասէ աղջիկն .
 Նթէ ամուսնութիւնն անարէնութիւն եւ աւ-
 պակիանութիւն է , ասլա զիսպոյ 'ի սուրբ

եկեղեցւոջ՝ Աստուծոյ հրամանաւ , եւ ձեռ-
 ոամբ Քահանայից , Խաչիւ եւ Աւետարա-
 նաւ դնեն պսակ 'ի գլուխ փեսային : եւ
 հարսին՝ եւ լինին մարմին մի ըստ հրամա-
 նին Աստուծոյ : Ասէ մանուկն Յուսիկ .
 Ծանիր՝ քնյր . զի պսակն զոր քահանայ-
 քըն դնեն 'ի վերայ գլխոց մերոց՝ այն մար-
 մնաւոր է եւ ապականացու . եւ ընդ մե-
 ռանել մարմնոյն՝ անցանեն ընդ նմա ամե-
 նայն փառք եւ մեծութիւնք եւ վայելչ-
 չութիւնք աշխարհիս : Իսկ այն կենաց
 պսակն եւ փառքն եւ ուրախութիւնք սրբ-
 բոցն , անանցանելի եւ յաւիտենական են :

Եւ իսկոյն լոյս Աստուածային շնորհա-
 ցըն ծագեաց 'ի սիրտ աղջկանն : Եւ ասէ
 Յուսիկ . Արդ՝ դիցուք ուխտ առաջի
 Աստուծոյ ծածուկ 'ի մարդկանէ , զի 'ի
 միասին կացցուք աստ 'ի տան հօր քում .
 եւ պահեսցուք անարատ սրբութեամբ
 զկուսութիւնս մեր՝ որպէս զհոգեւոր եղ-
 բայր ըստ հաճոյից կամայն Աստուծոյ :

Եւ զայս լուեալ պատանւոյն՝ ասէ . Տէր
 Աստուած մեր պահեսցէ զմեզ յուխտին
 մերում զոր ուխտեցաք՝ եւ փրկեցէ յա-
 մենայն որոգայթից հոգւոյ եւ մարմնոյ :
 Եւ ապա 'ի ծունկս անկեալ արտասուօք
 եւ բազում պաղատանօք՝ յանձնեցին Աս-
 տուծոյ զինքեանս : Եւ զկնի աղօթիցն ա-
 ռանձնացեալ զատ 'ի միմեանց ննջեցին .

եւ յորժամ հարին զգիշերային ժամն, յայն-
 ժամ յարուցեալ մանուկն Յուսիկ հոգեւոր
 սիրով մխիթարեաց զաղջիկն. եւ յորդորեաց
 ջերմ սիրով եւ երկիւղիւ կալ յաղօթա
 առ Աստուած :

Եւ ինքն ելեալ 'ի տանէն ուրնխու-
 թեամբ գնաց յեկեղեցին 'ի ժամ աղօթիցն :
 Եւ այնպէս անիւն եւ երկիւղիւն Աստու-
 ծոյ՝ կացին եւ մնացին 'ի միասին անարատ
 սրբութեամբ՝ զամս երեքտասան անյայտ
 'ի մարդկանէ, բայց միայն ծածկագլոտին
 Աստուծոյ յայտնի էր : Եւ ապա քահանայն
 Ստեփանոս՝ խորհեցաւ ձեռնադրել զՈրդին
 իւր քահանայ. վասնորոյ կոչեաց զԱնա-
 նիա վարդապետն, եւ հանգէս մեծ ա-
 րարեալ բազմութեամբ եպիսկոպոսաց՝
 վարդապետաց՝ քահանայից, որոց ամենե-
 քին կամեցան, եւ ձեռնադրեցին զՅուսիկ
 քահանայ. եւ արարին ուրախութիւն մեծ
 հոգեւոր եւ մարմնաւոր զաւուրս եօթն :

Եւ յետ երկուց ամաց վեցհարիւրորդում
 եօթանասներորդում հինգերորդում ամի-
 սուրբ քահանայն Ստեփանոս փոխեցաւ առ
 Քրիստոս : Եւ սուրբ քահանայն տէր Յու-
 սիկ՝ օր ըստ օրէ կրթէր զանձն իւր պա-
 հօք եւ աղօթիւք, մաքուր սրբութեամբ,
 եւ ամենայն առաքինութեամբ : Եւ յետ
 ժամանակաց ինչ՝ եղև զալ զօրացն թա-
 թարաց յարեւելս 'ի դերել զաշխարհս Հա-

յոց : Եւ գերեալ զբազումս 'ի գաւառէն Տորայ եւ յԻշտունեաց՝ եւ դարձան 'ի տեղիս իւրեանց բաշում աւարաւ : Եւ ընդ բազմաց գերելոցն՝ գերեցաւ եւ անուանեալ կինն Յուսիկ քահանային 'ի գիւղաքաղաքէն ԱրտաՏետոյ . եւ տարեալ 'ի Շահաստան քաղաքն Թաւրէզ վաճառեցին զնա կնոջ միում Բողաւագի , որ է պոռնկասառնիչ : Եւ կինն այն Բողաւագ էր հաւատովն քրիստոնեայ . իբրեւ գիտաց երիցակինն թէ՛ Բողաւագն քրիստոնեայ է : Աղաչեաց զնա եւ ասաց թէ Ես երիցա'լին եմ պարկեշտութեամբ կացեալ եւ անմերձ 'ի խառնակութենէ անօրինաց : Զի այն Թաւթարն՝ որ զիս գերեայ՝ յառաջին առուրն հիւանդացաւ , եւ Աստուած իմ պահեաց զիս անխորձ 'ի մեղաց . վասնորոյ՝ աղաչեմ զքեզ տիկին , ոչ տալ զիս 'ի գործ մեղաց . զի գիտեմ կերպաս նկարել , եւ գործել մետաքս . եւ այնու քեզ առաւել տամ շահել , եւ 'ի մեղաց աշատ մնամ . զի կին քահանայի եմ սրբութեամբ կ'եցեալ՝ եւ գարշիմ 'ի խառնակութենէ անօրինաց :

Զայս իբրեւ լուաւ Բողաւագն 'ի կնոջէ երիցուն , արար ըստ կասաց նորա : Եւ երէցն Յուսիկ՝ եւ 'ի ինդիր ահուանոյն իւրոյ . եւ զնացեալ եգիտ անդ 'ի Շահաստան քաղաքն Թաւրէզ . եւ կացեալ առաջի Բողաւագին 'ի կերպարանս մուրացողի . Եւ

հարցեալ զնա Բողաւազն ասէ . Որպիսի
ոք ես դու . եւ նա ասէ , Երէց եմ եւ
գերւոյ տէր :

Եւ կինն այն եցոյց նմա զամուսինն
նորա . եւ խօսիին երիցուն ընդ կնոջ իւ-
րում , տեսանէր Բողաւազն , զի շունչ քա-
հանային բոցածաւայ իբրեւ զլոյս ելանէր ,
եւ դարձեալ մտանէր 'ի բերանն նորա 'ի
նշան անմեղութեանն նոցա : Եւ կինն Բո-
ղաւազ՝ հարցեալ զիտաց թէ՝ Դերեւս տը-
ղայ ոչ է եղեալ նոցա : Յայնժամ ազգամամբ
խնամոցն Աստուծոյ ասաց Բողաւազն զե-
րէցն թէ՝ Զ'ի ինչ խնդրեմ 'ի քէն . դու
զոր խնդրեմն տուր ինձ՝ եւ ես զկլնդ քո
տաց քեզ ձրի :

Ասէ երէցն . Զինչ է խնդիր քո աիկին .
եւ նա ասաց , քեզ որդի տալոց է Աստ-
ուած՝ եւ այն քահանայ լինելոց է :

Զայս հայցեմ 'ի քէն տուր մատուցա-
նել վասն հոգւոյ իմոյ զառաջին պատարա-
զըն որդւոյ քոյ՝ 'ի քառութիւն եւ 'ի թո-
ղութիւն բազում մեղաց իմոց :

Ասէ երէցն . Եղիցի ըստ բանի քում .
եւ զխնդրուածս սրտի քո՝ Տէր կատարես-
ցէ :

Ասէ Բողաւազն . Ահա կին քո անփորձ
'ի չարեաց , եւ անմերձ յանօրինաց :

Եւ ահա այլ եւս հինգ հարիւր դահե-
կան ձեզ 'ի պէտս շինութեան , երթայք

ողջութեամբ եւ խաղաղութեամբ : Եւ առ-
 եալ երէցն Յուսիկ զկին իւր՝ եւ եկեալ
 'ի դիւզն իւրեանց Արտամեա՝ արարին շի-
 նութիւն իբրեւ զամս երկուս . եւ 'ի կատա-
 րել շինութեանցն ամենայնի, ասէ երէցն ցա-
 մուսինն իւր . Ի ու ինքնին դիտես՝ զի ամե-
 նայն շինութիւնս մեր զոր արարաք , եւ
 ամենայն կահք եւ կարասիք մեր՝ զոր այ-
 ժրմ ունիմք . այս ամենայն 'ի պարզեւաց ըն-
 շից Բողաւագին է , զոր շնորհեաց մեզ , եւ
 հաւատով խնդրեաց զի 'ի մէնջ եղելոյ որդ-
 ւոյ առաջին պատարագն լիցի 'ի քաւու-
 թիւն եւ 'ի թողութիւն մեզաց նորա . եւ
 զի մեք ուխտեցաք առաջի Աստուծոյ ,
 զի սրբութեամբ պահեսցուք զկուսութիւ-
 նքս մեր մինչեւ ցմահ մեր . եւ ուստի ծնա-
 նիցիս զու որդի՝ որ լինիցի քահանայ . եւ
 զխնդրուածս տիկնոջն այնորիկ կատարես-
 ցէ : Ասէ երիցակինն . Տէր՝ հանապազ
 ասես ցիս թէ՛ առանց հրամանին Աս-
 տուծոյ տերեւ մի 'ի ծառոց ոչ անկա-
 նի , արդ՝ որ ինչ հրաման Տեառն է՝ օրհ-
 նեալ եղիցի յաւիտեան :

Ասէ քահանայն Յուսիկ . Ես երթայց
 'ի սուրբ եկեղեցին՝ եւ անդ 'ի տուէ եւ
 'ի գիշերի աղօթիւք պաշտամամբ եւ պա-
 տարագօք աղաչեցից զտէր Աստուած . եւ
 դու 'ի տան քում 'ի սենեկի աղօթեա
 միշտ ջերմ արտասուօք , թերեւս մարդա

սէրն Աստուած յայտնեսցէ մեզ զհաճոյս
կամաց իւրոց : Եւ 'ի վերայ այսր ուխտի
անցին աւուրք իբրեւ երեսուն , յազգմա-
նէն Աստուծոյ եկն նուիրակ 'ի սուրբ Ե-
րուսաղէմայ վարդապետմի Ստեփանոս ա-
նուն , յոյժ առաքինի եւ ճգնազգեսաց ,
զգաստ եւ պարկեշտ յամենայն ճանապար-
հրս Աստուծոյ՝ յոյժ ծերացեալ ալեօք , սա
գայ 'ի քաղաքն Արտամետ , եւ կացեալ
անդ զաւուրս ինչ , յաւուրն կիւրակէի 'ի
գիշերին՝ զկնի առանձնական աղօթիցն ,
տեսանէր տեսիլ երազոյ . զի էր տէր Յու-
սիկ քահանայն զարդարեալ սպիտակ եւ
պայծառ քահանայական զգեստիւ , եւ
խաչ գաւազան ոսկիագօծ՝ ականակուռ
ընդելուզեալ մարդարտօք ծաղկեալ շու-
շանօք յաջոյ ձեռին նորա , եւ յահեակ ձե-
ռին սուրբ Աւետարան : Եւ 'ի գլուխ գա-
ւազանին ետես բուսեալ կանաչ տերեւովք
մեծավայելուչ վարդ մի՝ շուրջանակի ծի-
րանի կարմրափայլ՝ որպէս զհուր վառեալ
եւ զարհուրեալ 'ի տեսլենէն զարթեալ :

Եւ զկնի արձակման առաւօտեան ժա-
մուն՝ վարդապետն այն , կոչեաց առան-
ձին սա ինքն զտէր Յուսիկ քահանայն .
եւ տարեալ յաւանդատունն , եւ երգմամբ
էհարց զնա վասն վարուց եւ առաքինու-
թեան նորա : Իսկ նա՝ նախ ոչ կամեցաւ
յայտնել նմա բան ինչ՝ մինչեւ ընդ բանիւ .

արար զնա վարդապետն . եւ ապա քահա-
 նայն Յուսիկ , սկսաւ պատմել նմա խոս-
 տովանարար զամենայն մի ըստ միոջէ :
 Եւ վարդապետն Մտեփանոս՝ հիացեալ ա-
 սէ . Օրհնեալ է Աստուած՝ որ տայ զօրու-
 թիւն եւ համբերութիւն սիրողաց իւրոց :
 Եւ ապա յետ հոգեւորական մխիթարու-
 թեանն , ասէ վարդապետն ցտէր Յուսիկ .
 Քիտես , որդեակ՝ զի 'ի սկզբանէ Աստուած
 զնախնիս մեր՝ արու եւ էգ արար . զի ա-
 մուսնութեամբ աճեսցին եւ լցցեն զերկիր .
 որպէս եւ առաքեալն Ռոդոս ասէ . Պա-
 տուական է ամուսնութիւն . վասնորոյ պատ-
 ուիրանադրութեամբ տեսոնես տամ ձեզ
 վերստին հրաման ամուսնութեան ձերոյ :

Ապա յետ աւուրց ինչ , յղացաւ կինն
 տեսոն Յուսիկան . եւ ետ Աստուած նոցա
 զաւակ արու . զաղաւնին ամբիծ զսուրբն
 Մտեփանոս , որ կրթեալ վարժեցաւ 'ի կը-
 րօնս Աստուածպաշտութեան , Նբրեւ ջրը-
 թափեալ եհաս 'ի գիտութիւն բարւոյ եւ
 չարի . սկսաւ զհետ լինիլ բարեաց , եւ
 խորշել 'ի չարեաց պարկեշտ վարուք եւ
 ուղիղ գնացիւք . կրթէր զանձն իւր 'ի
 պահս եւ յաղօթս սրբութեամբ . հեռանա-
 լով 'ի լիտի եւ յանսխտ բարուց կանանց
 'ի տիս տղայութեան , եւ 'ի ախ մանկու-
 թեան զկատարելոցն ունէր յինքեան ըզ
 գիտութիւն . իմաստուն եւ հանճարեղ . ժուժ-

կալ եւ համբերող ուսումնասէր եւ ողորմած . հյու եւ հպատակ հրամանաց ծնողացն . հեղ եւ հանդարտ առ ամենեւին : Եւ եզեւ յաւուր մերում գնալ նմա յաղօրիս՝ տանել ցորեանս 'ի տանէ իւրեանց 'ի գիւղն յԱնգղ , առ ազալ յաղօրիան : Եւ զի էր յաւուրսն յայնոսիկ նուաշուժիւն հացի . եւ աղքատքն յոյժ տառապէին . եւ ետես , զի բազում աղքատք ժողովեալ 'ի դուռն աղօրւոյն , ինքն բարեանունդ պատանին Ստեփանոս՝ բաժանեաց զամենայն ցորեանն աղքատաց կուց կուց , եւ մնաց խորքն դատարկ : Ապա անտես 'ի մարդկանէ ելից զայն մանր աւազով , եւ մոխրով . եւ ասաց ոմանց օգնել ինքեան՝ եւ բառնալ գրաստունն իւրում . եւ բարձեալ զէջն՝ եբեր յԱրտամետ , վարեաց զնա 'ի գաւիթ տան իւրեանց . եւ ինքն փախուցեալ գաղտաբար անկաւ 'ի ճանապարհ , եւ գնաց 'ի Բերկրի : Իսկ երէցն Յուսիկ՝ առեալ զբեռն 'ի դիկանց իշոյն , տարաւ 'ի տուն . եւ մայրն բայեալ զբեռն՝ եհան ալիւր , եւ տարար խհոր , եւ հասուցեալ զհացն ասաց երիցուն . Ել 'ի դուրս , եւ տես զմանուկն՝ եւ ասա , Զի մտեալ կերիցէ հայ , քանչի քաշցեալ է . զի կարծէին թէ՛ ընդ տղայս գեղջ խաղայր , եւ կամ թէ աշխատեալ 'ի ճանապարհին՝ եւ ննջեալ է ուրեք ընդ որմով , եւ կամ 'ի տանիս :

Եւ ելեալ Յուսիկն շրջեցաւ ընդ գիւղըն ողջոյն՝ եւ ոչ եգիտ: Եւ մայրն յոյժ տապնապէր մտօքն թէ՛ Զինչ եղեւ մանուկըն: Եւ յերեկոյին հասեալ՝ առաւել հոգային ծնողքն, զի մինչ մնային՝ թէ ո՛ւր եւ իցէ, երեկոյին եկեալ հասանէ՛ ՚ի տուն, նա ոչ եկն. եւ զգիշերն ամենայն անքուն կացեալ ծնողքն՝ հոգային զնմանէ: Եւ մանաւանդ թէ՛ առաւել եւս մայրն ըստ մայրական գթոյն աղէկիղեալ լայր դառնապէս. որպէս եւ է իսկ սովորութիւն, մարց հոգալ զորդեակս իւրեանց, ասելով թէ՛ Թերեւս քաղցեալ իցեն, կամ թէ ծարաւի իցեն, կամ թէ զինչ արդեօք պատահեաց նոցա, եւ թէ ո՛ւր եւ զիմորդ կեան: Եւ այնպէս զգիշերն ամենայն աղէկիղեալ՝ լացին դառնապէս հայրն եւ մայրն:

Եւ ՚ի վաղիւն գնացին աստ եւ անդ, ՚ի գիւղս եւ ՚ի քաղաքս. գնաց հայրն յԱտան՝ եւ մայրն ՚ի Վան, հարցին եւ ոչ գտին, դարձան ՚ի տուն իւրեանց՝ եւ լային անմխիթար տրտմութեամբ զցայդ եւ զցերեկ:

Եւ ապա յետ տանն աւուր հանդիպեալ ոմն ՚ի ծանօթից նոցա, ետես զնոսա ՚ի լաց տխուր դիմօք: Եւ հարցեալ՝ գիտաց զպատճառն. եւ ասաց թէ՛ ԶՍտեփանոսն ես տեսի այս ինչ օր ՚ի գեղջն Առչանի. եւ ասացի թէ՛ Վանն էր եկեալ

իցէ անդր . եւ նա ասաց թէ՛ հայրն իմ յու-
ղարկեաց զիս երթալ 'ի Բերկրի 'ի պէտա
ինչ իրիք : Եւ նոքա ուրախ լեալ օրհնեցին
զայրն եւ զճանապարհ նորա : Եւ յարուց-
եալ հայրն տէր Յուսիկ զնաց 'ի Բերկրի .
եւ ել 'ի վանս Արգելան , եւ ետես զմա-
նուկն , եւ խնդուծեամբ լցեալ ասաց .
Որդեակ՝ զինչ գործեցեր ընդ մեզ . մայր
քո՝ եւ ես՝ տառապեալ լալաքին աչօք՝
որոնեայ խնդրեցաք զքեզ 'ի Վան եւ
Յոստան՝ եւ 'ի գիւղսն ամենայն : Եւ ապա
ասաց թէ՛ Մայր քոյ հաց հասոյց՝ եւ ես
ելեալ շրջեցայ ընդ գիւղսն ամենայն , եւ
ոչ գտի զքեզ : Եւ ասաց Վտեփանոս թէ՛
Ուստի արար մայրն իմ զհացն : Ասէ երէ-
ցըն . Յալերէն՝ զոր զու բերեր յաղօրւոյն :
Ասէ Վտեփանոս թէ՛ Այն ալիւր երբ էր :
Եւ հայրն ասէր . Որդեակ՝ ցորեան տարար
յաղօրիս՝ եւ ալիւր բերեր . միթէ չէր այն
ալիւր :

Եւ ապա հաւատարմացաւ բանն 'ի սիրտ
Վտեփանոսի . եւ ասէ ցհայրն . Տէր՝
յորժամ հասի ես յաղօրիսն , տեսի անդ
աղքատս բազումս՝ որք հայցէին յինէն ո-
գորմութիւն . եւ ես ետու նոցա կուց կուց
զցորեանն ամենայն , եւ մնաց խորզն դա-
տարի : Ապա հնարս իմացայ , եւ լցի ըզ
նոսսա մանր աւազով եւ մոխրով . եւ բար-
ձեալ իշոյն՝ բերեալ 'ի գիւղն՝ արարի ըզ

գրաստան բեռամբն 'ի բաղն մեր, եւ ես
 փախեայ . զի երկեայ 'ի քէն եւ 'ի մօրէն
 իմմէ, թէ զան հարկանէք, եւ կամ տըր-
 տընջէք զիս . վասն այնորիկ փախեայ եւ
 եկի այսօր : Յայնժամ երէցն Յուսիկ՝ ան-
 կաւ յերկիր՝ եւ արտասուօք գոհանայր
 զԱստուծոյ : Եւ ապա ուրախութեամբ
 լցեայ ասէ . Օրհնեալ է Աստուած, որդեակ՝
 որ 'ի ձեռն քոյ արար զայդ սքանչելիս :
 Եւ արդ՝ արի որդեակ՝ զի երթիցուք 'ի
 տուն մեր առ մայր քոյ . զի եւ նա յոյժ
 տագնապի վասն քոյ . եւ 'ի տեսանելն ըզ-
 քեզ՝ ուրախ լիցի 'ի վերայ քո :

Ասէ Մտեփանոս . Մի արասցէ Աստուած,
 եթէ այլ ես 'ի վանաց աստի ելանեմ . աստ
 կեցից՝ ցորչափ կմն կենդանի . եւ աստ
 մեռայց եւ թաղեցայց : Եւ 'ի շատ ողորքելն
 եւ 'ի ստիպել հօրն զորդին թէ՛ Եկ, զի
 երթիցուք 'ի տուն մեր . զան ժողովին
 միաբանքն ուխտին՝ եւ ասեն ցնա . Որդի,
 երթ գնա ընդ հօրն քում, եւ տես ըզ
 մայր քոյ . եւ յետ աւուրց ինչ զարձեալ
 դու եկ այսօր 'ի վանս առ մեզ :

Եւ նա ոչ լուաւ նոցա, եւ ոչ հաւա-
 նեցաւ գնալ ընդ հօր իւրում : Եւ իբրեւ
 ոչ կարացին հաւանեցուցանել գնա, ապա
 ասեն միաբանքն ուխտին ցհար մանկանն .
 Տէր Յուսիկ . արդ՝ արի դու՝ եւ երթ գնա
 'ի տուն քոյ՝ եւ առեալ զմաք մանկանդ

բերցես այսր , զի եւ նա տեսցէ զորդի
իւր :

Եւ այնպէս մնաց Ստեփանոս յայն
վանս , Արգելանի . եւ վարժեալ Աստուա-
ծեղէն գրոց գիտութեամբ՝ եղև արեղայ :
Եւ հայրն ասաց նմա զգերութիւն մօրն եւ
զազատութիւն , եւ զխնդիր բողաւազին : Եւ
նա 'ի պատարագին սկսաւ յիշել զկինն
որոյ անուն էր Բիբի . յայնժամ տեսիլ ա-
հեղ եւ զարմանալի երեւեցաւ նմա . քան-
զի ափշութիւն կալաւ զնա . եւ տեսանէր
զանձն յեզեր արեան ծովու միոջ , եւ կի-
նըն այն Բիբի 'ի մէջ արեան ծովուն : Եւ
նորրնձայ քահանայն որչափ զաղօթս
սրբոյ Պատարագին ասէր՝ կինն այն 'ի
դուրս գայր յարեան ծովէն . եւ ելեալ ար-
տաքս՝ եղաւ 'ի ցամաքի անարատ եւ
սուրբ յարեան ծովէն . եւ երկուց պատա-
րագաց չափ յամեցաւ , եւ ապա կատար-
եաց զՊատարագն : Եւ 'ի հարցանել ծե-
րոցն զպատճառս յամելոյն , ապա ա-
սաց . նա զտեսիլն՝ զոր ետես . եւ որք
լուանն ուրախ լեալ փառս ետուն Աստու-
ծոյ : Եւ 'ի վաղիւն աղաչեցին զնա ստէպ՝
եւ հայցէին 'ի նմանէ Պատարագ մատու-
ցանել . եւ նա ոչ առ յանձն . այլ այնու
միով Պատարագաւն եկաց զամենայն ժա-
մանակս կենաց իւրոց՝ ասելով թէ՛ Արեան
ծովուն ոչ եմ կարող ընդդէմ կալ . եւ

կացեալ 'ի նոյն վանա Արդելանի . եւ անդ վարժեալ եղեւ վարդապետ ճշմարտութեան : Եւ յերկարեալ 'ի բազում աւուրս բարի եւ առաքինասէր վարուք 'ի հաճոյս կաւանայն Աստուծոյ . դէպ եղեւ 'ի վրդովմանց ժամանակաց եւ յասպատակէ հինից պատերազմաց այլազգեացն , ելանել սրբոյ վարդապետին Ստեփանոսի՝ յերկրէն Տարբերունոյ՝ 'ի սուրբ մենաստանէն Արդելանաց : Եւ գնացեալ 'ի սուրբ լեառն՝ որ կոչի Խաչ գլուխ , ուր սուրբ առաքեալն հայոց Թադէոս , եւ յետ նորա սուրբն Գրբիգոր Լուսաւորիչն մեր՝ Խաչ էին գրոշմեալ մատամբ 'ի գլուխ լերինն . եւ օծեալ էր զլեառնն 'ի վերայ կարծր վիմլին յանապատի սրբոյն Սահակայ Պարթեւի հայոց հայրապետին . ուր բազում ճգնաւորք եւ խստակրօն միանձուռք բնակէին : Որոց էր առաջնորդ՝ սուրբ վարդապետն Գրբիգոր վկայասէրն՝ հրեղէն լեզուն . որ էր այր կորովամիտ եւ բանիրուն , վարժեալ 'ի գիրս Հին եւ Նոր կտակարանաց : Եւ գնացեալ անդ յանապատն սրբոյն Սահակայ՝ սուրբ վարդապետն Ստեփանոս՝ եւ անդ անհնարին եւ խիտ ճգնութեամբ կատարէր զԱստուածահաճոյ վարսիւր : Եւ քանզի ոչ թաքչի քաղաք՝ որ 'ի վերայ լերին կայցէ . եւ ոչ լուցանեն ճրագ՝ եւ գնեն ընդ գրուանաւ , այլ՝ 'ի վերայ աշ-

տանակի , զի ամենեքեան՝ որ 'ի տան
 աշխարհիս իցեն , զլոյս տեսցեն , ելանէր
 համբաւ ճգնութեան վարուց նորա ընդ
 ամենայն շրջակայ գաւառն եւ յամենայն
 հեռաւոր տեղիս . եւ գային առ նա բա-
 զում զիւահարք եւ ակտաժէտք եւ պէս
 պէս ցաւագարք . եւ աղօթիւք սրբոյ վար-
 դապետին՝ ամենեքեան ըստ հաւատոյ
 իւրեանց անուամբն Քրիստոսի Աստուծոյ
 գտանէին զբժշկութիւն եւ զառողջութիւն
 հոգւոյ եւ մարմնոյ . եւ ուրախու-
 թեամբ դառնային 'ի տեղիս իւրեանց՝
 փառաւորելով զՔրիստոս : Եւ այնքան տա-
 րածեցաւ համբաւ սքանչելեաց նորա ընդ
 ամենայն երկիր , մինչ զի այլազգիքն եւ
 Մահմետականք եւս լուեալ զարմանային :
 Եւ ոմանք 'ի նոցանէ հայհոյէին զնա .
 սուտ եւ խաբէբայ կարծէին զնա՝ ասելով
 թէ , Այնպիսի նշանք եւ սքանչելիք Աս-
 տուծոյ միայնոյ գործ է , եւ ոչ հողեղէն
 մարդոյ : Եւ մի ոմն յանհաւատ անօրինա-
 ցըն , չարագործ եւ ժանտաբարոյ , որոյ ա-
 նունն էր Նուսուֆ . 'ի բերդէն Ամկոյ . ար-
 ուեստիւ մտաւաճառ , ըստ չար բարուց
 իւրոց . կամեցաւ նենգութեամբ փորձել
 զսուրբ վարդապետն . եւ զամենայն ըս-
 քանչելիս՝ եւ զբարի համբաւ նորա սուտ
 առնել եւ արհամարհել : Եւ ելեալ զնաց
 'ի վանս Երերնայ՝ յանասլատն սրբոյն Սա-

հակայ . ասելով զանձնէ թէ Քրիստոնեայ
իցէ , զի լաւ գիտէր զլեզու հայոց . եւ ա-
սէր 'ի միտս իւր թէ՛ հոգեւոր բժշկու-
թիւն եւ յգուտ ոչ կարեմ իմանալ եւ տե-
սանել . այլ՝ կամիմ մարմնաւոր կերպիւ
փորձել զսքանչելեաց համբաւ քրիստոնէ-
ից : Եւ խորհեցաւ հնարս այսպիսի . ըզ
կոճղն՝ յորոյ վերայ կոտորէր զմիան 'ի
մատվածառանոցին , հայր իւր անուանեաց
եւ ասէր , Եթէ 'իչոր փայտս այս երեւես-
ցի նշան ինչ , ապա հաւատամ թէ՛ ճշ-
մարիտ են հաւատք քրիստոնէից՝ եւ համ-
բաւ սքանչելեացն Քրիստոսի եւ սիրելեաց
նորա : Եւ մտեալ առ սուրբ վարդապե-
տըն Ստեփանոս իբրեւ քրիստոնեայ , երկըր-
պագութիւն մատուցանէր , եւ հայցէր բա-
ժին յաղօթից նորա . տայր մարմնական
ինչ պարգեւս եկեղեցւոյն եւ վարդապե-
տին . եւ քծնելով ազաչէր , եւ կեղծա-
ւորութեամբ ասէր , Ազաչեմ զքեզ՝ յի-
շել զհայրն իմ յարժանաւոր աղօթս քո՛ ի
ժամ սուրբ Պատարագին : Եւ սուրբ վար-
դապետն ասէ ցնա . Չինչ է անուն հօր
քոյ : Եւ նա ասէ կոճիկ է անուն հօր ի-
մոյ , տէր հոգեւոր : Եւ 'ի գիշերին յայն-
միկ , զի էր կիրակէ՛ եւ տօն տէրունի
յարութեան , սուրբ վարդապետն Ստեփա-
նոս՝ յառանձնական աղօթս իւր՝ զոր մա-
տուցանէր , արտասուահառաչ պաղատա-

նօք հայցէր յԱստուծոյ ողորմութիւն՝ եւ
 բժշկութիւն եւ պայծառութիւն Կոճկին :
 Եւ 'ի վաղիւն ելեալ մսավաճառն 'ի վա-
 նացն՝ համբուրեաց զվարդապետն եւ զնաց
 'ի տուն իւր : Եւ իբրեւ եհաս մերձ 'ի
 խանութն՝ առ զհոտ անուշութեան . եւ
 քացեալ զգուռն խանթին , ետես զկոճղն ,
 զի կանաչացեալ էր ազգի ազգի տերե-
 ւովք . եւ շառաւիղս արձակեալ՝ զոր ոչ
 է տեսեալ ակն մարդոյ : Եւ ապա հոգւոց
 հանեալ՝ եւ արտասուահոս ողբովք երա-
 նի տայր քրիստոնէիցն եւ հաւատոց նոցա :
 Եւ ընթացեալ 'ի տունն առ ընտանիսն եւ
 առ ամենայն բնակիչս պատմեացնոցա ըզ
 մեծ եւ զարմանալի նշանսն . եւ ամենե-
 քեան եկեալ տեսին զսքանչելիսն , եւ
 հիացեալ փառս ետուն Աստուծոյ , եւ երկ-
 մտեցան 'ի հաւատոցն իւրեանց : Եւ ա-
 պա մսավաճառն Եուսուֆ առեալ զկոճղն
 կանաչացեալ շքեղութեամբ՝ եղ 'ի վերայ
 գլխոյ իւրոյ . եւ ամենայն ընտանեօքն եւ
 ազգականօքն զնաց առ սուրբ վարդա-
 պետն Ստեփանոս 'ի վանս Երեքնայ . ան-
 կաւ յոտս նորա , եւ հայցէր զներողութիւն
 եւ զթողութիւն յանցանաց . եւ ասէր թէ՛
 Հայր սուրբ՝ ես խաբէութեամբ փորձեցի
 զքեզ . եւ ապա խնդրեաց զմկրտութիւն :
 Եւ սուրբ վարդապետն մկրտեաց զնա
 ամենայն ընտանեօքն եւ ազգականօքն՝

յաղբիւր անապատին սրբոյն Սահակայ . եւ տեսին ամենեքեան լոյս սաստիկ իջեալ յերկնից 'ի ժամ սրբոյ մկրտութեան վկայ սքանչելեացն Ստուծոյ . եւ եղև ուրախութիւն եւ ցնծութիւն մեծ ամենայն քրիստոնէից : Եւ ապա սուրբ վարդապետն Ստեփանոս եմուտ 'ի տաճար սրբոյն Սահակայ , եւ արտասուաւ ից պաղատանօք խնդրեաց յՍտուծոյ , զի 'ի ձեռն կանաչացեալ կոճեղն այնորիկ , բազում ցաւոց բժշկութիւն եղիցի : Եւ այլ եւս երկոտասան ազգի ախտից առողջութիւն լիցի . եւ մանաւանդ կատաղեալ շանց եւ այլ ամենայն գազանաց՝ որք խածատեն զմարդիկ : Ամենայն հեռաւորաց եւ մերձաւորաց որ գայցեն հաւատովք խնդրել զբժշկութիւն , եղիցինա գարման ցաւոց ականջաց , ատամանց , բերանոյ , որովայնի , որդեճնութեան կանանց , ջերման , այսահարութեան , ախտի բորոտութեան , եւ ամենայն հիւանդութեանց :

Եւ զկնի աղօթիցն՝ ապա ետես սուրբ վարդապետն , զի ձեղունք տաճարին բացան եւ լոյս սաստիկ փայլատակեալ յերկնից եմուտ 'ի տաճարն . եւ ընդ լուսոյն բազմութիւն զօրաց հրեշտակաց՝ եւ 'ի միջինոցինն ահեղ եւ զուարթատեսիլ երիտասարդ մի՝ նստեալ 'ի վերայ շորեքկերպեան աթոռոյ , զոր երեքսրբեան քաղց-

րաձայն բարբառով բերեալ՝ եզին 'ի վե-
 րայ սրբոյ սեղանոյն : Եւ նա ինքն Քրիս-
 տոս ձայնեալ առ սուրբ վարդապետն
 Ստեփանոս՝ քաղցր բարբառով ասաց . կա-
 տարեսցին խնդրուածք քո՝ զոր հայցեցեր
 եւ զոր հայցես . ո՛վ սիրելի իմ . եւ ապա ամ-
 փովեցաւ տեսիլն : Եւ յայնմ օրէ մինչեւ ցայ-
 սօր եւ առ յապայ՝ հաւատացեալք եւ ան-
 հաւատք , որք 'ի հեռաւորաց եւ 'ի մեր-
 ձաւորաց դիմեալ՝ գան հաւատով եւ յուսով
 յուխտ 'ի վանս սրբոյն Սահակայ , առնուն
 զկատարեալ առողջութիւն հոգւոց եւ մար-
 մնոց . եւ զիարատումն ամենայն ցաւոց՝
 չնորհօքն Քրիստոսի եւ աղօթիւք տեա-
 ուրն Յուսկան որդւոյ Ստեփանոսի վար-
 դապետին : Եւ յաւուրս աղուհացից՝ ըզ-
 կնի տօնի սրբոյ Լուսաւորչին՝ 'ի կիրակէի
 առաւօտուն , զկնի գիշերային ժամուն՝
 սուրբ վարդապետն Ստեփանոս գնաց ա-
 ռանձինն յարեւելեան կողմն տաճարին ,
 եւ ըստ իւրում սովորութեան՝ 'ի ծունկս
 անկեալ արտասոււաբուղիս աչօք աղօթս
 մատուցանէր առ Աստուած տարածմամբ
 ձեռաց մինչեւ ցերրորդ ժամ աւուրն : Եւ
 ետես զՔրիստոս մեծաւ փառօք իջեալ 'ի
 վերայ բարձր գղեկին Ամկոյ՝ բերդի ե-
 կեղեցւոյն զոր յառաջագոյն շինեալ էր
 սուրբ առաքեալն Թադէոս . եւ եկաց
 մնաց անդ իբրեւ ժամ մի՝ 'ի տեսութիւն

մխիթարութեան սուրբ վարդապետին, եւ ապա վերացաւ յերկինս: Եւ յետ անցանելոյ ամաց երկոտասանից. 'ի հնգետասաներորդումն Մայիս ամսոյ յաւուր Համբարձման Փրկչին մերոյ յետ սրբոյ Պատարագին, ելեալ սուրբ վարդապետն Ստեփանոս՝ գնաց 'ի լեառն Խաչ գլուխ, ուր սուրբ Առաքեալն թաղէոս, եւ յետ նորա սուրբն Գրիգոր խաչ դրոշմեալ օծեցին, զոր յառաջագոյն յիշեցաք:

Եւ ազգմամբ սուրբ Հոգւոյն՝ յառաջագոյն գիտաց զվախճան իւր, եւ անդ 'ի լերինն առաջի սուրբ խաչացն՝ գծունկան 'ի վերայ ապառաժ վիմի միոյեղ՝ յորում հետք նշանացն եւ տեղիքն յայտնապէս երեւին 'ի տեսիլ սքանչելեաց առնն Աստուծոյ՝ սուրբ վարդապետին Ստեփանոսի: Եւ անդ բազկատարած մաղթանօք եւ յորդահոս արտասուօք հայցէր յԱստուծոյ, զի առաքեսցէ նմա զհրեշտակ բարի եւ խաղաղութեան՝ զի քաղցրութեամբ աւանդեսցէ զհոգի իւր, եւ անխառով խաղաղութեամբ անցցէ ընդ դասս օգայինն այսոցն չարութեան, որք են 'ի ներքոյ երկնից: Նաեւ մանաւանդ խընդրէր զպէս պէս հայցուածս վասն ամենեցուն. աշխարհի խաղաղութիւն, քրիստոնէից անդորրութիւն, եկեղեցեաց հաստատութիւն, հայրապետաց ուղղափառու-

թիւն, վարդապետաց անձանձիր քարոզու-
 թիւն, քահանայից սրբութիւն, կրօնաւորաց արիութիւն այգեւտանեաց պղտ-
 զաբերութիւն, պարտիզաց առաւելութիւն,
 խաչանց եւ անասնոց անսխալ ծննդակա-
 նութիւն, տանց շինութիւն, արանց ի-
 մաստութիւն, կանանց պարկեշտութիւն,
 երիտասարդաց զգաստութիւն, կուսից հա-
 մեստութիւն, տղայոց պահպանութիւն,
 բարեաց լիութիւն, աղբերաց յոլովու-
 թիւն, ծովու խաղաղութիւն, ամպոց քաղ-
 ցրութիւն, անձրեւաց յորդութիւն, գե-
 տոց հանդարտութիւն, թագաւորաց հաշ-
 տութիւն, բռնաւորաց խաղաղութիւն,
 սողնոց եւ ամենայն վնասակար զեռնոց
 եւ թիւնաբեր ճճեաց վերացումն, հիւան-
 դաց առողջութիւն, տկարացելոց զօրու-
 թիւն, գլորելոց կանգնումն. նեղելոց ան-
 դորրութիւն, եւ ամենայն վիրաւորելոց
 փարատումն եւ առողջութիւն, մեղաւո-
 րաց դարձ եւ ապաշխարութիւն, ննջեցե-
 լոց հանգիստ եւ ողորմութիւն, եւ երկ-
 նից արքայութիւն: Եւ ապա յետ աղօ-
 թիցն ետես 'ի վերայ ծովուն 'ի կողմանէ
 արեւմտից հիւսիսոյ ամպ լուսաւոր, եւ
 'ի վերայ ամպոյն զտիրամայր սուրբ Կոյ-
 սըն, որ ունէր 'ի գիրկս իւր զՈրդին Միա-
 ծին պայծառ դիմօք. եւ երկու հրեշ-
 տակք որ գնէին պսակ լուսատու եւ

աստղանման 'ի վերայդ լիսոյ տիրա՛ծօր Առ-
 սին : Եւ ձայն եղեւ 'ի լուսաւոր սուրբ
 մանկանէն առ սուրբ վարդապետն՝ որ ա-
 սէր . կատարեցին ամենայն խնդրուածք
 քո , զորս յառաջագոյն խնդրեցեր եւ զոր
 այժմդ խնդրես , եւ որք հաւատով աղա-
 շեն զիս՝ ապաւինելով 'ի բարեխօսութիւն
 քո՝ ես կատարեցից զամենայն խնդրուած
 ծրա նոցա . եւ դու եկ եւ վայելեա զանըս-
 պառ ուրախութիւնսն , զոր պատրաստե-
 ցեր դու քեզ՝ քոյին անհնարին ճգնու-
 թեամբդ : Եւ յետ աւետաւոր քաղցր բար-
 բառոյն տեսիլն վերացաւ , եւ ինքն մե-
 ծաւ գոհութեամբ փառաւորելով զՔրիս-
 տոս էջ 'ի լեռնէն՝ եւ եմուտ 'ի տաճարն
 սուրբ . եւ անդ գոհացողական եւ սրտա-
 հառաչ պաղատանս առաքէր 'ի վեր առ-
 ամենասուրբ Երրորդութիւնն , միջնորդ եւ
 բարեխօս ունելով զերանելի կոյսն Մարի-
 ամ : Եւ յետ համբարձմանն , 'ի նմին կի-
 րակէի հրամայեաց միում աշակերտացն
 իւրոց՝ որ էր արեղայ յոյժ խստակրօն եւ
 ճգնադգեաց , զի հսկմամբ մատուցանի-
 ցէ զսուրբ Պատարադն : Եւ ինքն հաղոր-
 դեցաւ 'ի կենդանարար սուրբ մարմնոյ եւ
 յարենէ որդւոյն Աստուծոյ : Եւ անկաւ
 'ի մահիճս յաւուր երկուշաբաթւոջ . եւ
 պայծառացան երեսք նորա որպէս ան-
 ուանակցին իւրոյ Ստեփանոսի նախավկա-

յին . եւ բազում խրատս ոգէշահս՝ եւ բա-
 նրս մխիթարականս խօսէր առ ամենայն
 եղբարսն , որք ՚ի կարգաւորաց եւ յաշ-
 խարհականաց եւ յամենայն գաւառաց գա-
 յին եւ ընդունէին ՚ի նմանէ զօրհնութիւն՝
 եւ զառողջութիւն պէս պէս ցաւոց իւ-
 րեանց՝ եւ ուրախութեամբ գառնային :
 Եւ հասեալ յաւուր շաբաթու՝ ՚ի կիրակա-
 մտի երեկոյին՝ ՚ի մեծի փառաւոր տօնի
 Գալստեան Հոգւոյն սրբոյ՝ հրամայեաց եղ-
 բարոյն բառնալ զինքն՝ եւ մուծանել յե-
 կեղեցին ՚ի տաճար սրբոյն Սահակայ : Եւ
 պատուիրեաց պաշտօնէիցն ամենեցուն՝ զի
 յերեկոյէ մինչեւ ցառաւօտն՝ զգիշերա-
 պաշտօն կարգ ժամուցն հսկմամբ կատա-
 րեսցեն : Եւ յորժամ հասին յիւզաբերից
 Աւետարանն՝ մտին ՚ի տաճարն քահանայ-
 քն , եւ սարկաւագունքն , զի զգեցցին
 հանդերձս՝ եւ ընթեռնուցուն զիւզաբերից
 զսուրբ Աւետարանն : Եւ տեսին զսուրբ
 վարդապետն Ստեփանոս՝ ՚ի ծունկս անկ-
 եալ՝ եւ զբազուկս յերկինս տարածեալ , եւ
 այնպէս աւանդեալ զհոգին իւր առ Աստ-
 ոած : Եւ նոքա ոչ ումեք յայտնեցին
 զայն , մինչեւ ցարձակել ժամուն . եւ հոտ
 անուշ բուրեաց ՚ի քիմս ամենեցուն . եւ
 յետ արձակման Պատարագին , ապա ազգ
 արարեալ ամենայն եղբարոյն . որք ձայն
 բարձեալ յոյժ ողբալի սգով եւ մորմոք-

մամբ արարին կոծ մեծ 'ի վերայ նորա :
 Եւ ապա պատեցին զնա մաքուր կտաւօք
 ըստ օրինի . բայց զմաղեղէնն՝ զոր ոչ էր
 փոխեալ երբէք , ոչ հանին յանձնէ ըստ
 հրամանի սրբոյն . եւ զայն օր թողին 'ի
 տաճարի անդ 'ի պատիւ մեծի կ'երակէին :
 Եւ յաւուրն երկուշաբաթւոջ զկնի սրբոյ
 Պատարագին՝ զարդարեցին փոքրիկ սայլ
 մի . եւ իջուցեալ զսուրբ մաքուր մար-
 մինն եղին 'ի վերայ սայլին , զի տարցին
 'ի վանսն Արգելան՝ եւ անդ ամիսօրեացեն ,
 որպէս եւ հրամայեալ էր նոցա յառաջա-
 գոյն : Եւ իսկոյն տեսին , զի բազումք աս-
 տի եւ անտի՝ արք եւ կանայք խաժա-
 տեալք 'ի կատաղեալ շանց եւ վիրաւոր-
 եալք , որք եւ ինքեանք եւս ատամամբ
 իւրեանց խաժատէին զինքեանս եւ վի-
 րաւորէին . որք եկեալ անկանառաջի սայ-
 լին , ուր էր եղեալ սուրբ մարմինն : Եւ
 տեսին յանկարծակի , զի թափեցան 'ի բե-
 րանոց նոցա որպէս դձագս մկանց՝ եւ առ-
 ժամայն սատակեցան . եւ անդէն արար-
 եալ փոսս՝ եւ արկին 'ի ներքս եւ ծած-
 կեցին հողով . եւ ամենայն խաժատեալ-
 քնն եւ վիրաւորեալքն բժշկեցան 'ի ցաւո-
 ցն , եւ առողջացան 'ի հիւանդութեանց
 իւրեանց : Եւ ապա լծեալ զլուծս եզանց՝
 վառեալ լապտերօք եւ անուշահոտ խըն-
 կօք տարեալ 'ի վանսն Արգելան , եւ անդ

ժողովեալ բազում եպիսկոպոսք եւ վար-
 դապետք եւ անթիւ քահանայք եւ ժո-
 ղովուրք՝ եւ մեծաւ պատուով եղին 'ի
 դիր հանգստեան : Եւ շինեցին 'ի վերայ
 սուրբ մարմնոյն մատուռ վայելուչ . որ
 մինչեւ ցայսօր եւ առ յապայ առնէ բա-
 ղում ցաւոց եւ ազգի ազգիախտաժէտաց
 բժշկութիւնս . եւ մանաւանդ խաճատելոց
 'ի կատաղեալ շանց եւ 'ի գայլոց եւ յամե-
 նայն չար դազանաց . որք 'ի հեռաւորաց
 եւ 'ի մերձաւորաց՝ հաւատացեալք եւ այ-
 լազգիք՝ հաւատով եւ յուսով դիմեալ
 գան յուխտ 'ի սուրբ գերեզմանն եւ յա-
 ղօթատեղի սրբոյն՝ առնուն զկատարեալ
 բժշկութիւն , աղօթիւք եւ բարեխօսու-
 թեամբ Ստեփանոսի սուրբ վարդապետին՝
 որդւոյ տեառն Յուսկան : Եւ արդ՝ զմի
 զօրութիւն եւ սքանչելագործութիւն շը-
 նորհեն ամենայնի՝ այս երկու սուրբ մե-
 ծատունքս . այսինքն , անապատն սրբոյն
 Սահակայ, եւ վանքն Արգելանից՝ 'ի փա-
 որս ամենազօր տէրութեան : Եւ զի սուրբ
 վարդապետս այս Ստեփանոս՝ 'ի մանկու-
 թենէ իւրմէ էր յոյժ պահեցող , այնչափ՝
 մինչ զի յաւուրս քառասնորդաց աղուհա-
 ցից պահոց , յերկոտասան աւուր միանգամ
 ճաշակէր հաց . եւ զայն եւս ոչ ցյազ , այլ՝
 ոգեպահ մի : Այլ եւ յաւուրս չորեքշաբա-
 թու եւ ուրբաթու՝ եւ զամենայն տէրունի

չաբաթսն անսուաղ անցուցանէր, եւ էր
 յոյժ ժուժկալ, աղօթասէր եւ արտասուող,
 լռակաց եւ խորհրդական, անձանձիր ու-
 սուցանող, եւ յանդիմանիչ ստահակաց,
 քաղցրախօս, գթած, եւ առատաձեռն .
 երկայնամիտ եւ ողորմած . լի ամենայն շը-
 նորհօքն Աստուծոյ : Որոյ յիշատակն օրհ-
 նութեամբ եղիցի :



ՊԻՏԱՆԻՔ ԵՒ ՕԳՏԱԿԱՐՔ

ԱՍԱՅԵԱԼ, ՅԱՌԱՋՆՈՑ



Եղևկ, պարտէ մեզ հայել յարեգակն որ լոյս ծագէ : Է որ նման է արեւու, եւ 'ի վերայ ոտից իւրոց ընթանայ : Այր գիտուն է՝ որ նման է արեւու. բանք նորա ծագեն իբրեւ զարեգակն . այր տգէտ նրման է օձի, եւ հանապաղ խոցէ զմարդ : Է մարդ որ արժէ հազար, եւ են հազարք՝ որ արժեն զմի . նա՛ որ արժէ հազար առ առն տգիտի՛ եւ դանգ մի անգամ չարժէ :

Բազէ 'ի մորուջ անտառի՛ մերթ բու է եւ մերթ բազէ . ակն պատուական 'ի մէջ ծովու՛ մերթ քար է եւ մերթ ակն պատուական :

Իմաստունն յաչս անմտի՛ զմտաւ ածթէ իմ իմիք նման է . ճրագ առաջի կուրի վառի, եւ նա ոչ գիտէ :

Իմաստունն նման է ծովու՛ զոր որչափ չափէ ոք՝ այնչափ առնու . իսկ անգէտն նման է տկի՛ ուր եթէ սակաւիկ մի աւելի ընուցուս՝ պատառի :

Աշխարհս նման է ճախարակի որ վեր 'ի վայր թաւալի . վեր նորա 'ի վայր դառնայ , եւ վայր նորա 'ի վեր շրջի :

Աշխարհս նման է կանաչ մարդագետնի . մեք եմք 'ի նմա իբրեւ զճագս կաքաւուց . մահն նման լեալ բազէի՝ մի մի առնու եւ կրէ 'ի վեր :

Արդեակք , յորժամ 'ի ճաշնստիք , արարէք զաղքատս ձեզ ընկերս . զի իբրեւ մեռանիցիք եւ երթիցէք անդր , նստջիք քան զայլս 'ի վեր : Մարդ որ երթայ յօտար տեղի , պիտոյ է նմա իմաստութիւն բազում . զի ամենայն մարդոյ խոնարհեացի , եւ յայնժամ գործք նորա կատարին : Իբազում թագաւորաց եւ յարանց իմաստնոց լուայ , եթէ՝ մարդ ոչ յագի մինչեւ մեռանի եւ երթայ յաստի կենաց : Տարեալ դնեն զնա 'ի գերեզմանի , եւ աչք նորա լնուն հողով , յայնժամ զղջայ եւ ասէ . բաւական է , այլ ոչ եւս պիտոյ է : Ոչ ոք 'ի մարդկանէ արար ընդ անձն իւր զոր ենն արարի անձամբ անձին . ունէի աման մի լի ոսկւով եւ հեղեալ վատնեցի 'ի զուր : Մտացայ երիվարս հազար արագունս , արձակեցի զնոսա եւ զայլ ոչ կարացի ունել . արդ զինչ օգուտ եղեւ ինձ յառաջնոյ իմաստութենէ իմմէ , մինչդեռ զառաջին անուն իմ եղծի :

Ոմն ունէր ակն պատուական եւ առ

անմտութեանն ոչ կարաց պահել . յետոյ միտք նորա եկին 'ի նա, այլ ակնն պատուական . չէր 'ի ձեռս նորա : Չօքաւ նըստաւ ուրեք, եւ դառնապէս ելաց . այլ գինչ շահ 'ի լալոյ անտի, զի ակնն պատուական չէր 'ի միջի :

Եղուկ, եւ հազար անգամ եղուկ, որ իմաստունս էի, անմտացայ . քան զկաթն յստակ էի, եւ քան զջուր գարնանայնոյ պղտորեցայ : Էի իբրեւ զմարգարիտ յեռեալ, եւ հոսեցայ 'ի վայր . էի իբրեւ զհանդերձ ծալեալ, եւ մի ըստ միտջէ քակեցայ :

Այր լաւ նա է որ իբրեւ բանայ ըզբերան իւր 'ի խօսել, քաղցր է . այնպիսում լեզոյ ոչ գոյ գին, թէպէտեւ տուն մի լի տացի ակամբ պատուականօք :

Իբրեւ արար Աստուած զաշխարհս, եղ կշռով հուր 'ի հողն, 'ի ջուրն եւ յօգըն . ցորեան մի աւելի ոչ արար, այլ կըշիւ հաւասար չափով եղ զամենայն :

Լեզու գործի է խօսելոյ . լեզու արդարոյ իբրեւ զոսկի սուրբ : Լեզու մարդոյ միատարր է, այլ օծի լեզու կրկին է ծայրիւ : Արդ մարդ որ երկդիմի է խօսիւք, մերթ քաղցր քարբառի եւ մերթ դառն, եղբայր է օծի, եւ զանէծս օծի ընկալցի :

Ոստ ծառոյ յորժամ դօսանայ, ս ասիցէ թէ ծաղկելոց իցէ անդրէն . եւ սպի-

տակ մազ զոր 'ի սեաւ ներկիցէ ոք, ոչ
 ապաքէն դարձեալ շրջէ զգոյն, այսպէս
 այր մեղաւոր եւ սեաւ, զիտեմք զի սպի-
 տականայ, այլ Աստուած զմի ինչ խնդրէ
 'ի նմանէ, զի ասիցէ թէ մեղայ, եւ քա-
 ւեսցի:

Ա	Բ	Գ	Դ	Ե	Զ
Է	Ը	Թ	Ժ	Ի	Լ
Խ	Ծ	Կ	Շ	Չ	Ղ
Ճ	Մ	Յ	Ն	Շ	Ո
Չ	Պ	Ջ	Ռ	Ս	Վ
Տ	Ր	Ց	Ի	Փ	Բ

Ա

071

Սուրբ Երրորդութիւնն փրկէ զքեզ յամենայն փորձութենէ . փարատեցաւ ցաւ սրտի քո . մեծ ուրախութիւն եւ շնորհ յԱստուծոյ . եւ դու բարձրանաս մեծապատուով : Այլ յորժամ ընծայեցար 'ի ծընողաց քոց՝ մեծ հիւանդութիւն կրեցեր . եւ հալածական եղեր յազգականաց քոց եւ 'ի բարեկամաց : Բայց պատրաստ կացո զանձն քո 'ի գազանաց եւ յանօրինաց . զի փոթորիկ կայ առաջի քո եւ չարախօսք քո շատ են . գնա աղօթս արա առ Աստուած զի փրկեսցիս 'ի նոցանէ . եւ խորհուրդ քո զոր ունիս եւ զոր կամիս՝ կատարեսցին . Վիճակ բարի եւ քեզ :

Բ

Բանն Աստուած անսկիզբն՝ որ 'ի հօրէ առաքեցաւ , նա է յոյս նեղելոց . որ փրկէ զքեզ յամենայն փորձութենէ : Փարատեցաւ ցաւ սրտի քո . եւ կատարեցաւ վիճակն քո 'ի բարին . գործ զոր սկսանիս՝ Աստուած յաջողէ քեզ եւ առաջնորդէ : Արդ արա զխորհուրդ քո . եթէ վաճառ ունիս՝ շահիս . եթէ 'ի ճանապարհերթան՝ բարեաւ գնաս . թէ զհեռաւոր զոք ունիս՝ բարեաւ տեսանես . թէ զհիւանդ ոք ունիս՝ վաղվաղակի ողջանայ . զոր կորուսեալ ես՝ գտանես . Աբրահամու վիճակն է :

Գ

Գնա՛ մի ինչ հարցաներ՝ զի բազում
 նեղութիւն ունիս . եւ տրտմութիւն կայ
 առաջի քո . եւ վիշտք մահու տրտմեցու-
 ցին զքեզ . եւ եհաս 'ի վերայ քո նեղու-
 թիւն մեծ . չգոյր քեզ օգնական եւ ոչ
 սիրելի , զի 'ի հայրենական ժառանգու-
 թենէն զրկեցար . եւ այժմ տարակուսեալ
 ես վասն կենացդ : Արդ աղաչեա զԱստ-
 ուած եւ ուխտ կատարեա նմա , որ կոր-
 ծանէ զթշնամին քո , եւ հանէ զքեզ 'ի
 նեղութենէ 'ի լոյս . եւ քո սրտի կամքն
 'ի բարին կատարին . 'ի ջրոյ զգոյշ լեր .
 Յովնանու վիճակն է :

Դ

Դու ո՞վ սիրելի՛ վասն այդր բանի հար-
 ցանես եւ հոգաս հանապաղ . Աստուած
 փրկէ զքեզ եւ հանէ յամենայն նեղութե-
 նէ զանձն քո . եւ յանկարծակի ուստեք
 մեծանաս ընչիւք՝ ուստի ակն ոչ ունիս .
 եւ բանայ քեզ Աստուած դուռն բարի :
 Ի ճանապարհ երթաս եւ բարեաւ գաս .
 եւ թշնամին քո յամօթ լինի . եթէ հեռա-
 ւոր զոք ունիս՝ տեսանես . վիշտք մահու
 տրտմեցուցին զքեզ՝ բայց մոռանաս զայն .
 փոխել կամիս 'ի տեղոջէ 'ի տեղի սակաւ
 մի համբեր եւ ապա փոխեաց . եւ բարիս

գտանես . մեծանաս եւ ուրախ լինիս .
յուսա առ Աստուած զի մի վնասեսցիս .
Գանիէլի վիճակն է :

Ե

Երանի է քեզ ո՛վ սիրելի՛ զի Աստուած է քեզ օգնական . բայց դու յոյժ վաստակեալ ես եւ ոչ եղեւ քեզ հանգիստ, ոչ օգնական , ոչ եղբայր եւ ոչ սիրելի : Որպէս զայլիս ծովու ծփաս . եւ քոց կենացդ հանգիստ ոչ գտանես . ո՛վ սիրելի տնր փառս Աստուծոյ՝ զի ուրախութիւն հասանիցէ քեզ յԱստուծոյ եւ առողջութիւն . եթէ փոխեսցիս 'ի տեղոջէդ բարւոյ հանգիպեսցիս . եւ ամենայն դժուարութիւն 'ի բարին դառնայ . յաւագաց զգոյշ լինիջիր . որողայթ ցուցանեն , յընկերաց եւ 'ի մատնողաց զգոյշ լեր . Սուրբ Գրիգորի վիճակն է :

Զ

Չարմացեալ եմ ո՛վ այր՝ զի երկմտեալ եւ 'ի թշնամեաց սասանիս , եւ խորհիս վասն մեծանալոյ . եւ ոչ խորհիս առնել աղաչանս առ Աստուած . աղօթից ծոյլ ես . վասն այնորիկ եկն 'ի վերայ քո նեղութիւն մեծ , եւ թշնամին քո զօրացաւ 'ի վերայ քո : Գնա աղաչեա զԱստուած եւ ուխտս կատարեա նմա՝ զի հանցէ զքեզ

յամենայն նեղութենէ . եւ ազատեսցես յորոգայթից . եթէ վաճառ ունիցիս՝ սիրով շահեսցիս . Մատթէոսի վիճակն է :

Է

Ո՛վ այր առնուս զոր խորհիսդ եւ ուրախ լինիս . եւ ազատիս՝ իչարէ . գնա գոհացիր զԱստուծոյ : Են որ մտօք չար խորհին վասն քո . բայց Աստուած հանէ զքեզ յամենայն նեղութենէ եւ յորոգայթէ . զի դու բարի ես եւ Աստուած՝ ի բարին առաջնորդէ քեզ . յոր ինչ եւ ձեռն արկանիցես՝ յաջողեսցէ քեզ Աստուած զոր ցանկասն տեսանիցես . զոր կորուսեալն ես՝ գտանիցես . եթէ հիւանդ ունիցիս՝ բժշկեսցի . եթէ տուն շինիցես կամ հողագործութիւն առնիցես՝ ի գլուխ հանցես , եւ մեծասցիս : Ի կախարդ կանանց՝ ի բաց լինիջիր . Մովսեսի վիճակն է :

Ը

Ո՛վ մարդ՝ ժամանակ դժուարութեան եկն ՚ի վերայ քո . եւ տրտմեցար յազգականաց քոց եւ ՚ի բարեկամաց . եւ ազգն քո նենգաւոր եղեւ քեզ . եւ եղեւ աւերումն տան քո . եւ չքջեցար դու ՚ի վերայ երկրի : Այլ գոհացիր զԱստուծոյ . զի գալոց է քեզ ուրախութիւն մեծ . եւ տեսանիցես զոր տեսանելն կամիս . եթէ ՚ի ճա-

նապարհ երթիցես՝ յաջողութեամբ դարձ-
ցիս , եւ զոր ինչ եւ առնիցես՝ յաջողես-
ցէ քեզ Աստուած . զուխտն զոր խոստա-
ցար Աստուծոյ կատարեսցէ . եթէ
վաճառ առնիցես՝ շահեսցիս . ապա մի խոո-
վեսցի սիրտ քո . Սեթայ վիճակն է :

Թ

Ո՛չ յառաջացար 'ի բարին , զրկեցար՝
յորմէ ունէիր . ոչ էր քեզ օգնական , ոչ
եղբայր եւ ոչ սիրելի . Արդ աղաչեա
զԱստուած զի փրկեսցէ զքեզ եւ հանցէ
'ի նեղութենէ զանձն քո : Բայց զու ան-
լսող ես , եւ ծոյլ յաղօթս կալ . վասն այ-
նորիկ եկն 'ի վերայ քո նեղութիւն . եւ
դու շրջեցար յօտար երկիր՝ բայց ոչ վը-
նասեցար : Ապա թէ ոչ դառնաս 'ի կամս
Աստուծոյ , գայ 'ի վերայ քո նեղութիւն .
եւ լինի յափշտակումն ընչից քոց եւ ա-
ւերումն տան քո . եւ ամենայն զինչ եւ
առնիցես՝ ոչ յաջողեսցի . եւ մի տեսցես
զոր տեսանելն կամիս , եւ զոր կորուսեալն
ես մի գտցես : Այլ եթէ դառնաս 'ի կամս
Աստուծոյ , դուռն որ փակեալ իցէ՝ բաց-
ցի քեզ . եւ յաւելցի քեզ մեծութիւն : Գնա
աղօթս արա առ Աստուած եւ ուխտս կա-
տարեա . եւ մի եւս այլ չար գործեսցես ,
եւ ազատեսցիս 'ի տանջանացդ . Սուրբ Գը-
րիգորի վիճակն է :

Ժ

Զորմէ եւ բուն արկանիցես՝ յաջողեսցէ քեզ Աստուած . եւ արա զխորհուրդ սիրտ քո : Աւետիա տուր անձին քո՝ եւ ուրախ լեր յայն յոր ձեռն արկեր : Ի ձեռաց քոց ելանէ ողորմութիւն . եւ բազումք կերիցեն զվաստակս ձեռաց քոց : Այլ հիւանդացար յոյժ , եւ մերձ 'ի մահ եղեր . եւ Աստուած եհան զքեզ 'ի նեղութենէ եւ ապրեցոյց : Ի հեռաւոր ուստեք՝ յորմէ ակն ոչ ունիս՝ բարիք գալոց են քեզ . եւ տրտմութիւն քո՝ յուրախութիւն փոխեսցի . զի դու բարի ես՝ եւ Աստուած 'ի բարին առաջնորդէ քեզ . եւ որդիք շնորհաց լիցին քեզ : Այլ չես բախտաւոր 'ի սիրելեաց . վասն այնորիկ զգոյշ լեր՝ զի դուր 'իլեզու անկանիս եւ տուգանս տաս Գնա աղաչեա Աստուած եւ ուխտս կատարեա նմա , զի ողորմութիւն նորա եկեսցէ 'ի վերայ քո . թէ 'ի ճանապարհ երթիցես՝ յաջողութեամբ դարձցիս , եւ բարւոյ հասանիցես . Սողոմոնի վիճակն է :

Ի

Ո՛վ այր՝ ապաւինեալ ես 'ի խորհուրդ քո եւ մոռանաս զուխտն Աստուծոյ . զի տրտմութիւն քո՝ յուրախութիւն փոխի .

'ի հեռաւոր տեղեաց՝ ձայն աւետեաց լըսես . կամ հեռաւոր մարդ տեսանես . եւ յԱստուծոյ առողջութիւն գտանես . եւ դարման ոսկերաց քոց ոչ պակասէ . բայց ծնողաց քոց դիմադարձ մի լինիր զի զոր ինչ եւ խնդրիցես յԱստուծոյ տացէ քեզ : Եւ փոխել տեղւոջէ 'ի տեղի բարի լինի քեզ . եւ յամենայն դժուարութենէ ազատիս . եւ զինչ խորհուրդ եւ ունիցիս , եւ յոր ինչ եւ ձեռն արկանիցես , արա եւ կատարես , շահեսցիս եւ մեծանայցես յոյժ . եւ վախճան քո բարի լինիցի . Ղազարու վիճակն է :

L

Ո՛վ այր՝ տեսանեմ զքեզ եւ զխորհուրդ քո զի նման են ալեաց ծովու . նման ես դու ճնճղկի որ անկաւ 'ի ձեռքս որսորդաց . նոյնպէս եւ դու 'ի ձեռս բռնաւորաց անկանիցիս : Գնա աղաչեա զԱստուած եւ ուխտս կատարես նմա . զի փրկեսցէ զքեզ աէր Աստուած քո յամենայն որոգայթէ եւ 'ի նեղութենէ . բացցէ քեզ դուռն բարւոյ եւ մեծութեան . այլ զուխտն զոր խոստացար՝ կատարես : Ապա թէ ոչ դառնաս 'ի կամս Աստուծոյ , գայ 'ի վերայ քո նեղութիւն . եւ լինի յափշտակումն տան քո եւ ընչից քոց : Եւ դու հալածական լինիցիս . եւ վիշտ մա-

հու տրտմեցուցեն զքեզ . եւ յօտար երկիր վտարիս : Եւ եթէ դառնաս 'ի կամս Աստուծոյ , դուռն մի փակեալ բացցի քեզ . եւ յոր ինչ եւ ձեռն արկանիցես՝ յաջողեսցէ քեզ Աստուած : Այլ զգոյշ լեր 'ի ջրոյ եւ 'ի գազանաց . եւ 'ի չար գործոց . Յովնանու վիճակն է :

Խ

Ո՛վ մարդ՝ ողորմութիւնն Աստուծոյ լիցի ընդ քեզ զամենայն աւուրս կենաց քոց . բայց յօտար աշխարհ վտարեցար . զո ոք եւ կամիցիս՝ տեսանիցես . զինչ կամիցիս՝ առնուցուս՝ զոր եւ կորուսեալ իցես՝ գտանիցես . այլ չես բախտաւոր յընկերաց . յԱստուծոյ բազում շնորհ ունիս . եւ որդի շնորհաց լիցի քեզ : Բայց վիշտս մահու տրտմեցուցին զքեզ . իսկ բան եւ խորհուրդ զոր արարեալ ես՝ գնա , արա , շահիս եւ բարի գտանես . այլ յազգէ քումմէ ինչ ոչ շահիս : Եւ 'ի քոց վաստակոց բազումք կերիցեն . եւ պարգեւս յԱստուծոյ առնուցուս . յառնակին կնոջէ մի խաբեսցիս . 'ի յիշողաց եւ 'ի կախարդաց զգոյշ լեր . սուրբ Մարտիրոսի վիճակն է :

Ծ

Ո՛վ այր դու՝ նման ես գետոյ որ եր-

Թայ յերկար եւ ոչ գոյ 'ի նմա դադարու-
մբն : Դու հալածական եղեր եւ 'ի հայրե-
նական ժառանգութենէն զրկեցար . եւ
'ի ծնողաց քոց ոչ խնդացեր . զրաբախտ
ես զի ամենայն ոք զրկեալ է զքեզ : Արդ
աղաչեա զԱստուած եւ ուխտս կատարեա
նմա . զոր օգնեսցէ քեզ Աստուած եւ
փրկեսցէ զքեզ յորոգայթէ : Դու մի տրտ-
միր զի իրացդ դժուարութիւն 'ի լոյս ե-
լանէ . եւ քեզ ձայն աւետեաց գայ եւ
դու խնդաս եւ ուրախ լինիս . յանկար-
ծակի մեծութիւն գայ քեզ՝ ուստի ակն
ոչ ունիս . Սեթայ վիճակն է :

Կ

Ո՛վ սիրելի՛ կակղացո զբարս քո
եւ պահեա զկամս Աստուծոյ . եւ սուր
հաց քաղցելոց եւ ջուր ծարաւեաց : Ապա
թէ ոչ դառնաս 'ի կամս քո . յայնժամ
գայ 'ի վերայ քո նեղութիւն մեծ եւ յա-
փշտակումն ընչից քոց եւ աւերումն
տան քո . եւ ամենայն ինչ յոր արկ-
ցես ձեռն ոչ յաջողեսցի . եւ որում ցան-
կաս ոչ հասանիցես . եւ զոր կորուսեալ ես
ոչ գտանիցես : Ապա եթէ դառնաս 'ի կա-
մբս Աստուծոյ եւ զպատուիրանս նորա պա-
հես , ողորմութիւնն Աստուծոյ հասանէ 'ի
վերայ քո . եւ յաւագաց մեծարեսցիս . եւ
զուռն մի փակեալ բացցի քեզ , եւ յա-

ւելու մեծութիւն քո : Որպէս Արեգակն
'ի վերայ արարածոց՝ այնպէս Աստուծոյ բա-
րին հասանէ 'ի վերայ քո . եւ յաջողէ քեզ
զոր ինչ դու կամիս . աչք աւազաց քաղ-
ցրանան 'ի դէմս քո . եւ ամբ բարեաց
զան քեզ . Յակոբայ վիճակն է :

Հ

Ո՛վ մարդ՝ աւետիս տամքեզ . զի դու բա-
րի ես եւ Աստուած 'ի բարին առաջնորդէ
քեզ . եւ Տէր վրկեաց զքեզ յամենայն
որոգայթէ : Լիցիս ցանկալի ամենեցուն .
եւ ոչ լինիցի պակասումն ընչից քոց . եւ
տայ քեզ Աստուած փառս եւ մեծութիւն .
բայց զգոյշ լեր 'ի լեզուէ մի գուցէ խա-
բեսցիս , զի հանապազ ընդ քեզ է այն
լեզու : Գնա ազաչեա զԱստուած եւ ուխ-
տըս կատարեա նմա զի ազատեսցիս 'ի
չարէն . զինչ խորհուրդ ունիս՝ արա եւ մի
երկնչիր . զոր ինչ եւ կամիս այնպէս կա-
տարեսցի . Բարսղի վիճակն է :

Չ

Ո՛վ մարդ՝ ճայն ցնծութեան եւ ուրախու-
թեան մատուցանեմ քեզ . զի դու երկու-
ցեալ ես եւ տարակուսեալ . եւ սասանե-
ցար յազգաց եւ 'ի բարեկամաց քոց . եւ
ազգն քո նենգաւոր եղեւ քեզ . եւ 'ի բա-
զում իրաց զրկեցար : Տուն քո հայրենի՝

դարձաւ յաւեր . եւ դու շրջեցար 'ի վերայ երկրի . եւ սուգ մահու տրամեցոյց զքեզ . այլ այժմ փառս տուր Աստուծոյ՝ զի հասեալ է քեզ ուրախութիւն մեծ . բազմանայ մեծութիւն քո , ոսկին եւ արծաթն . զինչ եւ կամիցիս կատարեսցի : Այլ զգոյշ լեր յանօրինաց եւ 'ի պոռնկութենէ զի մի յորոգայթ անկանիցիս . եթէ հեռաւոր զոք ունիցիս գայցէ . եւ զայլ զինչ խորհուրդ զոր ունիս կատարեսցի . Մովսեսի վիճակն է :

Ը

Ո՛վ մարդ՝ պարգեւեցաւ արձակումն կապանաց քոց . որպէս մոգքն որ ելին յարեւելից եւ եկեալ առ Քրիստոս գտին զնա եւ ուրախ եղեն , նոյնպէս եւ դու ուրախ լինիս 'ի բանս քո եւ 'ի խորհուրդս զոր ունիս : Թէ 'ի ճանապարհ երթաս՝ բարեաւ դառնաս . եւ բարիս գտանես : Որպէս Մովսէս յաղթեաց Փարաւոնի եւ Եգիպտացւոցն , նոյնպէս եւ դու յաղթեսցես թշնամեաց քոց . եւ զոր ինչ խորհեալ ես զնա արա . 'ի բարին առաջնորդեսցէ քեզ Տէր Աստուած . Մոգուց վիճակն է :

Ճ

Ո՛վ մարդ՝ զոր հարցանես՝ ասեմ քեզ , եղեր դու 'ի մանկութենէ քումմէ հայա-

ծական . եւ պանդխտութիւն կրեցեր զամենայն աւուրս կենաց քոց . եւ սասանեցար յազգաց եւ յանօրինաց . եւ ազգն քո նենգաւոր եղեւ քեզ : Ով սիրելի մի երկնչիւր՝ զի հասեալ է քեզ ուրախութիւն եւ կատարեցաւ վիճակ քո՛ր բարին . զինչ եւ խնդրեսցես յԱստուծոյ՝ տայցէ քեզ Աստուած . եթէ ՚ի ճանապարհ երթիցես յաջողութեամբ դարձցիս . այլ ՚ի կանանց դրացեաց զգոյշ լեր , զի բազում բամբասանս լսես . Դանիէլի վիճակն է :

Մ

Ո՛վ այր՝ նենգաւոր տեսանեմ զքեզ . արդ ՚ի չարիսդ յիմարեալ ես եւ ընկերի քում չար առնես . եւ ամենեցուն վնաս խորհիս : Ընկեա զնենգութիւն ՚ի մտաց քոց . եւ ընկերի քում չար մի խորհիւր . զի մի անկանիցիս ՚ի մեծ նեղութիւն . եւ պատուհաս գայցէ ՚ի վերայ քո : Ոչ խընդացեր ՚ի ծնողաց եւ ոչ ՚ի զաւակաց . եւ ամենայն բան զինչ եւ առնես՝ ոչ յաջողի քեզ : Ապա եթէ դառնաս ՚ի կամս Աստուծոյ՝ եւ ընկերի քում եւ ամենայն մարդոյ նենգութիւն ոչ առնես , ծագէ Աստուած զողորմութիւն իւր ՚ի վերայ քո եւ ոչ լինի նուազութիւն ընչից քոց . եւ մեծաւ պատուով վախճանիս . Յարեթայ վիճակն է :

Յ

Ո՛վ մարդ՝ աւետիս տամ քեզ . զի կատարեցաւ վիճակն քո ՚ի բարին . եւ դու խորհուրդ ունիս ՚ի սրտի քում . ոչ կարես ունել եւ ոչ թողուլ . մի երկնչիր գընա արա . զի խորհուրդ քո ՚ի բարին կատարեցաւ : Որպէս լուսինն որ զխաւարին գիշերն լուսաւորէ՝ այնպէս լուսաւորի խորհուրդ քո զոր խորհիս . եւ հասանէ քեզ մեծութիւն յԱստուծոյ . եւ ում ցանկաս հասանեց . եւ յաւագաց բարի գտանես . եւ զաւետեաց ձայն լսես եւ խնդաս . գնա աղաչեա զԱստուած զի խորտակեսցէ զքո թընամին . Սուրբ Գրիգորի վիճակն է :

Ն

Ո՛վ մարդ՝ ահա ՚ի նենգութեան տեսանեմ զքեզ . զի մեծամեծ որոգայթ ք կան առաջի քո . եւ ՚ի նեղութիւն անկանիցիս : Բազումք խորհին քեզ չարիս եւ դու ոչ իմանաս զկորուստ անձին քո . եւ զի ոչ առնես զկամս Աստուծոյ՝ վասն այնորիկ եկն ՚ի վերայ քո նեղութիւն . խորհուրդ զոր ունիս ոչ կատարի . եթէ ՚ի ճանապարհ երթաս՝ ոչ լինի քեզ բարի : Այլ եթէ դառնաս ՚ի կամս Աստուծոյ եւ զուխտն զոր խոստացեալ ես կատարես , փակեալ դուռն մի բանայ քեզ . եւ յաւելու մեծութիւն քո :

Շ

Ո՛վ մարդ՝ բազում բարիս տեսանեմ առաջի՝ քո . առնուս պարգեւս 'ի մեծամեծաց . ուրախ լինիս եւ բարւոյ հանդիպիս . խնդաս 'ի զաւակէ, 'ի կնոջէ քուսմէ . եւ լինիս յիշատակ ծնողաց քոց : Եւ զինչ եւ խնդրես յԱստուծոյ՝ առնուս . զոր կորուսեալն ես՝ գտանես . եթէ հեռաւոր զոք ունիս՝ դայ եւ տեսանես եթէ հիւանդ ունիս՝ ողջանայ . եւ օր ըստ ատողջագոյն լինի :

Ո

Ո՛վ մարդ՝ պարտ է քեզ յամենայն ժամ գոհանալ զԱստուծոյ, զի թէպէտ եւ տրամեցար, բայց դարձեալ ուրախ լինիս եւ շնորհք Աստուծոյ հասանեն 'ի վերայ քո : Այլ զգոյշ լեր յանօրինաց եւ 'ի գազանաց, զի որոգայթ կայ առաջի քոյ . բայց պարգեւ եւ շնորհ յԱստուծոյ առնուս . եւ յորդոց քոց խնդաս . եւ լինիս ցանկալի ամենեցուն . եւ ոչ լինի պակասումն ընչից քոց : Եթէ փոխիս 'ի տեղւոջէ 'ի տեղի՝ բարւոյ հանդիպիս . ձայն աւետեաց լսես . եւ զհեռաւոր զոք տեսանես . մահ քո լիցի յաւուր բարի . եւ երազի զոր տեսեր բարի է . Աբրահամու վիճակն է :

Զ

Ո՛վ մարդ՝ փառաւորիս յամենեցունց .
 եւ առնուա իշխանութիւնս բարի . թշնամին քո յամօթ լինի . եւ յօտար երկիր դընաս . եւ առնուա պարգեւս . եւ յամենայն դժուարութենէ ազատիս . եւ զո ոք եւ կամիցիս՝ յաջողութեամբ տեսանես . եւ ում ցանկաս՝ հասանես : Այլ զգոյշ լեր 'ի գազանաց եւ 'ի բարձր տեղեաց . 'ի կախարդաց եւ 'ի լկտի կնօջէ՝ որ զբազումս արկեալ իցէ 'ի խաբէութիւն : Գնա աղաչեա զԱստուած եւ ուխտս կատարեա նմա . զի ազատեսցիս 'ի բազում չարէ . եւ բացցէ քեզ տէր Աստուած դուռն բարի 'ի մեծութիւն . Սեթայ վիճակն է :

Պ

Պարգեւ բարեաց տացէ քեզ Աստուած . չարն հեռացաւ եւ բարին մերձեցաւ կամօքն Աստուծոյ : Եւ դու ես իմաստուն որ խրատ տաս ամենեցուն . բայց պահեա զանձնքո 'ի չար կամաց . եւ զոր ինչ գործեսցես , եւ յոր ինչ եւ ձեռն արկանիցես՝ 'ի բարին առաջնորդեսցէ քեզ տէր Աստուած . այլ դու չես բախտաւոր 'ի սիրելեաց : ՅԱստուած ապաւինեսջիր որ կործանէ զքո թշնամին . եւ հանէ զքեզ յամենայն որոգայթէ . եւ լինիս ցանկալի

ամենեցուն . եւ ոչ լինի պակասումն ընչից
քոց եւ զինչ եւ խորհեցիս՝ կատարեսցի
'ի բարին . Մովսէսի վիճակն է :

Զ

Ո՛վ մարդ՝ մեծ էիր եւ խոնարհեցար .
զմտաւ ածես եւ ոչ կարես կալ 'ի վերայ
իրիք . դու մի՛ տրամիր՝ գալոց է քեզ ու-
րախութիւն մեծ՝ ուստի ակն ոչ ունիս .
զի դու բարի ես՝ եւ Աստուած 'ի բարին ա-
ռաջնորդեսցէ քեզ : Փոխանակ տրամու-
թեան՝ ուրախութիւն լիցի քեզ . բարի եւ
չնորհ առցես յԱստուծոյ : Գնա արա ըզ
խորհուրդ քո . եթէ վաճառս ունիցիս՝ շա-
հեսցիս . եթէ 'ի ճանապարհ երթիցես՝ յա-
ջողութեամբ դարձցիս . այլ քանզի վասն
բախտի հարցանես եւ 'ի քննութիւն մտա-
նես , Աստուած բանայ քեզ զդուռն բար-
ւոյ . եւ յաւելու զմեծութիւն . Մատթէի
վիճակն է :

Թ

Ո՛վ մարդ՝ սասանեցար յազգաց եւ յա-
նօրինաց . եւ եհաս 'ի վերայ քոյ տրամու-
թիւն . եւ եղեւ աւերումն տան քո 'ի բա-
րեկամաց քոց . եւ խորհուրդ քո հանա-
պազ 'ի դերեւ ելանէ : Ո՛վ այր՝ մի՛ հոգար
վասն այդր բանի զի վաղվաղակի դայ 'ի
վերայ քո բարին . եւ տէր Աստուած հա-

նէ զքեզ 'ի խաւարէ 'ի լոյս . եւ հասանիցես
որում ցանկասն : Այլ զգոյշ լեր յընկերաց'
զի չես բախտաւոր եւ է մարդ մի չարակն'
որ մտօքն չար խորհի քեզ . 'ի կախարդաց
'ի բաց կաց . Աղամայ վիճակն է :

Ս.

Ո՛վ մարդ՝ վասն կենաց քոց ընդէր
հարցանես . զի յիմարեալ ես եւ չար խոր-
հիս . եւ ամենեցուն վնաս առնես . 'ի տեղ-
ւոջէ 'ի տեղի փոխիս՝ եւ ուրեք ոչ հաս-
տատիս . զոր կորուսեալն ես ոչ գտանես :
Ընկեա զնենդութիւն 'ի մտաց քոց . ընկերի
քում եւ ամենայն մարդոյ չար մի՛ խոր-
հիր . ապա թէ ոչ անկանիս յորոգայթ .
գնա աղաչեա զԱստուած զի փրկեսցիս 'ի
բազում չարեաց :

Վ.

Ո՛վ սիրելի՛ տուր փառս Աստուծոյ , զի
գալոց է քեզ ուրախութիւն ուստի ակն ոչ
ունիս : Եւ 'ի քոց վաստակոց բազումք
կերիցեն եւ զաւակ մի խնդամիտ տեսա-
նես . եւ տացէ քեզ Աստուած առողջու-
թիւն : Այլ զգոյշ լեր 'ի չարագէմ մարդոյ
եւ 'ի չարակն կնոջէ . որ մտօք չար խոր-
հին քեզ . 'ի բաց կաց 'ի նոցանէ զի մի ան-
կանիցիս 'ի փորձութիւն . եւ զինչ եւ առնի-
ցես՝ 'ի բարին առաջնորդէ քեզ տէր Աստ-

ուած . 'ի հեռաւոր տեղեաց ձայն աւետեաց լուիցես կամ զհեռաւոր զոք տեսանիցես , գնա արա զխորհուրդ քո :

Տ

Ո՛վ մարդ՝ ուրախութիւն մատուցանեմ քեզ . զի դու զարհուրեալ եւ տարակուսեալ եւ զբարախտ ես . զոր տասն՝ կռուով արկանես . ում բարիս առնես՝ նա քեզ չար առնէ : Այլ յաղօթից եւ յաղաչանաց դու մի՛ գաղարիբ . գալոց է քեզ ուրախութիւն ուստի ակն ոչ ունիս . եթէ հեռաւոր զոք ունիս՝ գայցէ . եթէ աղքատ ես՝ մեծանայցես . թէ հիւանդ ունիցիս՝ առողջասցի . եթէ տեսիլ տեսեր՝ բարի է . Ղուկասու վիճակն է :

Բ

Ո՛վ մարդ՝ ցնծութիւն եւ ուրախութիւն տամ քեզ . զի դու բարի ես եւ Աստուած 'ի բարին առաջնորդէ քեզ . եւ ում ցանկաս՝ հասանես . բայց թշնամիք քո բազում են . այլ դու մի՛ երկնչիր 'ի նոցանէ՝ զի Աստուած է քեզ օգնական . բայց եւ 'ի կնոջէ չես բախտաւոր : Զգոյշ լեր զի մի՛ 'ի բանտ մտանիցես . արդարեւ տուգանս տացես . այլ զոր ինչ կորուսերն գտանես . Ի ճանապարհ կամիս երթալ եւ երկմիս ես . գնա եւ մի՛ երկնչիր . յաջողութեամբ

դարձցիս յո՛ եւ երթաս . զինչ կայցիս յա-
 ջողեսցէ քեզ Աստուած . եւ զինչ խոր-
 հուրդ եւ ունիցիս՝ Աստուած՝ ՚ի բարին կա-
 տարեսցէ . եւ օր քան զօր լաւագոյն լի-
 նիցիս . Մարկոսի վիճակն է :

Յ

Ո՛վ մարդ՝ բազում բարիս տեսանեմա-
 աաջի քո . առնուս պարզեւս ՚ի մեծամե-
 ծաց . ուրախ լինիցիս եւ բարւոյ հանդի-
 պեսցիս : Խնդայցես ՚ի զաւակէ եւ ՚ի կնո-
 ջէ քու մմէ . եւ լինիցիս յիշատակ բարի
 ծնողաց քոց . թէ փոխիս ՚ի տեղւոջէ
 քու մմէ՝ ոչ հաստատեսցիս . զի ամենե-
 քեան նենգաւորք են քեզ : Եւ ՚ի մար-
 դոյ չես բախտաւոր . այլ քո բարին յԱ-
 ստուծոյ է . եւ տայ քեզ Աստուած զիւր
 ողորմութիւնն անչափ . եւ յամենայն դըժ-
 ուարութենէ ազատեսցիս . եւ երազն զոր
 տեսեր՝ ՚ի բարին կատարեսցի :

Ի

Ո՛վ մարդ՝ չարն հեռացաւ ՚ի քէն եւ
 բարին մօտեցաւ . այլ սասանեցար յազ-
 դաց եւ յանօրինաց . եւ ազգն քո նեն-
 գաւոր եղեւ քեզ : Զգոյշ լեր ՚ի թ չնամեաց
 քոց . զի կայ մարդ մի չարակն եւ կին մի
 կախարդ՝ որ մտօքն չար խորհին վասն քո .
 եւ յընկերաց քոց վտանգ կայ առաջի քո .
 գատաստան ունիս կամ ճանապարհ կամ
 վաճառ՝ համբերեա . Աբրահամու վիճակն է :

Փ

Անզգամ մարդոյ մի լինիր սիրելի զի մի վտանգեացիս . եւ 'ի ձեռաց քո իրք կորուսեալ են . մի տրտմիր' 'ի քեզ դառնայ : Զինչ խորհուրդ ունիցիս կատարեսցէ Աստուած . բայց սակաւ մի համբերեա . զի պիղծ ոք այր մտօքն չար խորհի վասն քո . եթէ զգոյշ լինիս 'ի նմանէ ազատիս 'ի չարէն : Կամէր գալ 'ի վերայ քո տրտմութիւն' բայց Աստուած խափանեաց . եւ բազում ուրախութիւն կայ առաջի քո : Նման ես Աբրահամու . զոր Աստուած սիրեաց եւ 'ի տրտմութենէ ազատեաց . նոյնպէս եւ դու ազատիս յամենայն չարէ . Սահակայ վիճակն է :

Ք

Ո՛վ այր՝ տեսանեմ զի յաղթէ ոք քեզ . եւ լեզուով եւ սրտիւ չարիս խորհի վասն քո . կամ հոր փորէ քեզ . այլ ոչ կարէ վնաս առնել քեզ : Գնա ուխտս կատարեա Աստուծոյ՝ զի 'ի բազում չարէ փրկեցար . զի հասեալ էր քեզ նեղութիւն մեծ , այլ Աստուած դարձոյց զչարն 'ի գլուխ նորա : Նման ես դու Իսահակայ զոր հայր նորա կամէր զենուլ . այլ Աստուած օգնեաց նրմա եւ փրկեաց զնա . եւ բազում մեծութեան եւ փառաց եհաս . նոյնպէս եւ դու ուրախ լինիս կամօքն Աստուծոյ . սրբոյն Յակոբայ վիճակն է :

ԽՈՅՆ	ՅՈՒԼ	ԵՐԿԱԻՈՐ
ԽԵՅԳԵՏԻՆ	ԱՌԻԻԾ	ԿՈՅՍ
ԿՇԻՌ	ԿԱՐԻՃ	ՍՂԵՂՆԱԻՈՐ
ԱՅԾԵՂՋԻԻՐ	ՋՐՀՈՍ	ՉՈՒԿՆ
ՀՐԱՏ	ԱՐԵԳԱԿՆ	ԼՈՒՍԱԲԵՐ
ՓԱՅԼԱԾՈՒ	ԼՈՒՍԻՆՆ	ԵՐԵԻԱԿ
	ԼՈՒՍՆԹԱԳ	

ԽՈՅՆ

Ո՛վ մարդ՝ լոյս անագին փառաց եւ շառաւիղ աննուաշ ծագեսցէ 'ի վերայ քո որպէս արեգակն 'ի վերայ արարածոց . նոյնպէս եւ դու 'ի բանս քո ուրախ լինիցիս : Այլ ուխտ եղեալ ես կատարեա . եւ Տէր լցուցէ զխնդրուածս քո . ապա երազ տեսեալ եւ զարհուրեալ ես , մի՛ երկընչիր երազն 'ի բարին եղեւ :

ՏՈՒԼՆ

Ո՛վ մարդ՝ լուսաւորի խորհուրդ սրախ քո . յամենայն ժամ տրտում ես . մի՛ երկընչիր՝ զի չարն հեռացաւ 'ի քէն եւ բարին մերձեցաւ . եւ զոր խորհեալ ես վաղվադակի տայ քեզ Աստուած եւ զիւր ողորմութիւնն շնորհեսցէ քեզ :

ԵՐԿԱԻՈՐՆ

Ո՛վ մարդ՝ զոր ինչ խորհեալն ես՝ կատարի Աստուծով . զի բազում բարութիւն կայ յայդ խորհուրդս քո . զի դու բարի ես՝ եւ անիրաւն ոչ գայ առ քեզ . առ այժմ տրտում ես եւ 'ի ցնորս կաս . մի՛ ցնորիր՝ զի բազում բարութիւն կայ առաջի քո . եւ զինչ եւ խորհեալ ես՝ 'ի բարին կատարի Աստուծով :

ԽԵՅՔԵՏԻՆՆ

Ո՛վ մարդ՝ զոր ինչ խորհեալ ես՝ 'ի սըր-

տի քուժմ զգոյշ լեր 'ի կատարելոյ, զի մի
 վտանգեացիա . զի խորհուրդ քո ոչ յաջո-
 գեսցի : ապա զգոյշ լեր 'ի չար կամաց . զի
 ընդ քեզ ուտեն եւ ըմպեն եւ վասն քո
 չարիս խորհին :

ԱՌԻԻԾՆ

Ո՛վ մարդ՝ տայ քեզ Աստուած զիւր
 ողորմութիւնն . ցանկութիւն սրտի քո կա-
 տարի . եւ յետ սակաւ աւուրց՝ ձայն ա-
 ւետեաց լսես եւ ուրախ լինիս . բայց
 'ի կռուոյ զգոյշ լեր . եւ զոր ինչ կամիս՝
 տեսանես կամօքն Աստուծոյ :

ԿՈՅՍՆ

Ո՛վ մարդ՝ զլոյսն անսպառ ծագեսցէ
 Աստուած 'ի վերայ քո . եւ ողորմութեամ-
 բըն իւրով յաջողեսցէ քեզ զոր դուզ կա-
 միս . այլ երազ տեսեր եւ զարհուրեալ ես՝
 զի թէպէտ պատերազմն ահագին է , մի
 երկնչիր բայցնչան բարւոյ է . մեծութիւն
 գալոց է քեզ ուստի ակն ոչ ունիս . եւ
 այլ զինչ եւ խորհեալ իցես՝ կատարեսցի .
 եթէ հիւանդ ոք է քո առողջանայ . եւ
 պատուհասն 'ի քէն հեռանայ կամօքն Աս-
 տուծոյ . աւուրք որ 'ի վերայ քո գալոց
 են , լաւ են քան զառաջինսն :

ԿՇԻՌՆ

Ո՛վ մարդ՝ զինչ եւ խորհեցար մի եր-

կնչիր այնպէս ուրախ լինիս որպէս եւ պիտոյ է քեզ, բայց զխորհուրդ քո զամենայն մի ումեք ասեր. զի քո վիճակն 'ի կշիռն է. եւ ամենայն ինչ քեզ յաջողէ. 'ի յիշոցաց զգոյշ լեր եւ յամենայն ժամ աղօթս արա. զի ամենայն չար 'ի քէն հեռացի եւ 'ի հոգոց ազատեսցիս. եթէ 'ի ճանապարհ երթաս՝ յաջողութեամբ դարձցիս. եւ եթէ վաճառ ունիցիս, բազում շահեսցիս :

ԿԱՐԻՃՆ

Ո՛վ մարդ՝ գիտասջիր զի կարճի թուսովք կամի հարցանել զքեզ մարդ մի. զգոյշ լեր 'ի նմանէ եւ յայդմ խորհրդոյ հեռացիր՝ զի պահէ զքեզ Աստուած. ապա թէ ոչ յետոյ ապաշաւես. եւ եթէ համբերեսցես սակաւիկ մի, զինչ եւ կամիս կատարեսցի :

ԱՂԵՂՆԱԻՈՐՆ

Ո՛վ մարդ՝ ժամանակս ուղիղ եղեւ քեզ, եւ խորհուրդ սրտի քո 'ի բարին կատարեսցաւ. արա զինչ եւ կամիս եւ խնդացես 'ի բանս քո. եւ տայցէ քեզ Աստուած զխնդրուածս քո. մի՛ աճապարեր սակաւ մի համբերես, եւ ուստի ակն ոչ ունիս՝ ուրախ լինիցիս. եթէ տունս շինեսցես յաջողեսցէ քեզ Աստուած. եւ 'ի նեղութենէ ազատեսցիս. եթէ հեռաւոր

զոք ունիս՝ տեսցես . բայց 'ի լեզուէ
քու մտէ զգոյշ լեր :

ԱՅԾԵՂԶԻԻՐՆ

Ո՛վ մարդ՝ յիշեան զԱստուած 'ի բանս
քո եւ նա հանէ զքեզ 'ի տրտմութենէ զի
տրտմութիւն հասանէ քեզ 'ի սիրելեաց
քոց . ասես երբ դարման լիցի ինձ կամ
յաջողութիւն : Ասողս ցուցանէ թէ հի-
ւանդանայցես , սակայն վաղվաղակի ա-
ռողջացիս . եթէ հեռաւոր զոք ունիցիս
եկեսցէ . եւ կատարեսցին խնդրուածք
քո 'ի բարին :

ԶՐՀՈՍՆ

Ո՛վ մարդ՝ բարութիւնս բազումս ու-
նէիր եւ յամենայնէ զրկեցար . պանդըխ-
տեցար եւ չար դիպեցաւ քեզ . կռիւ
ընդ քեզ եղեն սիրելեացդ՝ եւ իբրեւ նաւ
'ի վերայ ծովուն 'ի տատանման կաս . եւ
կամիս քո կենացդ հանգիստ գտանել՝ եւ
հնարս ոչ գտանես . ով մարդ մի տրտմիր՝
զի տրտմութիւն քո յուրախութիւն փո-
խեսցի . եւ զոր խորհիսն՝ կատարեսցի կա-
մօքն Աստուծոյ :

ԶՈՒԿՆ

Ո՛վ մարդ՝ զհեռաւոր ոք զքո տեսցես,
կամ ձայն աւետեաց լսիցես եւ խնդայ-
ցես , զի դժուարինք քո անցին եւ բա-

րին մօտեցաւ . եթէ խոստումն ինչ ունիցիս
կատարեա . եւ 'ի յիշոցաց զգոյշ լեր . եւ
որպէս կապեալք որ արձակիցին , եւ
փակեալ դուռն որ բանայցի , այնպէս բա-
նալոց է քեզ Աստուած զդուռն ողորմու-
թեան :

ՀՐԱՏՆ

Ո՛վ մարդ՝ նման ես դու հովուին որ
փախեաւ 'ի ցրտոյն եւ եմուտ յայր . եւ
ոչինչ փոյթ յանձին կալաւ զոչխարաց . եւ
բեկ գայլ զնոսա եւ արար գէշ . նոյնպէս
եւ դու 'ի բարւոյն հեռանաս եւ երթաս
զհետ չար խորհրդոց . զգոյշ լեր 'ի նո-
ցանէ եւ 'ի նենգաւոր մարդոյ . եւ 'ի խոր-
հըրդոց այդի հեռացիր . զի չար խօսք
կան վասն քո . այլ այն զոր զմտաւ ա-
ծես , չարոյ քուժէ . ահա ասասցի քեզ
զամենայն :

ԱՐԵԳԱԿՆ

Ո՛վ մարդ՝ որպէս արեգակն որ լու-
սաւորէ զարարածս , այնպէս լուսաւորեա-
ցին խորհուրդքն քո . կատարելոց է Աստ-
ուած զբարին զոր կամիս . այլ 'ի մարդոյ
ուժեքէ որ բուխ է երեսօք՝ զգոյշ լեր .
զի սրտիւն նենգէ զքեզ , եւ լեզուովն
քաղցր խօսի ընդ քեզ : Բայց դու վասն
իրիք հոգաս եւ խորհիս ընդ այն 'ի միտս
քո . մի երկնչիր , վաղվաղակի լուսաւո-
րեսցին խորհուրդք սրտի քո :

ԼՈՒՍԱԲԵՐՆ

Ո՛վ մարդ՝ ընդ չար մարդոյ մի՛ շրջիր ,
 եւ եթէ ոչ անսայցես խրատուս՝ խաբես-
 ցիս 'ի նմանէ . եւ 'ի լեզուէ քու մմէ ըզ-
 գոյշ լեր՝ . եւ յանոյշ անոյշ բանից ամե-
 նայն ուրուք մի խաբիր . զի կամին կո-
 րուսանել զքեզ . սակաւ մի՛ համբերեա .
 ապա թէ ոչ յետոյ ապաշաւեսցես . բա-
 զում բարութիւն կայ առաջի քո . կո-
 րուստ քո գտանիցի . եւ զինչ եւ առնի-
 ցես՝ յաջողեսցէ քեզ Աստուած :

ՓԱՅԼԱԾՈՒՆ

Ո՛վ մարդ՝ 'ի հեռաւոր տեղեաց ձայն
 աւետեաց խիցես եւ խնդրուած քո կա-
 տարեսցի . եւ ուխտն զոր եղեալ ես կա-
 տարեսցէ Աստուած . չարն հեռասցի 'ի քէն
 եւ բարին մերձեսցի քեզ . զինչ եւ առ-
 նելոց իցես արա համարձակ . զի կամք
 քո կատարեսցին եւ ուրախ լիցիս յԱստ-
 ուած :

ԼՈՒՍԻՆՆ

Ո՛վ մարդ՝ ցօղ ողորմութեանն Աստու-
 ծոյ անպակաս լիցի 'ի քէն . եւ տէր Աստ-
 ուած հաստատեսցէ զսիրտ քո . զոր
 ինչ խորհեալ իցես՝ արա եւ մի՛ երկնչիր .
 զի բազում բարութիւն կայ առաջի քո .
 եւ 'ի հեռաւոր տեղեաց ձայն աւետեաց
 խիցես 'ի մօտ աւուրս եւ ուրախ լիցիս .

եւ զինչ եւ սրտիւ քո ցանկաս՝ աչօքդ տեսանիցես եւ խնդայցես :

ԵՐԵՒԱԿՆ

Ո՛վ մարդ՝ ընդէ՞ր յանիրաւի ջանաս եւ 'ի դուր աշխատիս . զի դժուարին է բանդ եւ անհաստատ գործդ . զի խորհուրդդ այդ որ 'ի սրտի քում է ոչ է պատշաճ ժամանակիս . փոխանակ բարւոյ՝ չար հանդիպեսցի քեզ . եւ եթէ ոչ լսես խրատու՝ խաբեսցիս . առ ժամանակ մի համբերու թեան տուր դսիրտ քո . եւ գոյսդ առ Աստուած կալ հաստատուն եւ մի՛ երկընչիր . զի թշնամին քո գլորեսցի՝ եւ դու կանգնեսցիս կամօքն Աստուծոյ :


ԼՈՒՍՆԹԱԳՆ

Ո՛վ մարդ՝ վիճակ բարի ել քեզ . այս Ղազարու վիճակն է որ երեքօրեայ 'ի մեռելոց յարեալ : Բազում աւուրք են զի քո վիճակն ելեալ է յաստեղատանէն . եւ դու 'ի տրտմութեան կաս՝ իբրեւ զնաւ երերալով 'ի վերայ ծովուն . մի՛ երկնչիր՝ վաղվազակի ելանես 'ի նեղութենէդ : Այլ խոստումն զոր ունիս կատարեա . եւ 'ի յիշոցաց զգոյշ լեր . եւ զաղօթս հասարակաց կատարեա զի ելանիցես 'ի նեղութենէդ . եւ յառնէ միովէ մեծէ բարի լինիցի քեզ :

ՎԵՐՉ




ՑԱՆԿ



	Երես
ՅԱՌԱՋԱԲԱՆ .	9
Պատմութիւն Պղնձի քաղաքին .	9
Պատմութիւն յաղագս Փահլուկ թա- գաւորին .	54
Խրատք եւ յորդորանք օգտակարք .	63
Խրատք պիտանիք եւ օգտակարք , զոր ասացեալ է Խիկարայ իմաստնոյ .	75
Պատմութիւն Աղջկան եւ Մանկան , եւ հարցմունք նոցա ընդ միմեանս .	106
Վարք եւ պատմութիւն Ալեքսիա- նոսի ճգնաւորին .	128
Պատմութիւն Տէր Յուսկան , եւ օրդ- ւոյ նորին Ստեփաննոսին .	143
Բանք պիտանիք եւ օգտակարք , ասացեալ յառաջնոց .	171
Զբօսանք Տղայոց .	174 եւ 195

8118



1890

4

0

31

00

75

100


338

448

471

490

Handwritten text, likely bleed-through from the reverse side of the page. The text is mirrored and mostly illegible due to fading and bleed-through.



191

0015394

2013

